

鄂

爾

泰

奏

稿

雍正二年正月十一日江南江蘇布政使臣鄂爾泰
謹

奏為恭繳

硃批諭旨批實回奏事竊惟江蘇重地財賦甲天下從前
各項虧空欠在民者或由災荒欠在官者半由貪鄙
深維其故瞻顧實貪鄙之源因循乃瞻顧之驗瞻顧
即御末有不流為貪鄙者上官需索下屬下屬因剝
削小民至剝削之所入猶不足以供所出則動庫帑
蓋愛惜功名不得並愛惜廉耻究之廉耻掃地功名

隨之故虧空之州縣亦未必盡出無良實不肖之背
撫司道有以使之也欽奉

諭旨將各項虧空捐補之項令歷來前任背撫司道賠補
不許累及現在無辜之員復以瞻顧因循不實心任
事為誠此誠

聖主如天之仁如日之明無遠弗届無微不燭之所至苟
非下愚敢有背

君父忘身名而反取悅於貪官污吏者乎除前督臣赫
壽常鼎之子前藩臣楊朝麟之子業經督臣查弼

納於別案具題奉發到省前撫臣吳存禮前藩臣李
世仁現在江蘇統俟商酌督撫二臣會查確細分別
著落另摺奏

聞外至署撫臣何天培為人直率居官恂謹每對屬僚未
嘗不以酬

恩盡賤為念但不諳吏治遇事少裁斷是是非非遂未能
允當其家人白二向因在鎮江住原無閑防與地
方官吏頗多熟識及署建撫初未免多事今已不
用傳話臣謹遵

諭旨批實覆

奏外恭繳

硃批原摺合併彙明臣謹

奏

硃批知道了

雍正二年六月初八日江南江蘇布政使臣鄂爾

泰謹

奏為恭謝

天恩并繳

殊批諭旨事署理浙江藩臣佟吉圖抵蘓口宣

諭旨鄂爾泰自到江蘓声名甚好毫不負朕恩是天下第一布政欽此臣質本庸人身遭

殊遇受事以來見江蘓地方外似繁華中實凋敝加以風俗奢靡人情浮薄繼遇豐年亦難為繼私心竊慮實非止於不要錢不廢事便足以報

君恩盡臣賤也迄今待罪將及一載雖兇頑稍戢淫蕩稍減府州縣吏亦稍知自愛然于地方本計曾無寸補乃蒙

天語褒嘉、逾於常格、臣自分何人、膺茲異數、自今以往、惟有時凜

聖訓、不瞻顧、不因循、竭力盡心、佐署撫、臣何天培、謀積貯、通水利、崇節儉、惜廉耻、務期荒年、亦可不愁饑窮、民亦漸不為盜、臣戇無虧、臣心始慰、庶仰酬

高厚於萬一耳、臣謹

奏、

硃批、所奏甚是、向聞爾料理得法、故未諭及、今既有此奏、因將朕意諭爾、凡轉移風俗之事、須漸次、代理、不可拂民

之意而強以法絕之也。從前如湯斌等及幾任巡撫亦有為此舉者皆不能挽回而中止反致百姓之怨望無濟於事如蕪州等處酒船戲子匠工之類亦能養贍多人此輩有游手好閒者亦有無產無業就此覓食者倘禁之驟急恐不能別尋生理必反為非不可究竟矣。惟在任勞若不

能養生必反為非不可究竟矣。惟在爾等地方大吏正已率屬徐徐化導使百姓明識其非樂從務本知其利害方可長久遵行風移俗化也。萬不可嚴急使民失業究之蕪常等處還是禮儀柔弱之風雖習尚奢靡不過好為嬉戲

耳。況人性多巧。頗嫻技藝。善於謀食。較之好勇鬪狠之風。相去遠矣。若盡令讀書。勢必不能。若槩令歸農。此輩懦怯之人。何能力田服勞。將來不過棄鄉棄土。遠往他省。仍務其舊耳。業非長策也。凡事順人情。就風俗而理之。從容布置。委曲開導。方可有成。一點迂腐淺見。存不得。虛名務不得。地方上。乃頑矜紳。縱不得。末業小民。苦不得。必須一夫不獲其所。若已推而納之溝中。如此寬仁。如此識見。方可為民父母。若不計其長久。祇顧一時高興。非惟不能風移俗美。翻成勞而無功。只可善為化導。不可使小民失其生。

理也。此朕密諭爾之旨，不可令一人聞之。要緊要緊。

雍正二年七月初五日，江南江蘇布政使臣鄂爾泰謹

奏為恭謝

天恩事。竊查叅革知府張汝懷，捏結署令陳紳，虧空全完。詳請開復一案，臣批詳轉請。部臣以徇庇題叅，臣接閱邸抄，不勝惶悚，不勝慚愧。雖嚴加处分，甘受何辭。不期七月初二日，接臣兄鄂臨泰家信，知奉

恩旨，查弼納居官好，固不待言。鄂爾泰居官，声名好，布政

使內第一伊等失於覺察則有之斷無徇庇之事可以保得伊等俱著從寬免其处分餘依議欽此臣跪誦之下感極涕零謹望

闕叩頭恭謝

聖恩訖伏念臣遠隔數千里外才處江蘇智短材庸未能寸效乃蒙

聖明垂鑒下信

臣

愚非分之褒重頒

天語

臣

自顧何心能不思奮自今以往惟有矢此愚忱益

加詳慎務期少補涓埃不敢自甘暴棄除詳請撫臣

代疏恭謝外謹具摺奏
謝臣謹

奏

硃批知道了不可因取信於朕而放縱改易也勉之又勉
莫負朕用

雍正二年七月二十四日江南江蘇布政使臣鄂爾
泰謹

奏為欽遵

聖訓恭繳

硃批事竊臣於七月初九日恭接

硃批臣摺

諭旨廣大悉倫纖細不遺如衡斯平如鑑斯澈既精義以入神乃造化之在手此固萬物咸宜千秋惟鑒小試之則小效大試之則大效者也臣跪誦之下心目洞豁浮氣頓除深繹熟思歡忻累日伏念

國家設官分職凡以為民耳但能利民則寬嚴水火皆所以為仁而勞怨非所恤如不能因民則刑名教化皆足以為病而廉惠非所居益謬拘臆見薄務虛名

不以民事為事、不以民心為心、固未有能奏效者、怨
庶吏與貪吏罪相若、好事較候事害更大、見小不成、
欲速不達、莫之或出此矣、臣仰體

鴻慈、凜遵

寶訓、鑒心刻骨、敢一啟之、偶忘宣化承流、期三年而振可
臣謹

奏

硃批、所奏甚是、勉為之

同日又

奏為敬陳管見事。竊臣受事江蘇，已經一載，地方事宜租悉大畧，如丹徒、丹陽、河面係杭嘉湖紹蘇松常七府之運道，而派夫挑淺，獨累兩邑之民，漕糧關係天儲，旗丁固宜優恤，然馭之不善，而驕悍橫索，官府莫制，遂為商民累。州縣分修戰船，營弁勤索，州縣船不堅完，官受賄墊，徒為科歛，口實。凡此諸事，素蒙

聖主洞鑒，諭令查議。臣更敬摭一得，附陳四條，伏冀

聖主採擇焉。一、漕船之宜更舊式也。謹按糧艘舊式，船身雖廣濶長大，而每船所裝額米，不過六百石，此外悉

供運丁水手廣載私貨以致船身過重遇淺即阻蓋
受兌開行覓攬客貨包載過閑停泊接受勢需時日
迨過閑上進以及達通沿途發賣客貨又須留滯船
船式過大遂得藉口寔非無因敢于玩悞也况船大
則行遲行遲則壅塞河路益隘而民船不得通甚有
相去數丈守候經旬兼之硬挐剝運捶撻交加怨聲
載道誠有如此

聖主明諭者以臣愚見與其大而無適於用莫若更其式
而有便於漕并有便於民嗣後每遇一船破壞并屆

滿號大造之期請即飭令更造如舢舨子船式窄小而
長量其所裝可容千石六百石以裝正供一百石以
裝行月口糧餘三百石地仍許其帶貨則船小載輕
不難撐運即遇淺擱亦易扛幫而於旗丁輩仍無苦
累商販民且得肩行無礙殊兩便矣况船小則水手
亦可減裁少一人即少生一事兼又便於舉棹其行
亦速將不踰六月便可抵通不踰十月便可回次不
惟易於督運復有益於商民或亦救弊之一法也一
巡道之仍宜專設也芻查蘓松二府地當濱海民稠

地沃賦重風刁且有邇澱太三湖汪洋千頃最易藏
姦東南攘接浙江盜賊不時出沒所以向設分巡道
一員駐札蘇州府城巡查防範以專責成至於糧道
督理蘓松常鎮四府漕白二糧始須設法催徵繼則
到次督趨而又押運赴淮船盤驗是糧道一官亦難
雜以他事分擾其心惟是康熙二十二年間將巡道
一缺裁併糧道而巡查之查務與催趨之任遂歸統一
員竊思糧道之催趨正當冬月而匪類之竄發亦係
寒冬若押運赴淮勢不能不顧此而失彼以臣愚見

似應查照舊例仍設分建道一員。此查地方以資彈壓以專責成。一水利之亟宜宣通也。按禹貢三江既入震澤底定震澤者太湖也太湖之水分洩於三江以入海三江者東江吳淞江婁江也。婁江即今之劉河在蘇州府城之東經崑山縣抵太倉州境環城南而東過嘉定縣以入於海上洩諸水下通潮汐東南半壁寔賴之故其通塞所關甚重河向寬二十餘丈後因於天妃宮建閘束其水勢潮汐來緩以致停淤暴塞所存河面僅五六丈土人方欲去之而於康熙

五十四五年間又建六渡橋之新閘而河道日湮因
六渡橋去海已遠潮力已微束之以閘則潮來愈微
退時愈緩緩則沙停漸成淤積以致濱河田畝灌溉
無資此則旱之為患也若遇大水為災河道本細復
有此閘便其咽喉出於太餘之水門澤西果列即之水其洩瀉不及則盡趨劉河
而爭出於火餘之水門其洩瀉不及則汎濫漂沒之
患必不能免此又水之為患也當時與六渡橋並建
者又有七浦一閘此閘去海為近潮大則阻於閘而
不及進閘外之田受其汎濫潮小則阻於閘而無所

入閘內之田無從戽救故二閘一建而三郡之水利
欲絕士民無不欲去此二閘者而以當日建造之始
經督撫

題請未敢議廢殊不知地勢有更遷事機分利害因革
興廢在乎審時況在議建之時本為利民計也而未
見為民患及今已受其患若仍不為變通拘於前議
恐水利翻為水害逆於前議利民之初心亦大相悖
謬矣臣博訪羣議如出一口倘邀

聖明恩允廢此兩閘太倉等三州縣萬民實攸賴焉一奏

署之難拘成議也。伏念知府一官，有統率屬邑、盤查倉庫之責。州牧縣令，有刑名錢穀、城池庫獄之司。戕任匪輕，遴委宜慎。在從前陋習，凡府州縣缺出，鑽謀署印者，爭先恐後，不肖大吏，以此居奇，視耗羨之多寡，定賄賂之重輕，而被委之官，原期藉此獲利。既所費已多，且為時不久，遂至百計營私，而侵帑蠹民，無所不至，荷蒙

聖明洞燭，特頒定例。署印之官，凡有虧空，即著落原委。署之上司，分賠法至善也。近奉部覆，台臣王恕條議，知

府缺出止許委府佐署理州縣缺出止許委隣近之
州縣兼攝其所以杜通融瞻徇之弊者至詳且悉臣
又何敢置議獨是地方有大小之不同政術有繁簡
之各別因地制宜庶免有悞查蘓松常鎮所屬之二
十州縣俱係財賦重地事務殷繁江寧之上江句溧
諸邑揚屬之江都暨高通二州淮屬之山陽宿遷等
縣並皆衝劇要地素稱難治如收漕之時印官住宿
倉廩彈力徵輸尚虞遲悞平時催徵各項錢糧條款
繁多日昃不遑猶難如限加以

欽部命盜重件、並承追承緝各案、均有嚴限、

例干叅處、任斯職者、即使才具優長、亦止能勉盡職守、若更委以他篆、恐即有蕙人之才、亦乏分身之術、勢必以本地之事、私委衙官、則害民悞事、更有甚於同知通判者、是隣近兼攝之事、可行之於他省、而未便概之以江蘇也、臣查佐二首領等官、未常無長才、若概不許委署、恐敏練之員、無由自效、非所以示鼓勵、隣近州縣等官、未必皆循吏、若例定以兼攝、恐夤緣之輩、反得借徑、非所以示防閑、况

既遵

定例。凡署印之官，但有虧空，即著落委署之上司分賠。則委署之責，自當聽任應分賠之上司。若分賠則有嚴例，委署實無專責，或受分賠，未免屈抑。即現委署亦難遴選，深計熟思，恐終無補。批臣愚見，嗣後州縣缺出，惟當欽遵。

聖諭。令該管上司不拘何官，但慎擇才守兼優者，詳請委署。其委署之官，一有虧空，或至惰悞，即著落分賠，仍加嚴處。在該管上司既無可推諉，則為公為私，倍

加詳慎而通融瞻徇之弊、或亦不敢出此矣、至於知
府缺出、詳委府佐署理、可通行、然遇府佐中或無可
委之人、亦當隨時變通、以收定效、以上四條、均閩民
事、臣自維戡守、不揣冒昧、詞過冗長、伏乞

聖主睿鑒施行、臣謹

奏、

知道了、凡奏應明白達意、何冗長之有、

雍正二年九月初四日江南江蘇布政使臣鄂爾泰謹

奏為奏明地方情形仰懇

皇仁事今歲江蘇地方自夏涉秋雨暘時若將謂可卜大有不意於七月十八十九日兩晝夜颶風驟雨海潮泛溢江濱海澨之處同時被淹衝決海塘倒壞居民居廬舍甚至溺死男婦多人臣驚聞震駭隨即轉報督臣查弼納署撫臣何天培俱已具

題外臣念

聖主以誠達天。以仁育物。宵旰憂勤。無日不以民生休戚為念。自

御極以來。蠲免赦除。屢下非常之

詔。一旦見此瀟海百姓。忽遇奇災。必惻然憐憫。

恩賜撫賑。第現今壞廬舍。絕烟火。秋深霜露方始。而小民露暴乏食。不知所蔽。若待

恩旨。明降尚需。日時萬一少壯者流。雖轉徙老弱者。填委溝壑。是不以

聖主之心。為心。而又何賴乎。有司土之臣也。因夙夜焦思。

不得不亟求拯救之策除孤懸海外者被災尤甚之
崇明一邑已奉督臣急撥存留米一萬石署撫臣買
米二千石押運至本地散賑平糶安撫兵民臣一面
詳明督撫二臣一面先動捐存銀兩量受災之大小
輕重各發三百兩五百兩不等令州縣官親詣核寔
無力貧民按戶散給助其苦蓋薪粟之資免於暴露
漂腹之慘以待

皇仁今續批各災屬詳報已經俵分各散訖又有各自捐
資并勸大戶樂輸凡係屋廬倒塌者現在修葺費烟

不繼者得賴保全、莫不各理舊業、漸復安堵、臣用敢
據情繕

奏、以稍舒

聖明南顧之憂、但目前雖獲稍安、恐涓滴未能補救、一俟
確勘情形、細核分數、立即詳明督撫

題請賑濟、廣沛

洪恩、至於此外、如蕪屬之吳江、長洲、松屬之姜縣、青浦、常
屬之武進、鎮屬之丹徒、淮屬之山陽、賴榆、安東、揚屬
之通州、如皋等縣、雖批報災、目細加訪問、於秋成分

數不無減什之二三然猶不致大害現在委員會勘
俟勘確另

題即間有微傷臣等自當酌議慰安可以無煩

聖慮蓋江燕惡習但遇災祲即不被災地亦紛紛報災業
主希圖減課佃戶希圖饒租而包攬錢糧於棍復從
中聳駕以為緩徵之計若不分別查勘明白曉諭一
經

題請則錢糧輸納不前關係非細不敢不慎也更有陳
者松江府屬之海塘向係土堤自遇颶風將華亭縣

所轄金山衛柘林青村三汛一帶土提漫惠口衛坍五
十五處計三千六百丈七批估工料銀二萬九百餘
兩上海縣所轄川沙南匯二汛衛清護九百一十丈
據估工料銀兩詳請速發帑銀修築前來臣念東南
國課民生全賴海塘捍衛前批士民公呈請照浙江海
寧塘工開捐納事例建築石塘為一勞永逸之計自
柘林周公墩起至西金山東天妃宮止計程四十里
計長七千二百丈每丈約需工料銀一百兩共約計
銀七十二萬兩工丈費多非開捐不能充濟曾經轉

請督撫正在酌議具

題而目前適逢潰壞內外無阻鹹潮直入民情驚恐石塘之設緩不及恃若不急為搶築土堤所慮秋潮大洩倘有害生不測不可不防第所費浩繁司庫錢糧別無問款可撥臣愚伏念惟有權動正項地丁給發堵築并即以一帶被災之民召募充役日給工食銀五分則不特自食無虞兼可分贍家口指日賑恤下頒又逢內地收穫便可接濟則一舉而塘工民可以兩全臣再親履其地確查丈尺細核工料不使冒銷

用過錢糧徐議歸補是緣地方緩急之時不得不設此權宜變通之計是否可行統俟督撫兩臣

題請至建築石塘原期永固然此土提為石塘外衛仍不可少若因有改建石塘之議而謂土提可以不築無論內地現在可危即將來石塘告竣而無土提捍禦或值狂瀾澎湃則無以截水勢以安民居此土提之亟宜搶築非止為暫時補救計也是誠所繫非輕故敢條細直陳所有

硃批

臣摺三扣並

殊諭事件、合併恭繳、臣謹

奏、

知道了、

雍正三年十二月十九日、雲南巡撫、管雲貴總督事、

臣鄂爾泰謹

奏為恭謝

聖恩、報明臣體痊可事、竊臣有本庸材、身遭

異數、五日由京、六蒙

召見、疊荷我

皇上天高地厚之恩

訓誨儼若嚴師

矜憐宛如慈父臣口不能述心寔難安縱使竭盡駕駘斷

不能少酬萬一若復甘自暴棄稍易初心謬言通脫

移念身家在諸目所當薄罰在臣即應顯戮

皇上

后土亦必不容臣

負背至此也臣於初二日已刻起

程

御賜行轎穩過快便日行兩站餘畧無勞頓以尚書臣

奉璉所定二葉方經臣

立即合就早晚分服今於本

月十九日、已抵湖北襄陽府、飲食漸增、精神漸長、此後當儘力前行、略無遲悞、臣以微恙、致塵

聖懷、午夜捫心、難以自處、惟有弩力自愛、務使體氣強壯、以重目職、以答

天恩而已、目謹

奏、

覽奏、朕甚為欣慰、新正大禧、諸凡平安如意也、朕與卿一種君臣相得之情、寔不比泛泛、乃無量劫善緣之所致、期共勉之、

雍正四年二月二十四日、雲南巡撫、管雲貴提督事、
目鄂爾泰、謹

奏為恭謝

聖恩事、目竊於雍正四年正月二十八日抵雲南馬龍州
地方、接受印信、隨於二月初一日、抵署到任、茲於本
月十八日、前齋摺家奴回滇、蒙

御賜_臣福字一卷、荷包一個、珍食一匣、_臣隨知迎至署、恭
設香案、望

闕叩頭、願受訖、及敬啟摺扣、欽奉

殊批覽朕甚為欣慰新正大禧諸凡平安如意也朕與卿
一種君臣相得之情寔不比泛泛乃無量劫善緣之所致
期共勉之欽此目跪讀至數四不能仰視既感激涕零亦
慚惶汗下自顧駝根寔何修而得至此若不勉力精
壯稍有墮落現在不作善因未來受定孽果既不敢
亦不忍惟願生生世世依我
慈父了目一大事以求多福而已目謹

奏

雍正四年五月二十五日雲南建撫管雲貴總督事

臣郭爾泰謹

奏為恭謝

聖恩事、雍正四年五月十四日、臣家奴齋回摺扣二匣、並御賜小種茶十二瓶到滇、臣隨郊迎至署、恭設香案、望闕叩頭、願受訖、敬啟摺匣、貴陽途次二摺未蒙

批示、臣不勝惶恐、及敬啟、臣到任後摺匣伏讀

硃批、汝之心、朕早皆洞悉矣、朕不敢輕許人也、欽此、竊思

臣之事

主、只此一心、雖相隔萬里、如覩

天顏目由員外郎三年之內、超擢巡撫、管理總督、若非
聖主洞悉目心、何以超逾常格若此、但目本凡材、心長力
短、方且時切冰淵、惴惴自凜、願乃荷蒙

聖明、以不輕許人者許目、目獨何心、敢不自重、敢不自勉、
又伏讀

硃批、此一大事、須要自了、勉之、欽此、竊思臣子大事、莫大
於事君

君事親目之身、親生之
君成之目諸事、未了、何敢計及自了、惟自始至終、上不負

君下不負親生。世。此身有極。此心無極。以為不

了。蒙

聖訓。勉。自了。臣不敢不勉自了也。又伏讀遵

旨。覆奏一摺。

硃批。凡天下事利弊名異而寔同途。况欲速則不達。詳審
為之。深為熟悉。後再行。欽此。大哉。

王言。誠萬世空訓。臣知

聖主所以訓。臣者。正不獨此事。當銘心刻骨。一念不忘。除
將點省減。則首重大要。傳

諭撫_目何世璠、凜遵外，謹此繕摺，恭謝。

聖恩伏乞

睿鑒_目謹

奏、

此奏寔洽朕肺腑，欣悅覽之。

同日又

奏為

聖恩逾重，愛身圖報事。五月十四日，敬啟恭請
聖安一摺，荷蒙

硃批朕安、將爾身子大好處為何不書奏、欽此、臣跪讀之下、涕淚盈襟、遥望

君門、惶悚無地、念臣本庸愚、荷蒙

高厚、至於此極、縱使日夜盡瘁、矢以終身、是難報稱萬一、乃臣之一身、疾痛疴癢、呼吸之間、上聞

聖慮、經云、父母惟其疾之憂、言念及此、無可自解、若復不善調攝、漸致殘疾、有悞戕守、是自負、是負

慈父、臣即不諳大義、天性具在、未敢不小心凜慎也、竊臣體雖羸弱、精神強旺、舊原無宿疾、緣昨歲七月間、江

署患瘧卧床兩月愈後尚未復元故入京

陛見時猶有病容荷蒙

聖主垂憐著尚書臣蔡珽診視酌定藥方日一路服藥病
已全愈及到督署至今服食無間兼聞雲南風氣雖
值盛暑溫和如春以臣微軀更易調護覺較前未病
時更加壯健故於黔楚途次兩經陳報外未敢再陳
有煩

睿念茲蒙

垂問謹將臣身子大好处詳細奏

聞_臣受

恩如山、尚無撮土之效、必能努力自愛、以重封疆、伏乞
慈鑒、無以_臣病為念、庶_臣心稍安、_臣爾恭不勝感痛、無任
瞻依、_臣謹

奏、

爾只遵旨、省力愛養、朕方不以為念、莫云萬里之隔、朕不
聞知也、

同日又

奏、為恭報滇黔二省豆麥等項收成、分數并米糧價值、

仰祈

睿鑒事

謹

日

查得雲南所屬地方、高低不一、本年春初無

雨、春秋夏初、始得雨澤、四月中旬、雨方霑足、細加訪
問、各處豆麥收成、如微江府屬之河陽江川二縣、約
有七分、雲南府屬之昆明嵩明二州縣、約有八分、其
餘各府州縣、亦約有八九分不等、省城米價、每京石
約賣銀一兩三四錢、大理等郡之米稍貴、目等已於
米貴之處、將倉米減價糴賣、俟秋收、買補還倉、目下
之價已平、至貴州山深土瘠、賴雨暘時若、始獲豐收、

貴陽各屬自春入夏雨澤時沛民間佈種油菜豆麥
雜糧等項約有八九分不齊現今省城米價每市斗
費銀九分計倉平一斗五升各屬價值雖低昂不齊
而斗有大小計算亦約略相同再目等親往各鄉遍
行勸課目擊漢夷男婦盡力東作豆麥登場插蒔已
遍早者業經房發而各屬申文亦報播種插蒔將完
西成有望理合一併

奏報伏乞

皇上睿鑒施行目謹

奏、

上天自然憐汝也、

同日又

奏為進勅頑苗、況獲諸寨事、竊聞貴州廣順州長寨等
頑苗阻修營房一案、臣先奏

聞一面調集官兵土兵、以張軍威、一面出示曉諭、再三化
誨、及四月二日、撫臣何世璠到任、復諄切示諭、批副
將劉業浚、逐日報稟愈化愈頑、臣等仰體
皇上如天好生之仁、不肯輕易進勅、然觀其情勢、必非文

告所能化誨者乃令整理軍容尅期前進五月初六
日批稔焦山長寨寺寨頑苗糾黨放鎗放弩來驚營
盤拾得葯箭十餘枝拿獲頑苗三名并藥箭一箭初
七日諸將官議定三路進兵一由谷隆一由焦山一
由馬落孔而以宗角為老營應援初八日分佈隊伍
整齊號令於九初日會同進剿十六日批提呂馬會
伯若稔進擊田王官祿於初九日丑時將官兵分三
路前進由谷隆關而入越嶺登山直抵谷隆關之上
寨口批打焚燒立破附近谷隆關之岩底寨兄把
批

寨、桑打寨、擺架寨、桐林寨、大谷隆寨、小谷隆寨等處。
諸寨賊苗擅敢對敵，官兵奮不顧身，施放大礮、鎗、箭。
齊發，打死賊衆無數，理應取賊首呈驗。奈賊衆頗多，
打死一賊，旋即搶去。官兵共燒七寨，占住大谷隆、閑等。
因移營到日，十七日，又批提日，召移遊擊卜萬年，於
初九日子時，自焦山起營，遊擊詹天祥分兵兩路前
進，搶過焦山竹林開口，四圍鳴角吶喊，路俱塞斷。官
兵冒險攀援而上，直抵苗穴。翁忙陰閣，滿山俱安葯
簽，頑苗率衆擋敵，擡石弩弓亂發。官兵爭先，頑苗敗。

走深入穴內，奪陰關而下。兵馬渡河，頑苗又復拼命拒敵。官兵力戰，開得翁忙，頑苗復敗入井中。官兵齊追，又開得井口。四野頑苗蜂擁接陣，斃傷頑苗數人。往取首級，彼已先搶而歸。遂分兵前後先踞長寨之後山，借勢而入。男女奔竄一空，反齊入長寨。而頑苗復奮力拒敵。是夜喊聲震地，箭發如雨。今兵丁施放鎗礮，嚴加固守。所有頑苗拒敵，並得長寨情形，移咨到。目自經點有與提目署撫目面會，細商原委詳志。及抵滇署，咨札往還，常境沿途堵截，未兵劫糧者，則

有河汪施魯等賊乃遣遊擊張翰彬等進勦。批報十月十五日官兵既入探得逆賊潛匿白石崖大箐即帶兵前往賊沿途砍木塞路密下竹簽官兵開路拔簽奮勇而入賊衆千餘前來拒敵官兵用鎗礮攻打自午至酉打死逆賊數十人十八日官兵搜擒逆賊至草黑會合遊擊何元跟蹤至烏羅河賊有五六百人占踞山梁施放弓箭擗石我兵奮勇攻打自辰至午鎗礮傷死二百餘人餘賊滾箐而逃拿獲乘機竊擄之漢姦許登科張國彥袁標三名當解提督挑筋

釋放、至於結黨擄掠肆行劫掠者、則有卑七五龍弩
草寺賊、乃遣護叅將張其貴等進剿、批報十月十七
日、至卑七札營、聞五龍寨後箐內有夷賊藏踪、隨分
兵四面圍攻、又於紫牛坡掣獲漢姦張瑜五龍裸賊
長壽、俱係逆黨、亦訊明象示、正在搜箐之時、忽箐左
山上深林之內、復有賊搖旗吶喊、搖旗吶喊官兵前
往擒掣、獲旗一杆、殺死賊數十人、生擒十七人、亦於
彼地斬首示衆、擒獲逆目祿有福之妻、并賊裸男婦
一十七口、於二十五日、帶領官兵前進、又復行至

阿泥卡扎營二十六日分兵下山至魯補箐有賊數百手執長條弓弩吶喊堵截官兵分兵三路夾攻斬賊數十中鎗滾岩死者不計其數復前進至黑鉄山脚遇有賊探望隨擒獲一人挾供有附府猓賊潛匿河外大壘左右懸岩密箐前隔大河是晚四更官兵遶河渡水于二十七日黎明齊至壘下賊猓滾木擡石甚多官兵冒險殺進賊衆滾岩落水及中鎗死者無數生擒賊十名俱斬首割取耳記擒賊男女五百五十一名口二十九日又擒賊一名訊供知魯得壘

有逆賊數百拒守三十日、官兵直搗賊巢、賊復大敗、
奔散、至于聚衆圍城、拒敵官兵者、則有那姑魯革等、
賊乃遣遊擊屈明、守備陳上志、胡玉書等、進勦、
十月二十無虛日、迨撫臣何世璽到任后、又復郵筒、
商確、其于一切杭宜、屢經嚴諭、副將劉業浚、及諸將、
弁、并預事文武官員、示以調度、兼發有令、箭、專員申、
飭、總期謀出萬全、亦捨亦縱、為計長久、今、
官兵一進、收獲各寨、秋毫無犯、生民安、
堵、此皆我

皇上教養之恩，決肯淪聽，有以鼓勵之也。但長寨而外，尚有羊城壘者，貢谷隆同筭。焦山諸寨，令挾報稱，止焦山長寨谷隆以及附近諸寨，而羊城壘者，貢同筭等寨，尚未報明。先將已獲諸寨奏

聞外，隨有檄行諸將，著令覘其順逆，應撫應勦，相抗行事。其已獲諸寨，既報焚燒，遍已逃竄一空，必須查明，每寨共若干里，閭閻若干里，田畝若干，除已燒者，存戶若干，除已逃者，存口若干，逐一查明，造報清冊，前督臣高其倬等所議添設武職幾員，兵丁幾何，衙署營

房幾所與今所獲地勢果否相符應否更議將所獲
諸寨現存房舍暫安挿兵丁居住俟事定之后將田
畝改作屯田令兵丁耕種再有餘地悉招漢人使逃
竄頑苗无得復入庶可永除后患至于寨苗死傷雖
多并死首級生擒无数未及渠魁若于此稍存始息
聽其捏填名數詣軍乞降縱殲渠魁毀巢穴將賊智
未旁凶心仍伏恐一寨潛起諸寨現望数苗突起群
苗附和官兵甫起則嘯聚復來欲令生全終非長策
此臣不以擒賊之力與并死首級為慮而以逃竄頑

苗定應搜括急欲籌一勞永逸之為要機也新提臣
楊天縱到任尚須月餘馬伯^會狃及此了事其進剿兵
丁被傷者十數人雖經咨稟應俟事竣之日查實陳
報恐塵

聖懷先此具摺伏乞

皇上睿鑒

賜以指示臣等幸甚邊方幸甚臣謹

奏

此事何世璠亦奏聞未免書生之見況初到未審情形大

有姑息之意。朕著實嚴諭。倘有稍遲時日。處一切糧餉。費勞之需。少掣肘遺誤。朕必加罪。已諭兩次矣。凡百官令聽汝調度。不可少立意見。有誤。幾宜爾應如何措處。一面料理。一面奏聞可也。

雍正四年六月二十日。雲貴南巡撫。管雲貴總督事。鄂爾泰。謹。

奏為恭謝

天恩事。雍正四年六月朔日。臣。齊摺。千總。李茂蒙。恩。賞給驛馬。并捧。

御賜臣秘製丹錠一匣到滇臣隨郊迎至署恭設香案望闕叩頭祇領訖敬啟摺扣伏讀恭請

聖安摺

硃批朕躬甚安爾好麼可如舊否欽此臣跪捧之下氣咽神愴萬里之外如聞

慈父聲臣獨何心敢不自愛其寔自到任后精神氣力比舊加強前摺已脩細詳陳諒蒙

聖鑒少慰

慈懷及臣接開家信知荷

聖主以臣胞兄鄂臨泰女

特頒

恩諭許字怡親王洪皎阿哥臣率同臣妻席他拉氏并臣
子恕奴約奴孚奴叩頭謝

恩外竊臣先世自從開

國代沐

皇恩至先臣鄂拜雖忝列儒冠歷階祭酒依然寒素凡屬
朱帥何敢躋攀今臣疊荷

聖恩不次超擢以巡撫總理摠制方時深惴慄莫報涓埃臣

胞兄臨泰，舊曾任中書，退歸已久，近叨
恩給以八品頂帶，雖家居

輦下，而禮儀疎簡，朴野自甘，姪女未嫺姆教，鮮諳閨箴，
性雖近于淑柔，質難辭于固陋，忽蒙

聖主，碩以蓬門弱息，上配宗潢，聞

命之餘，不勝忻躍，不勝悚惶，豈惟臣兄弟一門并叨

恩耀，其自臣始祖，下逮高曾父，皆蒙

光寵沾沐

殊庥，臣自度身力斷不能報稱，惟此赤心，勉始勉終，不敢

稍解、以仰答

高深已耳、謹此繕摺、恭謝

天恩、再臣既叨荷

聖慈、怡親王處、理應具啟候安、合併聲明、謹

奏、

怡親王寔不世出之賢王、卿寔國家之名器、真皆朕之股肱心膂、朕有意聯此門親也、卿當慶喜者、爾前陞見時、朕已有旨、言爾起身從迤、未得見怡親王、查勘河務、尚須時日、可圖他日會面之旨、及爾動身、后王回京、朕告以爾

為人居心王之代朕慶喜之意動諸辭色爾一切奏摺朕多與王看王之一種敬慕稱讚之懷實難筆諭王實人之有技若已有之實能容之而兼愛敬之人王好賢嫉惡之公忠寔為希有朕所悉知者當代為汝二人朕保再不移志者其他朕寔不敢信其必爾等皆朕心腹王大臣相識并非私交今已奉旨聯姻一切書札問候來往正可彼此規諫以報朕知遇之恩同心合德贊襄朕與蒼生造福凡形迹影像之懷一點不必存中遵旨行莫疑

同日又

奏為欽奉

聖諭事竊照四川東川府接連雲貴逼近烏蒙驕悍橫肆
為民大害荷蒙

聖主洞燭幾先令東川歸滇俾就近料理

特頒

硃諭一道并臣摺

硃批所奏甚合朕意東川歸滇高其倬未到之先已有旨
矣其餘所諭極是應請題者具題欽此臣伏讀詳繹仰見

我

皇上大知用中至仁熟熟生殺予奪一出无心臣當字

深思事：反体務出萬全勿少輕易終身誦之終食不忘可也臣自摺

奏后隨密差人至東川細訪確勘其地方疆界形勢險要山川城池衙署營汛兵丁戶口糧餉賦役并現在風俗一切礦廠俱得悉大概俟部文到日應即遴委大員逐一查明臣更當親往細勘酌議會

題蓋事之在初芝每易簡略始之不愼終成弊端不可

不熟慮至于料理烏蒙一事即當札商岳鍾琪并密
致黔省撫提二臣著先事籌畫統俟臣親勘后妥議
奏

聞大約烏蒙土官凶惡習慣可以威制似難以恩化不改
土歸流終非遠計然威止可以一舉恩未可以先施歸
滇之后臣當宣示

皇仁曉以

國法練兵屯田以壯我軍漸離其心腹徐剪其黨羽俟
杭有可乘設法招致庶可一勞永逸其防守官兵臣

擬以援勅左協移駐已蒙

聖鑒。但將脩千把仍須遷調。其左協原設防汛擬即以右協弁兵內分撥。合先聲明。再元江修城一件。現擬府協詳行司確估。安順府改站一件。據司道勘詳。俱稱不便。臣又委知府王鼎鎔。本身查覆。尚未詳到。合并聲明。為此具摺恭繳。

聖諭一道并

硃批原摺一扣。臣謹

奏。

是當之極、卿與岳鍾琪商酌、不煩朕諭也

雍正四年七月初九日、雲南巡撫、管雲貴總督事、臣

鄂爾泰、謹

奏、為、揜制積惡土官事、竊以滇黔大患、莫甚于苗獠、苗獠大患、寔由于土司、臣自到任至今、凡遇夷情、无不細心訪察、所有鎮沅土知府刀（雲）瀚、益土知州安于蕃、勢重地廣、尤滇省土司中之難治者也、查刀瀚人本凶詐、性嗜貪淫、自威遠監井歸公后、長懷不法、強占田地、阻撓柴薪、威嚇灶戶、挾打井兵、流毒地方、恐

貽后患。前陞任臨元鎮總兵。臣楊天縱在省。臣已與
面商。續于六月初二日。因密交臣標前營遊擊楊國
華等前往。如法擒拏。拋稟。已于十九日就擒。并撤取
印信。踴紙押赴臨安轉解。至于安于蕃。恃勢豪強。心
貪擄掠。視命盜為兒戲。倚賄庇作生涯。私占橫征。任
其苛索。縱親勾黨。佐其恣行。卷案雖多。法不能究。比
乃瀚更甚。臣屢拋呈訴。訪察確實。于六月二十九日。
密檄臣標左營遊擊署尋霑營叅將祝希堯。設法拏
解。拋稟。亦于七月初四日就擒。押赴曲靖轉解。以上

二土司除俟押解到省審訊確供具疏

題叅外務須按律比擬盡法懲治將所有地方悉改土
歸流庶渠魁既除而群小各知儆惕矣謹擬奏

聞伏乞

睿鑒臣謹

奏

是當之極寔慰朕懷

同日又

奏為恭報頑苗俱靖定議各寨安營事竊以廣順州長

寨建營一案臣已三經奏

聞茲于六月二十一日齋回四月初九日一摺伏讀
硃批仰見

聖主兩端是執精一用中合內合外一歸時措臣自維凡
材斷不能窺測萬一然每奉

硃批惴惴：凜凜：一言一字熟思深体若遇事度情時有省
悟覺一切立功立名要好嫉惡之念漸次消滅惟期
長存虛心務求實際不敢略執意見稍蓄瞻徇以自
暴棄有誤封疆是

聖主之所以造就臣愚者、雖力有未能、寔不敢不勉耳。竊以長寨一舉、專為安營、自應仍依原議。及石札哈于六月十一日到宗角行營、于二十二日踏看各寨、相各形勢、與臣所見相同。今與石札哈及提臣馬金伯、公同叅酌、審其要害、權其重輕、就原議中、斟酌損益。期于至當、不苟且遷就塞責。而一時已定議、大營仍建于長寨、即以長寨命名。所以威苗、誌不忘也。原議長寨設兵一百五十名、羊城壘設兵五十名、合共二百名。查此二處、係各寨腹心之地、最為扼要。應于長

寨設兵三百名。羊城壘設兵七十名。方足以資彈壓。原議暮謝設兵三名。同筍設兵五十名。而未及者貢查暮謝逼近同筍。可以不設。而者貢一寨居同筍以裡。川訪諸堅俱資藏伏。應于同筍設兵五十名。而者貢亦設兵四十名。以為長寨左翼。原議翁忙井口二寨各設兵三名。焦山設兵三十名。而未及火連忙查火連忙尤為衝要。而忙翁井口居火連忙焦山之中。則此二處可以不設。惟焦山一帶皆屬深林密菁。界通各路。為仲苗往來要徑。應于火連忙設兵二十名。

焦山設兵八十名，以為長寨右翼。原議孔洛馬設兵
五名，宗角設兵五十名，沙子閨深井閨地賴皮河四
處各設兵四名。查宗角寔門戶之地，馬洛孔適當宗
角之外，而沙子閨深井閨地賴皮河則在中角之內，
是沙子閨深井閨地賴皮河俱可不設兵，應于馬洛
孔設兵十名，宗角設兵一百名，以為長寨內應。原議
董乃谷隆擺架共設兵十一名。查谷隆閨最險，居寨
之后，為羊角壘之后門，而董乃近于者貢，擺架近于
谷隆，二處无庸另設，應于羊角壘設一百名，谷隆閨

設五十名、扼其險要、阨以重兵、則重前后門路、通達
无阻、首尾相應、苗夷雖欲為姦、不可得已、又廣順州
原有駐防兵九十四名、今既有長寨大營、又有宗角
子營、則不須多設、應于本州駐防酌設五十名、以上
共兵八百七十名、查原議止以大定所裁兵五百名、
分守各寨、今擬添兵三百七十名、應于撫標抽撥一
百二十名、提標抽撥二百五十名、以足其數、可不須
另增、又查原議官止守備一員、餘係千把總等職、今
恐守備不足資彈壓、議以守備駐扎宗角、而長寨大

營則添設遊擊一員其添設遊擊即以大定鎮裁缺頂補仍于通省遊擊內選調如此庶營伍齊整巡守兼脩矣臣竊念各寨頑苗燒殺刦擄荼毒夷民已非一日是以前督臣高其倬建議設營扼其腹心分守要害計至深省也茲副將劉業浚自提臣檄委提統以來臨事畏葸毫無定見且多忌妬及見頑苗猖狂遂欲更原議退守宗角苟且了事設此少不慎重輕信其說是阿近之奉已玩愒于前長寨之舉又因循于后徒以損軍威而長賊志仍將貽后患而臣知其

必不能勝此任、故屬之石札哈、而提臣亦深知不可、遂以劉朝貴代之、幸荷

聖明、暫由石札哈同馬會伯料理一切、各有條緒、駕馭群苗、恩威并濟、經營各汛、規畫有方、其裨益邊疆、良非淺鮮、皆我

聖主之賜也、更荷

恩諭、事定之后、許臣具

題、以軍功賞叙、臣伏念諸將、賤任邊方、理應戢靖惡類、乃蠢茲仲苗、敢于頑抗、則平日之懈弛可知、及至官

兵齊出、猶結夥拒敵、又復迂延時日、死傷弁丁、律以兵法、何當議叙、但積習因仍、一時難返、叨沐

殊綸、期以鼓舞將來、就現在將條而論、勇怯各殊、智愚不

一、軍前情事、臣已悉知、而建營諸務、大綱雖皆粗定、節目未盡周詳、在一時須盡服其心、計百年須常懾其胆、然后可綏靖一方、永遠寧帖、今所獲首惡、及川販人等、現在追究羽黨、其未獲而有住址者、現在設法擒拏、其先已逃竄四川者、現在移咨嚴緝、其所獲男婦子女、俱已釋放領回、其奔散流亡者、俱已還鄉

復業其所獲牛馬器械俱已賞給兵丁所獲首級俱已懸竿示衆其被傷兵丁俱已分別獎賞死傷兵丁俱已倍加優恤并所獲各寨疆界田畝戶口租稅現在飭令文武各員逐一清查具冊申報又復札致撫臣何世昌就近飭查確覆臣一一再加詳核擬定奏聞功不敢隱過不敢諱不敢粉飾虛文并不敢姑容冒濫先此聲明伏乞

聖主睿鑒臣謹

奏

欣悅覽之、

雍正四年八月初六日、雲南巡撫管雲貴提督鄂爾

泰、謹

奏、為敬陳所知、以脩

採擇事、竊惟國家政治、祇有理財一大事、田賦兵車刑名
教化、均待理于此、財、不得無理、則諸事不、振、故孔子
不諱言財、曰有大道本諸絜矩而財非人不理、人非
用不得理、故為政在人、存政舉歸諸修身、是用
人一事、自大吏以至于、一命、皆有其責、而一身之分量

等級庶政之興廢優劣胥視乎此未可不勤加意者也獨是政有緩急難易人有強柔短長用違其材雖能者亦難以自效雖賢者或亦致誤公用當其可即中人亦可以有為即小人亦每能濟事因材因地因時因事必官无棄人斯政无廢事伏念臣受

恩深重報稱寔難自昨歲赴都留待五日親聆

天語以用人為要以得人為難推誠布公虛衷寔踐行如

日月天下皆見臣自

陞辭就道以至今日拳拳耿耿不敢暫忘務期努力奮勉

得少有遵循以仰副

聖慈、无如識見短淺、學力未充、昧知人之明、切返身之慮、所有是非可否、俱未敢自信、惟有寔摠所知、不敢畧有隱諱、陳請

聖鑒、以申愚悃已耳、除已經奏

聞、及未經親見人員、不敢冒昧開注外、僅將滇黔大小文武另各開一摺、各詳注名下、恭呈

御覽、伏乞

聖主訓誨施行、臣謹

奏

治天下。惟以用人為本。其餘皆枝葉事耳。覽汝所論之文。武大吏。以至于微弁。就朕所知者。甚合朕意。但朕不過就目前之所見。斷不能保其后也。覽卿之奏。非大公不能如是。非注意宙神。為國家得人。不能如是。非虛明覈照。不能如是。朕實嘉之。但所見如是。仍必明試以功。臨事經驗。方可信任。即經歷幾事。已只可信其已往。猶當觀其將來。萬不可信其必不改移也。上智之資。從古难得。朕前批諭田文鏡言。用人之難。有兩句可信者。非人何求。不可信者。非

人而何不明此理不可以言用人也朕實以此法用人卿
等當法之則永不被人愚矣卿等封疆之任古諸侯也合
省窺伺投其好惡百計千方揜其不善而著其善粉飾欺
隱何所不至惟才之一字不能假借也凡有才之員當惜
之教之朕意虽魑魅魍魎亦不能逃我範圍何惧之有及
至教而不聽有真慝寔擬時處之以法乃伊自取也何礙
乎卿等封疆大臣只以畀神用才為要庸碌安分潔已沽
名之人駕馭虽然省力惟恐誤事但用才情之人要費心
力方可搆綴若无能大員轉不如用忠厚老成人然亦不

過得中醫之法耳。究非盡人力聽天之道也。灯下隨手寫來。卿可以意會之。

同日又

奏為嚴緝黔省漢姦川販據寔奏

聞事竊以黔省大害。陽惡莫甚于苗。猓陰惡莫甚于漢姦。川販蓋夷人愚蠢。至性好刼掠。而于內地之事。不能熟悉。權謀巧詐。非其所有。惟一尋漢姦。潛往野寨。互相依附。嚮道引誘。指使橫行。始則以百姓為利。刼殺捆擄。以便其私。繼復以苗猓為利。佯首陰庇。以估其

財。是。虐。百。姓。者。苗。裸。而。助。苗。裸。者。漢。姦。虐。苗。裸。者。亦。漢。姦。也。至。于。川。販。亦。漢。姦。之。屬。串。通。苗。裸。專。以。捆。畧。男。女。為。事。緣。本。地。既。不。便。販。賣。且。不。能。得。價。故。販。之。他。省。而。川。中。人。貴。故。賣。至。川。者。居。多。其。往。來。歇。宿。半。潛。匿。苗。寨。沿。途。皆。有。富。家。既。可。免。官。府。之。掄。拏。又。可。通。漢。夷。之。消。息。居。則。有。歇。家。為。之。防。衛。行。則。有。黨。羽。為。之。聲。援。無。從。盤。踞。詰。莫。可。稽。查。及。其。路。徑。既。熟。呼。吸。皆。通。不。惟。掠。漢。人。之。丁。口。亦。復。拐。苗。人。之。男。婦。而。苗。人。既。墮。其。術。中。遂。終。為。所。用。臣。入。境。以。來。深。知。二。

者之患、留心訪查、時欲窮其根株、猝難尋其巢穴、及
長寨之役、知若輩多藏匿其中、隨乘此大舉、密令諸
將中有才略者、細心訪緝、借討頑民之名、為搜川販
之計、合前后所獲男婦大小數百口、令文武各員、將
要犯阿撈、阿搥、楊世成、王有餘等共十二名、詳加審
訊、鞫其渠魁、脅從、探其窩巢、詰其踪跡、無論已獲未
獲、俱逐一得實、除將現在要犯、嚴行監禁、情罪可原
者、盡行釋放、其已逃諸要犯、隸點屬者、通行捕拏、外
伏乞

聖恩諭令川省撫提臣按姓名居址同心密緝務期擒獲
盡絕根株毋使漏網庶兩省漢夷皆安而刦殺捆縛
之風永靖矣伏乞

睿鑒施行臣謹

奏

卿此心此行不但當代督撫聞之可愧實可為萬代封疆
大臣之法朕實嘉賴焉勉之

上蒼照察再无不倍增福壽子孫榮昌之理再兩江非卿不
能整理如朕之意雲貴一切事宜俟料理有緒時還向卿

要一可代之人、兩江來與朕出此大力、可留心、但諸務不可曰此旨、促迫為之、常德壽可勝、抚任否、楊名時朕原欲調進大用、今覽卿所奏、外任亦甚屬緊要、卿意如何、

雍正四年九月十九日、雲南巡撫、管雲事貴總督事
鄂爾泰謹

奏、為恭謝

聖恩事、雍正四年八月初十日、臣齎摺家奴、蒙恩賞給驛馬銀兩、并捧

御賜臣珍器六件、果乾一匣、到滇、臣隨郊迎至署、恭設香

案望

闕叩頭謝受訖及本月二十八日、臣齋摺家奴復蒙
恩賞給驛馬并捧

御賜臣紗一箱、礮器二箱、到滇、臣隨郊迎至署、恭設香案、

望

闕叩頭領受訖、敬啟摺扣、恭悉

聖躬甚安、自入夏來更好、臣无任懽忭、遍告屬僚、蓋
一心獨運、萬几過勞、慮有不格之豚魚、隱施曲成之造化、

固人所共見、而臣獨深知者、乃復軫念臣愚、詢及奴

僕勉以節養、做以背負、聞臣勤瘁、則厯憂憐、知臣健旺、則致忻悅、并著將臣八字、便呈

御覽、捧誦累日、淡骨鏤心、覺感激之私、惓并忘、而瞻依之中、誠倍切、惟

聖人能造命、臣固自信、臣命之非、允造也、其各條

硃批、洞徹精微、一歸平等、如桶脫底、如環无端、即此是學、臣更不須覓自了法、不了之了、一了百了、胥在乎此、設于此有不遵、是无人理、設于此猶不親、是无天理、狗子亦有佛性、忍自不如狗子乎、臣知愧、臣知勉矣、

伏念臣少習儒書頗窮性理。虽有為寄象未識真如。而元著生心時。泰常住。知忠孝之通天思。勇決以立命。願以鈍根下質。振拔殊難。若不時勤惕。驅之使前。則此心一放。精力日減。神知不生。漸就墮落。百不能為。將使天下后世謂爾泰濫受。

殊知不堪重寄。自貶越羞。有傷

聖明。則玄骨化形消。痛心无已。天高地下。何以自處。言念及此。臣寔不敢暇逸。臣并不知辛苦心之所安樂境。斯在。茲敬日強前言足。挺即往分空明。亦未常不須。

猛力耳。至于怡親王，忠敬性成，誠直

天鑒，勤慎廉明，猶其緒餘。仿諸史冊，賢王實無有倫。此內外

臣工所共當忻幸，共當效法。況臣奉

旨結親，更有何疑慮。嗣后務當互相勉勵，合德同心，以期

仰副

天語。夫疑似影響之懷，人臣所深戒。股肱心膂之義，大吏所當知。督臣高其倬，端正和平，臣所願學。但微少明決，犹恐為下所蔽。臣前于鎮遠相見時，力攻其短，伊已然諾。嗣后亦當時通音問，彼此規諫，期作完人以

酬

聖主知遇之恩臣自敬奉

硃批若稍存慰朕之意亦屬欺隱之

竇訓念：自反事：類推惟有寔際凜俸以毋負我
慈父以毋忤我

嚴師而已謹此繕摺恭謝

聖恩臣謹

奏

朕寔竭力與諸卿共勉以仰答我

大慈大恩皇考之念定矣

同日又

奏為欽遵

聖諭事竊長寨一案臣屢奏

聞跪捧

硃批剴切詳盡一切情形悉蒙

睿鑒八月二十六日接准部文復荷

聖諭此案著將各犯交與鄂爾泰審訊窮究詳悉分別定

擬并安插撫恤使地方永遠寧謐不受惡苗之擾一一

經理具奏欽此伏念仲苗積惡原成于因循即偶加懲
創仍均圖苟且故前歲誘擒阿^榜近^榜未及安營而今
春長寨餘凶即抗不旋踵勢所必然斷難再誤前擬
點省文武各員種：詳報初則招致各寨頭人捏詞
投誠臣不准許勒令進勦繼雖以屢收苗寨擒獲夥
從具報臣并不加獎申飭愈嚴直至六月二十七日
擒獲阿^榜搗七月初十日擒獲阿^榜搗八月初五日擒獲
李奇然后渠魁皆得群苗喪胆各寨畏威就目前論
劫殺之風似可少戢但苗性獷悍既經輸服勢難盡

其根株若不及令規益善策悞其心志安其身家使
知法不可犯恩有可恃恐十餘年后又必將有事臣
日夜躊躇期得良法以圖久遠屢經催飭各吏促將
長寨一切事宜

雍正五年正月二十五日雲貴總督臣鄂爾泰謹

奏恭請

皇上聖安

朕躬甚安自去冬以來外緣順序身體更覺好都中內外情形一切平靜御好麼

同日又

奏為恭謝

聖恩事雍正五年正月十七日臣家奴蒙恩賞給驛馬齎回

欽賜臣貂冠一頂、四團龍補服一領、龍袍一襲、

御書福字一幅、對聯一付、并蘋果、文旦、甜橙、廣橘、福橘、三箱、哈密瓜二個、鹿尾、鹿肉、樹鷄、閩東魚、四簍、湯羊一支、到滇、臣隨率同在省文武官員、郊迎至署、恭設香案、望

闕叩頭謝

恩、祇頌訖、敬啟恭請

聖安、一摺、荷蒙

硃批、朕躬甚安、今歲更覺健旺、皆

皇考在天之靈，賜佑之所致。冬至前后三天大雪盈尺，朕甚

欣喜，特諭以慰卿。欽此。及遍誦

硃批，望臣最切，勉臣甚至。數復之下，不能仰視。伏惟
聖祖之默佑，寔

皇天之照鑒，而至誠之感通。千里萬里有如響應。若賢若
愚，均被鈞陶。此則

聖主之所獨契，而凡具心性者之所知奮知愧而且感。且
泣者也。念臣身遭

異數，无有倫比。午夜捫心，寔慚不稱。乃復邀

殊典、賜龍補龍袍、跪捧之下、益深惶悚、自顧何人、敢當茲
非分、謹什襲供奉、并

御書各珍器、永為傳家世寶、俾子：孫：共睹

寵光、各思捐糜、以補臣之不逮、至于臣激切微忱、瞻依寸
心、感頌之詞、實不能著一語、惟有凜遵

慈訓、加意調攝、乘時節養、保此肉軀、竭此血誠、以仰副
慈父委任期望、矜恤憐憫之至意、更祈

聖躬、少就暇豫、勿過于任勞、臣讀至父係灯下字、墮淚披
覽、等字、氣咽涕垂、无以自處、此生此世、寔不能答報

涓埃矣除奏

謝外謹繕摺齎

奏恭謝

聖恩伏乞

聖主睿鑒施行臣謹

奏

覽

雍正五年閏三月二十六日雲貴總督臣鄂爾泰
謹

奏為奏

聞事竊滇省錢糧半出鹽課臣自到任后雖竭力稽查尽心調劑然一人耳目殊難遍及鹽道一官實最關緊要荷蒙

聖恩將湖廣糧道劉業長調補該道于去年十月任事迄今已逾半載臣不時接見將一切利弊情形反復商論劉業長俱能領會俱能料理為人直爽辦事精細并无瞻顧亦无刻薄擬臣愚見不但楊畝不如較李衛似更寬詳慎現在鹽課一事臣可以放心可以省力

不勝忻幸附摺奏

聞臣謹

奏

欣悅覽之。此人李衛所荐。朕未料其能如此。

同日又

奏為銅礦大旺工本不敷懇

恩通挪以資調劑事。竊照滇省銅廠二八抽課餘銅歸官採買以供鼓鑄。奉有成例。查每歲額課銀止九千二百六十五兩零。每歲所獲餘息銀約一萬七八千兩。

不苛計所辦銅斤除供鼓鑄一百餘萬斤外多不過二三十萬斤從前收銅工本俱用鑄局買銅銀兩辦銅既无多故買銅工本足用臣自去歲抵任后督率清查細心調劑廠務漸有頭緒雍正四年分辦獲銅斤餘息銀已四萬七千兩零已經

奏明在案今歲閏三月以來仰賴

聖主福庇山祇效靈銅礦增盛數十年來所未有即就現在核筭五年分銅斤可辦獲三百數十餘萬合計應獲餘息不下十數萬兩但銅多本少收買不敷廠客

如有積銅薪米即難接濟若不早為籌畫臨時更費
周章相應懇祈

聖恩俯准于益務贏餘銀內酌借五六萬兩發價收銅賣
價還項一轉移間似于廠務大有裨益再運銷之法
以速為利查江浙湖廣辦銅諸省緣採買洋銅每至
誤運關係鼓鑄匪輕臣前任江蘇深知其故若令各
省委員齎銀赴滇買銅起運合美銅價每百斤九兩
二錢加以脚費等項運至漢口運至鎮江每百斤不
過需銀十三兩上下如各省委員恐來滇多費雇馱

脚稍難、即臣委滇滇員運赴漢口鎮江、令各委員領銅交價、所需亦不過此數、但沿路閔稅、得免抽收、始不至賠累、不致遲延、在各省獲銅供鑄、克副考成、在滇省獲銀充餉、无慮壅滯、以有易无、或亦兩益之事也、緣係錢糧重務、是否可行、臣未敢冒昧、合併陳請、伏候

聖主睿鑒、

批示遵行、臣謹

奏、

有旨諭部議行

雍正五年八月初十日、雲貴總督臣鄂爾泰謹

奏、為恭謝

聖恩事、雍正五年七月二十日、臣齎招家奴蒙

恩賞給驛馬齎回

御賜臣珊瑚珠一盤、記事摺一袋、法珥匙箸瓶盒一付、鼻

烟洋器一具、蓮心茶一瓶、佛手柑一簍、抵滇臣隨郊

迎至署、恭設香案、望

闕叩頭謝

恩訖敬啟摺扣荷蒙

硃批朕躬甚安每歲夏令便養少有不興總不似今年甚好卿好麼朕每念及交卿辦理倚任之事思卿之勞寔令至于不忍凡卿一切料理奏對朕寔心動覽之朕亦不多諭惟秉一誠默祝

上蒼厚土

聖祖神明令我鄂爾泰多福多壽多男子平安如意耳量精神力量為之第一不可勉強欽此臣跪捧卒讀感痛失聲妻子驚看莫知所以伏念我

聖主萬幾就理、直若行所無事、猶復日

御勤政殿、雖溽暑不少輟、既辦理一切、又

命諸臣呈件代辦、自強不息、純亦不已、天下有
至尊而勤勞如此者乎、

上蒼厚土、

聖祖神明、寔鑒精誠、用伸保佑、在

聖躬之康強逢吉、固所自得、而內外大小臣、當知感

知奮、自訟自慙者也、臣血氣具存、心肝不腐、膺

殊知異數、秩晉八階、廕叨四品、儒臣之榮、至于極、即使

竭蹶効命已難酬萬一乃屢荷

聖慈獎許至此期望愛養至此矜憐至此臣不但念及身家寔同狗彘便私有性命亦難欺鬼神敬繕及此涕洟盈襟此生此世即欲作報

恩人且无能自了又何敢墮落故自受事迄今惟思勤以補拙曉起夜眠鉅細親理而同官屬吏謂臣羸瘦時有勸詞殊不知盡得一分力斯安得一分心之所安即是樂境強弱論形達人所誠臣今且精神健旺疾病全消无所云勞漸能就逸懇祈

聖恩。母為萬里遠。臣慮也。至于錫福。印
天。求福。求已上。有。

皇天眷命。

萬壽無疆之。

主斯下有天壽。平格保乂。

王家之臣。臣寔非倫。當求自信。再臣自赴滇黔。連生二子。

今已有五男。平安如意。欽奉。

御書。

聖心即。

天心臣惟當自為承受地耳不揣冒昧瑣細陳

奏恭謝

聖恩伏乞

聖主睿鑒臣謹

奏

覽卿奏謝朕甚為欣悅前朕之祝願寔住大光明中出于
一時至誠之筆今多子之願既應其他
上蒼必賜如意也朕寔欣幸焉

雍正六年六月十二日雲貴總督臣

鄂爾泰謹

奏為恭謝

聖恩事雍正六年五月二十九日臣齋摺家奴蒙

恩賞給驛馬齋回

御賜臣祕製各種丹錠二匣人參筭二匣雨前六安蕊尖

二瓶雨前六安梅片二瓶抵滇臣隨郊迎至署恭設

香案望

闕叩頭謝

恩訖敬啟摺扣荷蒙

硃批朕安知好麼今歲三四月各省多患時症幸皆數日

即愈、總未傷人、比戶如此、都中内外人等、大概未有不病之人、京中四月初五六、至二十五六、全解矣、此二十天内、更換而病、大奇事也、朕為此甚是焦煩、而惟朕一人不病、精神如常、恐卿有所聞、係念特書諭令卿放心、特諭、欽此、竊今歲三四月以來、聞湖廣多時症、初患大頭瘟、繼變瘡、或變痢、隨後痊可、又續漸及河南直隸、自四月末旬、以至五月、貴州亦多時症、由鎮遠遠府以至安順府、普安州止、少有不病之人、今已漸次減退、祇雲南一省、无多病人、而廣東運錢差回、聞粵

省亦大概不免。至都中并多時症。臣近始聞知。然各省春熟大半豐收。即直隸得雨少遲。聞二麥已皆登場。此固寒暑搏擊氣候傳染之所致。事所時有。不為怪異。伏念我

聖主覆載為懷。萬物並育。雖日理萬幾。惟行所无事。而中外遠近。凡疾苦痛癢。何一不上厯

天心。在

聖躬安和精神旺健。臣所能自信。而

慮周萬有。動觸焦煩。亦臣所深幸。若或有一時一事不繫

念我

慈父、豈復有人心者、臣有敢放心處、竊謂知

天知

聖、有不敢放心處、實係至性至情、茲跪誦

殊諭、不勝欣忭、不勝感切、不禁涕泪之沾襟也、為此繕摺

恭謝

聖恩、伏乞

睿鑒、再雲南新定之鎮沅府、于二三月內、獨擺夷一種、
多得暴病、不一二日畢命、內有見劉洪度憤擊、喊叫

而斃者有見劉洪度而怒罵驚悸而斃者掘土人咸稱此皆叛案夥從漏網之人良懦夷民搃无傷損厥后并知府衙門內吏役人等亦每見劉洪度現形曰此合郡人民于景東府延請僧道建醮七日懺悔超度在城文武亦同赴瞻礼從此遂復平靜虽事属不经而理有可驗合併奏

聞、
臣謹

奏、

覽、

雍正六年八月初六日、雲貴總督臣鄂爾泰謹
奏為恭謝

聖恩事、雍正六年七月二十四日、臣齋摺家奴蒙
恩賞給驛馬、齋回

御賜

欽定駢字類編全部、共二十二套、玲瓏囊花牙毬一盒、果
乾糊條共一匣、乳餅酥食共一匣、蓮心茶一瓶、抵滇
隨郊迎至署、恭設香案、望

闕叩頭謝

恩祇領訖敬啟摺扣跪誦

硃批矜憐倍深体恤備至伏讀屬員之衆烏能處一事一
得人而用之等

諭伏讀非本意怪卿寔為卿將來易于舉效他人不得議
論之意等

諭不禁泪下莫能自解竊念臣受

恩深重中外共知即果係臣之小疵亦可供人之議論臣
若不小心敬慎致多過愆為他人議論或更有忍心
悖理之人以得議論臣之故并私議論

聖主用臣之悞，則臣死不足以贖辜，為天下后世之罪人。每念及此，寤寐難寬，勉之敬之。

慈訓當事：理會處、體認，斷不敢少有輕肆，以自甘背負也。至于川省會兵之役，沿江堵禦，原有官兵足用，即雷波土司楊明義，不過一乳臭蠻童，努力進勦，立可就擒。獨凉山冕山賊蠻，直踞建昌北永各邊，通連喇汝窩打箭爐一帶，獷悍已久，斷難施抚。若不用力，期在必靖，終難一勞永逸。臣接准部咨，業立檄哈元生領兵先行，限于八月十五日到界，總兵張耀祖復

添帶該鎮兵五百名于八月初二日起程限于八月
內到界一聽川提臣黃廷桂調遣并詳細諄囑示以
此奉名係堵禦豈須會勦无得曰事屬川省少有推
諉情事協力同心四字臣務當以身倡之以仰副

聖諭專候捷報之至意而張耀祖哈元生等叨蒙

異數榮幸无似自必奮勉圖功料不敢少有岐視耳合併

陳明為此繕摺恭謝

聖恩伏乞

睿鑒臣謹

奏、

覽、

雍正六年九月初三日、雲貴總督臣鄂爾泰謹
奏、為恭謝

聖恩事、雍正六年八月初十日、臣齋摺家奴蒙

恩賞給驛馬、齋回

御賜臣新花樣紗五疋、蜜荔枝一瓶、人參筍二匣、抵滇、臣
隨郊迎至署、恭設香案、望

闕叩頭謝

恩訖敬啟摺扣伏讀

硃批仰窺我

聖主用行政如鑒如衡大少短長各因其器而敬

天勤民時厯宵旰万里之外共見共聞臣每捧誦數四不禁

感激涕零固不獨為臣之一身受

恩深重自畜激切之私忱已也今歲直隸各省春秋兩熟
在

天恩之浩蕩何莫非

聖心之感通而雲南全省豆麥蕎麥、校慶豐收較去年尤

盛、即劍川口外一帶地方苦寒、素難望歲、今抵駐扎
各員、并來往差弁、咸稱自中甸直至阿壑子、有十分
收成、因天氣和暖、并王瓜菜豆、亦皆出產、等語、且昆
明大理臨安等處海田、向因雨澤沾足、海水即多漲
漫、率以半收為十成、今歲潮水未上、田禾壯寔、谷穗
堅好、下垂、各處報稱一年足抵三熟、農民慶幸、以為
從來所未有、此固

一人之精誠、昇百壘以嘉惠、身非虫氓、敢或忘

帝力哉、至于臣職任岩疆、心長力短、時恐隕越、上負

殊知乃二年以來屢荷

聖恩賞給世職至頭等阿達哈、番加至十二級捫心自揣倍深慚恨茲又于八月二十八日准兵部咨米貼夷變臣請議處一疏奉

旨郭壽域乃一勇敢死術武負祇因輕視賊苗被其詐誘以致受害非鄂爾泰調度之誤今已將逆賊擒獲地方悉行抚定功過較之有功无過不必交部察議欽此欽遵等因行咨到臣、承奉之下銘心鏤骨莫可名言伏念苗獠邊荒獷悍日久反復靡定若與性成

凡新抚之地皆不能保其小无变動惟曰亩心駕馭
與其漸摩并時：防範若知其必不能相安反不如
速令發露及今懲治免貽后患然而條例所開各不
无瞻顧故聰明者断不肯擔承才幹者亦不免容隱
且謂在任不三五年何必作十年計以自取煩擾凡
此流輩皆以為解事知杭而不知挾私忘公負

恩曠職實與貪污廢弛者等且尤倍甚者矣在臣
誠原不敢少有顧慮但非仰賴我

聖主訓誨諄諄使臣知所自立矜全備至俾臣得以有為

滇黔蜀粵一切苗疆勾當臣亦必不能任一事人或
以臣為好事或復以臣為能事皆不知

天心之裁成鼓勵有以驅之使前而不自甘暴棄為也感極
奮極泪併汗下用敢據心吐胆瑣屑備陳謹繕摺恭
謝

聖恩伏乞

聖主睿鑒臣謹具

奏

覽

雍正六年十月二十日、雲貴總督臣鄂爾泰奏、謹
奏為恭謝

聖恩事、雍正六年九月二十八日、臣齋捐家奴蒙
恩賞給驛馬、齋回

御賜臣玻璃瓶四件、番八緞二聯、重陽糕一匣、松仁糕、佛
手糕、青菓糕、梅蕪糕、各一匣、乳皮酥、乳餅、共一匣、白
石榴一簍、抵滇、臣隨郊迎至署、恭設香案、望

闕叩頭謝

恩祇願訖、又十月十五日、臣標千總施宏遠、蒙

恩賞給驛馬、齎摺回滇、臣恭迎入署、敬啟摺扣、伏讀先

後

硃批、獎勵矜憐、如聞

天語、裁成指授、如對

天顏、臣身居萬里、心戀

九重、敬念

萬壽令節、不獲與在廷諸臣、同侍

左右、共效趨跲、復以苗疆未靖、料理需時、又不敢具

奏陳情、恭請

陛見瞻依之私日久倍切懇祈
聖慈垂鑒臣於事竣之日驛馳赴京俾得以跪覲
慈顏親聆

聖訓計往返不過五月庶得少伸愚忱而於地方事務亦
不至遲悞為此繕摺恭謝

聖恩伏乞

聖主睿鑒

俞允施行目謹

奏、

硃批覽、

同日又

奏為欽奉

聖諭事竊照粵西西隆州八達寨充夷顏光色等肆橫抗拒、屢傷官兵、及至大軍齊集、計窮勢迫、賊黨將首惡顏光色、光東、殺獻請降、經_目即次摺

奏、因賊黨恃險負固、仍行支延、不即投誠、_目行令該鎮協等作速會兵進剿、據報於八月二十八、九兩日、破壘燒寨、殺死賊衆無算、倒戈投降、及奔竄擒獲之犯

事抱金奔計共男婦一百八十餘名口逆賊已靖賊
巢盡燬顏賊家屬應聽粵西文武協同緝捕滇黔官
兵俱於九月初四日撤回等情目已繕疏

題報在案續於九月二十八日齎到目前報明粵西土

目摺內荷蒙

硃批提督田畯又親往矣但廣西兵將業已氣餒田畯亦
係中材料此事伊等未必能成功卿當身任料理有何
分疆界之嫌疑也賊衆經此一番必然氣盛諸凡不可
輕視所調進取將弁務令慎重從事可也欽此及十月

十五日齎到目摺內又蒙

硃批、廣西兵將既如此伎倆、卿當獨任料理之、一切機宜、遵旨通行、欽此、又據提塘鈔票、知已經奉

旨、廣西八達寨獍苗素行不法、經田畯奏請撥兵勦撫、而籌畫辦理、未能周詳、派兵數少、所遣之員、又非練達、以致賊獍聞信、預先準備、近聞官兵屢攻不克、輕率先進、致傷官兵、朕心深為軫惻、向來廣西營伍廢弛、兵丁懦劣、而提督田畯才猷中平、總督孔毓珣相隔路遠、難以辦理、著將廣西提督以下弁兵悉聽鄂爾泰節制調度、

其從前進勦，獲苗被傷之弁兵，著該督撫優加賞卹。將
來事竣之日，仍照例加恩。欽此。臣查顏光色等，本係小
醜，縱夜即自大，竄擒治不難，獨以巢穴堅牢，器械銳
氣，粵省弁兵先有畏避之意，以故臨陣不勇，益致猖
狂。今雖仰仗

天威，不旬日皆已屠滅。然逆賊家屬早經逃匿，究惡黨羽
多未擒獲，為粵省計，正應趁此聲勢，搜除惡類，將附
和餘衆，加意安插，庶可懲一儆百，而力半功倍。乃提
臣田峻計不出此，於九月初四日，抵八達，隨於十一

日回柳、僅留遊擊一員、駐劄彈壓、似此料理、殊屬疎漏、目查訪顏賊之妻子家口、現在粵屬之底毋八白寨、其附和黨羽、聞約聚數百人、現在粵屬之馬白寨、日接准部文後、即當通飭將弁、並剴切示諭、有自來投誠者、免死安插、其抗拒擒獲者、立行正法、再咨商粵西撫臣、令該管州縣、將附近八達各寨、遍行撫慰、嚴禁脅役、毋得藉端恐嚇、示之以信、然後夷心可安、粵獍強悍、非諸苗比、並非僅兵威可以伏制也、再賊黨抱金等、總兵蔡成貴、原不應帶回安罷、因其畏法、

先殺賊獻首旋即投誠而呈詞內又有粵員激變不願歸粵之語若解交粵省反恐濟事故暫准帶回現在發審俟審詳到日或就點地安插或另遷徙別省

目當酌議會同粵撫臣請

旨遵行至於安龍遊擊田昌友等雖深抵賊寨所損弁兵

但既奉軍令何敢退却而兩路粵兵不能前進亦豈能預料田昌友等似應無罪而粵員按兵不動之語實屬卸過之詞右江鎮總兵官段宗岳急欲滅賊不量兵力調度失宜則誠有之若謂其柔懦觀望尚不

至此、即粵屬遊擊常顯虎、領兵初到八達、被賊子詐誘、暗築礮台、堅固巢穴、以致屢攻不克、是時總兵段宗岳、尚未到營、兵少而弱、何能擒捕、是常顯虎雖事無可辨、亦情有可原、今既賊首已殲、賊寨已平、似可仰邀

聖恩、均予寬免、以勵後效、除俟准到部文、欽遵料理外、所有此案情節、理合條細陳明、伏乞

聖主睿鑒施行、臣謹

奏、

硃批、今命卿兼督粵西、一槩酌量合宜、料理奏聞可也。

同日又

奏為覆

奏事、雍正六年九月二十八日、齎回、目前摺內奉

硃諭、此係祖秉圭之奏、朕前批諭、昨伊到京、繳進、隨便發來、卿看、欽此、目細看祖圭奏摺、敬誦

硃批、此事汝識見卑小矣、豺狼驅入內地、而不能化、任其野性、永為地方之患、爾身為大臣、職掌封疆、忍心坐視乎、若言不完、狼為失體、便今直省百姓、能人人遵法完

納乎、失體、豈在此、此皆從前督撫、任任推諉、代代因循之所致、天工人其代之、若遇實力為國家、利害置於度外之人、自能料理、欽此、伏查貴州苗夷、素多不法、擾害居民、難以枚舉、祖秉圭固以深知、批稱貴陽等四府之苗、最為悍野、自長寨等處、盡法創^懲之後、皆喪膽畏服、又稱都勻府數處、尚有負固不法、欲撥兵懲創、又稱有事則必加懲治、不事姑息、是祖秉圭亦知者、現俱畏服、負固者終須懲創矣、乃以早經就撫之八萬古州、而謂不必取、現在橫肆之都勻等苗、而

又不即治、然則禦苗之道、豈僅大張曉諭、而遂可以
畢事乎、至稱一加懲創、則皆可安靜無事、但嗣後偷
竊小事、不敢保其全無等語、此則浮游之倫、瞻顧之
情、竊照苗疆險遠、夷性貪頑、無論懲創之後、偷竊小
事、斷不能全無、即安靜之後、燒劫大事、亦料所時有、
縱日後反復為患、與目前橫肆為患者、孰遠孰近、孰
多孰寡、若或慮及將來、因而遲疑、現在將利害之念
重、則民社之計輕、若大若小、必無有肯擔任一事者、
臣本係凡材、非不知事關重大、力不能勝、自蒞任至

今請勅請撫若有急不可待者實以身受

殊知萬難報稱良心不昧血氣未衰務期及_目之身為苗

疆荒服稍定規模俾後來勝_目者易於布置即不及

_目者亦難以推諉故如長寨如泗城如烏蒙鎮雄如

鎮沅威遠茶山車里等件雖多人勸阻諸務艱危而

立意不回誓欲掃蕩者萬里_目心殊未敢稍懈夙夜

也且祖秉圭亦知以人道責豺狼難以奏效矣殊不

思以人責豺狼固不可以化誨若以豺狼待豺狼未

嘗不可以羈縻今豺狼入內地且復傷人而曰不可

殺並不必制、是厚紂狼而薄人人、將何賴在。祖秉圭
所難者、原不在八萬古卅。知臣此舉必先由丹江、丹
江逼近腹地、亮惡強悍、即現今抗拒官兵、伊所稱都
勻、黃平一帶、負固苗也、恐不能勾當、或致貽累、故先
事密陳、而默省傳言、謂丹江生苗欲就撫、因祖秉圭
先不肯招撫、言之甚力、後於教場操兵時、又揚言於
衆、謂生苗必應勦滅、斷不留遺種、以故丹江聞風、牢
作準備、即提臣楊天縱手札、亦有祖撫軍何不說撫、
必定說勦、此人心不可測等語、然此事實出情理之

外。臣不敢全信其有也。再化出生苗一件。臣前赴點
與楊天縱面商。密委劉成謨何經文等行事。祖秉圭
任藩司時。即不以為然。續見化出數百。欲入衙詳
報。楊天縱謂此係總督專委之事。藩司並未與力。如
何假得。從此益不悅。後署撫事。又有化出生苗。楊天
縱照例欲令赴省叩見。伊先阻止。且向司道說。那裏
閒錢賞他。楊天縱深為之不平。後臣聞知。隨寄札勸
解。茲看摺內專指提臣撫臣而並不及臣者。以此案
叨蒙。

聖恩獎勵逾分、伊隱欲其詞意謂曰無功冒

賞也、至於餼而米石、戕糧兵餉、多少皆有奇語、實因識見

卑小、故議論鄙陋、多自相矛盾、敬請

聖諭、諄切周詳、莫不洞燭、目誦誦數四、且感且奮、不禁涕

淚之沾襟也、伏念易為之事、定有先目而為者、何待

於臣、若明知事屬難為、而在所當為、臣更或敢推諉、

或敢因循、捫心自問、何殊恃負、懇請

聖鑒、但青目成效、寬以時日、日務當竭盡血誠、以完竣斯

舉也、除勒撫丹江緣由、另摺陳明外、合行覆

奏、目謹

奏、

覽奏知道了。

同日又

奏為設法彌補無著之虧空以清積案以實庫帑事竊
惟倉庫錢糧最關緊要。自到任後將所屬虧空各
案嚴飭承追督催各官竭力催追雖不少有還補終
難如數全完若不設法補苴終致

國帑虛懸但其終有有著者有無著者自當分別追補

以期濟公、目查雲南通省新舊虧空共十五案內除
署永昌府事叅革同知梁衍祚、臨安府叅革知府王
憫、雲南府叅革知府錦鍾、廣通縣叅革知縣劉倣、元
謀縣叅革知縣徐鳴鸞、署武定府事開化府叅革知
府佟世祐、元江府叅革知府張嘉穎以上七案或有
家產可以變補或有借欠可以追償、已分別勒限
嚴追、其有應行查追者亦經分咨旗籍照數完追、又
順寧府叅革知府范濤名下虧空錢銀銅鉛等項已
經

題請著落前任督_目高其倬署撫_目楊名時原任按察使江邑各名下分賠其餘現在查追不致無著外尚有鎮南州叅革監故知州陸應幾南安州叅革知州王志正新平縣叅革監故知縣蹇王臣宜良縣叅革知縣申稼呈貢縣叅革監故知縣饒啟心昆陽州叅革監故知州何大寵馬龍州叅革監故知州許日藻以上七案虧空共計未完條丁鹽課等銀九千二百五兩二錢零未完米一萬六千六百一十六石零折_石算該價銀一萬一千六百三十一兩零未完穀一萬

六千五百一十五石零折算該價銀五千七百八十
兩四錢零通共該銀二萬六千六百一十七兩五錢
零屢次移咨各原籍查追批稱並無產業可變任所
本身家屬又已衣食不充雖監禁嚴比毫無設措不
過徒稽歲月究於餼糧無補口籌之丹四必須早為
設法彌補庶不致倉庫有虧查滇省欺隱田土內如
從前漏報勲莊叛產等項不自行首報別案發覺審
出應令納價准為已業又滇省各官蒙

皇上洪恩賞給養廉已優祿足用如有現任官委署他

任者、其署任內養廉、不應全給、現議扣留一半以上
二項、俱有騰挪、即以此二項代補、逐年無著虧空、陸續完報、約計兩年、便可全數通完、如是則積案清楚、帑項亦不致虛懸矣、緣係設法填抵虧空、未敢具本題請、理合繕摺陳明、伏乞

聖主批示遵行、目謹

奏、

有旨、諭部盡著寬免矣、如此、卿可少心力

同日又

奏、為查出官莊實餘租息、歸公祿賦事、竊照滇省文武衙門、大半向有官莊、取租取息、匿不報聞、日通行各員、批實開報、先批糧儲道元江等府、安寧等州縣、報到官莊田地、并查出日標五營向有開墾老丁田地、及丈出新淤自報田地、又東川府查出已故祿氏養膳、並文武官莊、經臣摺

奏、聲明武定等十府州縣、俱有官莊、另報在案、除東川府之養膳官莊、業同該府丈出田地、彙疏題報外、今批武定、姚安、馬龍、羅平、姚州、鎮南、定遠、定邊、

等八府州縣并永昌道臨安府高明石屏三州祿豐
楚雄廣通等縣陸續報有官莊田地并查出撫標左
右兩營亦有新墾官莊連前所報田地合算計共十
一萬四千六百二十九畝零該年收京斗米穀麥蕎
豆二萬四千二百一十五石七斗零銀二千四百六
十七兩七分零除完納條丁秋糧公費并留給義學
束修老丁孤寡口糧外實餘京

同日又

奏為奏明借動庫項收鉛鉛運售獲息情由仰祈

睿鑒事竊照滇省自雍正元年起設炉四十七座鼓鑄制錢需用倭鉛因本地所產無幾購買艱難故於黔省丁頭山馬鬃嶺齊家灣等處開採鉛廠委蒙化府同知前任晉寧州知州朱源淳前往採買運滇供鑄其廠鉛每百斤黔省例抽課二十斤滇省買價每課鉛百斤丁頭山議定銀一兩六錢齊家灣議定銀一兩五錢馬鬃嶺議定銀一兩四錢照例解黔

奏報由來已久迨雍正五年分經臣

題請減炉九座止存三十六炉用鉛既少又值滇入羅
平卅屬卑浙塊澤二廠出鉛頗旺運局搭鑄儘可
敷用遂將黔廠之鉛停運第馬鬃嶺茅廠俱在
僻壤山路崎嶇難以通商而開採小民又半係
赤貧苦無工本不能久貯每鉛百斤廠價已減至
八九錢一兩不等若不設法收買勢必星散以有
效之廠而坐視廢棄實屬可惜是以暫於司庫借
動盈餘兩作工本腳價仍委朱源淳收買除課鉛

照原定之價解點報銷外，餘鉛按時價收買，統運漢口，膏給京商，所獲餘息儘數歸公。自雍正五年二月起，至九月止，共發過銀二萬兩，收獲鉛二百萬兩。今已運過鉛二十萬，約計工本腳價盤費，每百斤共銀三兩五錢，而漢口之價則係四兩五錢，每百斤實獲息銀一兩，尚存鉛一百八十餘萬。現在陸續分路輓運通商，照前合算，除歸還本腳之外，約共可獲息銀二萬餘兩。此後即以息銀動用，隨廠內所出鉛多寡，儘收儘運，無庸再發工本。其所獲息銀俱于歲底

奏報克公至滇省鼓鑄倭鉛每百斤即省銀一兩不在
此數內前已

題明仍留為運錢腳價之用另於鼓鑄案內報銷再
查齊家灣一廠硃老山空無人開採而畢節地方
新出雞廠可以抵補臣現咨商貴州署撫臣沈廷
正會

題所有雞廠鉛課仍歸黔省報銷餘鉛統令滇員買運
餘息歸公庶辦理得以畫一而於錢糧亦不無小補
矣所有借動庫項收鉛辦息原委理合條細

奏明伏乞

聖主睿鑒臣謹

奏

硃批好諭部鈔錄存案矣

雍正六年十一月初十日雲貴總督臣鄂爾泰謹
奏為恭謝

聖恩事雍正六年十一月初五日臣齋摺家奴蒙
恩賞給驛馬齋回

欽賜臣

御服天青寧絀羔羊皮褂一件、醬色寧絀羔羊皮袍
一件、哈魯瓜一圓、藕粉八包、抵滇臣隨郊迎至
署、恭設香案、望

闕叩頭謝

恩祇願伏乞臣念臣盡心竭力、情知矢效涓埃、而報

國酬

恩、竇難自安、衾影顧幽、獨而增慚、對

帝天而泣懼、覺感頌之詞、更不能著一語、而回首

殿廷、不禁心依而神馳也、為此繕摺、恭謝

聖恩伏乞

聖主睿鑒臣謹

奏

覽卿奏謝矣

同日又

奏為欽奉

聖諭事雍正六年十一月初一日辰刻准兵部火牌齋

到

內廷發出黃色匣一件內奉

硃諭三道錄示

敕諭一道并石禮哈條奏一摺戶部主事楊秉乾條奏

一摺

硃批石禮哈奏摺二扣

硃諭高其倬石禮哈各一道又陳世倌叅石禮哈劄摺一

扣臣敬誦

批諭仰見我

皇上慎重邊防軫惜苗命務籌萬全或恐生事之至意正擬密札張廣泗囑令遵照相機料理同日午刻適張

廣泗差弁來滇敬錄

敕諭并勅怡親王大學士等公字密示到臣臣隨即日
詳細札覆去訖至本月初五日臣齋摺家奴回滇
前事摺內荷蒙

硃批前因各處奏到已遣廷臣密往張廣泗行營將朕初
意一併備悉諭卿知之矣卿等酌量相機合宜為之
欽此又另摺內荷蒙

硃批古州八萬之舉張廣泗既見不透則此事少急驟
矣再有如此等應整理者當緩一步徐為之雲貴兵

弁甚覺勞苦、朕心實為不忍、亦即有旨、加恩伊素
著候旨行、欽此、臣伏讀之下、不勝感切、倍深有惕
竊照張廣泗已平入寨、擬赴丹江、并湖南派撥
預脩官兵、應詞應停緣由、臣已於十月二十日、
具摺奏

開、茲

欽差翰林牧可登春山、二臣現在軍前、同張廣泗詳勘八
寨畢、業前進凱里、相度形勢、酌量勦撫、仰賴

聖主仁威、或易於就緒、自應速圖、倘進取實難、不過勉強

從事、即當宣布

上諭、徐徐撤兵、斷不敢回護前議、以致紛擾、至前石礼哈寺摺奏、臣細看所議、皆止就黎平之八萬古州而言、猶多未確、查都勻黎平、二府連界、而由都勻不能直達黎平者、正以丹江一帶生苗、橫截道路、並非古州苗界有以隔之也、清水江諸水、下通楚之黔陽縣、直入大河、上通平越、屬之重安江、並可至黃絲驛、而舟楫不通、貨財不廣者、則以几股一帶生苗、動劫商旅、亦並非八萬古州苗衆有以阻

之也。從來富庶之地，半少頑民，為其身之可愛，而欲重保其背也。今既稱古州，庶富更多，土產而以燒畚搶擄等事，全以歸之。恐事不盡然，是以臣於昨歲，委張廣泗親古至州，業經招撫，而並未科糧編戶。若不欲取者，誠欲開通丹江，次及九股，先沿江設汛，俾河路通行，然後合八萬古州，改鎮添兵，以籌長久。此點省百世之利，大局所關，其苗地些微糧賦，並不足以較多寡論有無者也。統俟張廣泗等如何科理，是否可成，臣再詳細商

酌籌議善後事宜請

旨遵行、抑臣更有陳者、苗疆賊藪、兵事時有、凡有舉動、務當示以鎮靜、斯所謂安民心而一衆志、方張廣泗初進丹江界、苗賊強多、恐衆寡不敵、或致失事、遂暫退衙門寨、以待添兵、時省內訛傳張廣泗乘夜逃遁、狼狽不堪、行李搶奪一空、漢土兵丁傷亡數十人、臣聞信立即差探、又接楊天縱札、并有苗賊強悍、勝似官兵、而官兵鎗械亦不如苗賊堅利等語、臣覆云、若果如此、則平日所操練者何人、所整備者何器、

是則提軍之責矣。續批沈廷正來札云：密差確探，並無此事。對敵時傷數人是實，餘俱係謊言。臣復經訪問，而群議始息。如會勦粵獍之後，所調安籠官兵，不過數百人，而司道等官俱倉忙失措。議請撥兵五百名，移駐安籠。又請撥兵五百名，駐防黃草壩。派府派廳僕僕道路，見臣以為不可。初頗不以為然，及不日八達已平，官軍回汛，始復帖然無詞。凡此擬議，雖皆屬慎重急公之意，而上官過於驚慌，小民未免惶惑。邊荒苗獍之地，尤不可

不審延者也相應脩陳臣謹繕摺奏

聞統乞

聖主睿鑒

訓示施行臣謹

奏

^{批殊}有旨諭張廣泗矣

同日又

奏為奏

聞事案照叅將新受雲南元江協副將哈元生帶兵前

往阿驢交界阿路嗎地方堵擒川省賊蠻。後奉四川提臣黃廷桂行令撤回。於雍正六年九月二十二日。行至阿驢標古地方。忽有阿驢部落糾衆數千。攔阻打仗。殺傷弁兵。搶奪糧米。哈元生設伏夾攻。賊蠻始行敗走。臣卽申報。飛行鶴鹿鎮總兵張耀祖。就近調撥官兵。星往應援。并令該鎮親自過江。調度會剿。並咨川省提臣。發兵堵擒。一面調撥土兵。著令在目標効力之祿昇坤。管領前往協力擒剿。并查起事緣由。去後。日隨於十月二十日具摺。

奏明、茲批鶴麗鎮總兵官張耀祖、東蒙鎮總兵官劉起元、及軍前各員、陸續呈報、並准四川提臣黃廷桂咨會前來、該臣查得阿驢地方、遠在金沙江外界、連川省沙馬等處、雖向屬烏蒙所轄、久已不服管束、素稱野夷、前哈元生願兵進勦米貼、迨至江外、阿驢土官方就撫歸誠、後哈元生奉調復帶兵赴江外、阿路嗎地方駐札、堵擒雷波賊蠻、阿驢土官曾送牛羊炒麵、以為犒軍、并幫夷夫抬送軍裝、原極恭敬、哈元生亦經賞以銀兩緞疋花紅等物、各皆領謝而去、並無動

靜祇緣哈元生將阿驢土官帶於行營聽用其母
疑有傷害之意而頭目等遂言他將土官土目都
拴未完了那裡曉得你我好也做一出不好也做
一出隨令部落夷蠻勾連親戚藉報讐乘哈元
生回兵之日糾衆數千里重圍住行堯截殺哈元
生當賊衆圍困時奮勇奪占山梁率同官兵攻擊二
晝一夜始將賊人殺退即相度形勢擇地於赤衣台
下營旋又攻打賊寨搜獲蕎麥糧數百石得以接濟
復於十月十四十九等分兵搜勦逆猱與官兵對

敵被官兵斬首多人，仆巖投江死者，不計其數。活擒二賊，又分路跟追阿驢夷寨，已騰空逃遁。查訊逆黨去處，俱逃往阿都阿不囉地方躲避。附近阿驢之拉金者呢阿都並沙馬所屬夷目拖科拖却等，皆係阿驢姻親，曾幫兵助惡。而拖科係阿驢妻父，拖却係阿驢姨夫，尤出死力。今新陞肅州鎮總兵王剛奉川提臣調遣，已帶漢土官兵一千四百名，於十月初八先到赤衣台，原調駐札以密哥地方堵禦之遊擊康世顯帶所領官兵沿江而下，守備馬似龍帶兵渡江。

而上、搃兵張耀祖、因溜筒江險遠、在黃平寨大井坵、
打造大小船隻、率本標兵、威寧營兵、俱於十月十八
日渡江、赴赤衣台會合、其餘調撥滇黔漢土官兵、皆
計日可到、張耀祖等、聞阿都夷目之嗣、係接養沙罵
土司之子為嗣、且係世代姻親、阿夷都目、倚新撫沙
罵土司之勢、故敢容留逆黨、已商同王剛、勒令沙罵
土司、速赴阿都、令伊子沮姑、獻出逆黨、免其勒戮、否
則立即進兵擒拏、以彰

國法、十一月初九日、又准川提臣黃廷桂咨商、助惡現

有川蠻、應否分地各地勅等語。臣已札檄張耀祖、謂造意不自阿驢、毋得濫行屠戮。但藏其渠魁、應撫其餘黨、并就近與川提臣妥酌去訖。竊查野夷不法、傷害官兵、固應會兵合剿、以示懲創。但念此事、阿驢土官既並無反復、亦何必拘留行營。即便留營聽用、亦應先行曉諭、以安夷心。續既糾衆圍截、意不過為土兵。又何難將阿驢立放。即令阿驢明白開示、以散羣夷。況哈元生原帶官兵二千一十四員名、內除分遣安台、并患時氣染瘴者約數

百人彼衆我寡尤當防備更須權宜乃哈元生奉
檄回兵並不慎重以致陣亡千把四員兵丁四十
餘名雖被擒總因卑賤進勦烏蒙未貼殺賊過多
故賊蠻痛恨特來報復奇語而自恃勇敢氣高
志滿遂致備事悞師竇哈元生有以起之釁也
臣於兩省將裨凡有寸功皆不敢掩沒凡有大
過亦何敢姑息自應批實

題奏請

旨革賤嚴加處分以為輕肆者戒至於哈元生肝胆

勇畧實屬將材、前進取烏蒙、勦滅米貼、皆係首功、現
奉

俞旨、造冊議叙、合無將功贖罪、從寬留任、以勵後效、此
出自

皇上格外隆施、非臣所敢擅請者也、除俟事竣一併具
題外、所有賊蠻起事緣由、並現在勦撫情形、合再奏

聞、伏乞

聖主睿鑒、臣謹
奏、

批硃

朕前已有諭旨料卿必叅奏者以哈元生之任事豈忍將此等官治罪也況朕已用伊安籠總兵矣題到之日朕或令將功贖罪或寬免處分再斟酌有旨

雍正六年十二月初八日雲貴總督臣鄂爾泰謹奏恭請

皇上聖安

批硃

朕躬更甚安好卿好麼立春日祭

祈穀壇回卿奏適至誠所謂新春同禧也

同日又

奏為恭逢

聖誕、慶親祥雲事、雍正六年十月二十九日恭逢

萬壽令節、臣率在省文武官員人等、在五華山朝

賀畢、坐班、至辰刻、共覩五色卿雲、光燦捧日、經辰巳午

三時、至十一月朔、絢爛倍常、凡呈現兩日、臣尚以為

省城所見、其他郡邑未必同然、隨經行查去後、適據

楚姚鎮總兵官張應宗呈報恭逢

皇上萬壽、本職率同在城文武大小官員、以及合郡紳
耆兵民人等、朝

賀坐班仰見

上天垂象，卿雲滿布，祥光五色，擁護日邊。從辰至午，燦爛非常。初一日午時，煥麗更勝。文武兵民咸稱歷來未覩，齊祝

萬壽無疆，所關

盛朝祥瑞，理合具文呈報。又據雲南布政使張允隨

詳核，查批楚雄府、楚雄縣、廣通縣、姚安府、姚州、大姚縣、定邊縣等處先後呈報，恭逢

皇上萬壽聖節，喜見卿雲五彩，擁護日邊。經辰巳午

三時於十一月初一日午時又復光華照耀衆目
齊觀不勝歡忭此從古未有之殊觀曠代罕聞之
盛事幸生

聖世得覩奇祥伏乞轉詳各奇情到司伏查省城乃全

滇之會楚姚為兩迤之中忻逢五色祥雲正當

萬壽令節此誠嘉徵上瑞罕見稀聞理合具詳祈請轉

奏等情到臣謹按黃帝有景雲之應虞舜有卿雲

之歌瑞應圖曰慶雲者太平之應孝經援神契曰
天子孝則慶雲見春秋感精符曰南至有雲迎日

平豐之象再考雲南通志漢武狩元年有五色雲見於白崖遣使跡之至大理屬之雲南縣雲南由是得名其後歷晉唐宋元史不再書至明洪武嘉靖間五色雲見於永昌其餘或一二見半屬彩霞亦不移時而散惟我

聖祖仁皇帝二十一年五月彩雲見於雲南縣十月五色雲復見於楚雄府是年雲南悉平歷數從前要皆太平寧謐時和年豐之兆至於恭逢聖誕呈現三時歷現二日稽諸簡冊從未有如

今日者也。欽惟我

皇上大孝格

天。與穹蒼而協撰。至明如日。並雲漢以昭回。先天後天。合德

而自呈符驗。陽月良月。應時而迭著。庥微覩。盛事於

五華。鵲。鸞。雛。宛在蓬萊之島。紀嘉辰於六詔。山川

城郭畢收。圖畫之中。兒童引頤以稊奇。父老駢肩而

誌喜。屢豐預卜。願大有遍一十五州。衆口同聲。祝吾

皇臻萬八千歲。臣無任懽忭。無任感激。業經恭疏

題報在案。續又批順寧府知府傳達具報。十月二十

九、十一月初一、兩日、五色雲見、所報與各處相同、
是合計雲南、同日現瑞者、共四府三縣、稽諸簡
冊、尤屬從來所未有者也、臣於冬至後、會親出
郊外、巡視村莊、見百姓家門外、各有稻穀堆場、
婦子顏色甚舒、而天氣晴明、景象和藹、田中豆
麥、已青翠盈尺、批農民口稱、明歲可保十成、且
自半月以來、軍前勾當、皆陸續報捷、而投誠者
亦衆、是五色雲瑞兆、驗非虛矣、敬念我

皇上、慎籌邊計、勤念民依、一誠相通、無遠弗届、用敢

瑣屑繕叙一併奏

開伏乞

聖主睿鑒臣謹

奏

批殊朕每遇此祥瑞蒙

上天慈恩豈有不感喜之理然實然毫不敢慶幸惟倍加
敬畏之心況此嘉祥實係卿忠誠所感而獻見於朕壽
曰者正表卿愛戴之心也
天理二字朕實見得透信得及

上天以卿如此不世出之良臣賜朕此朕之真祥瑞也。歲
前冬初聞卿每患脇痛、少覺氣弱、朕思此皆憂思之所
致、朕至不忍有諭慰問、蓋以諺語云、心病還將心藥醫。
若邀

上天慈恩、

聖祖賜佑、各處軍役就緒時、我鄂爾泰自然全愈、非目
下空言慰問所能解者、所以忍而未頒諭問、今

天

祖慈佑、三處俱陸續報捷、又覩此罕遇之嘉瑞、想卿必

然心怡神暢諸微疾得全愈矣目下卿體如何去冬不爽時如何光景可批實奏朕莫隱凡人能一念專城聚精會神勤勞二字實不妨然憂心焦思則萬不可且亦於事無濟當切戒之況世情冷暖人事參差明天理達人情者有幾只可盡一己之心以對越

上天則修齊治平之道俱備於中矣其他入海算沙之類又何足與較凡事當酌量精神體察能否不可任力不能勝之事不可費思所不及之心夜眠若稍覺不靜日食若稍有不美則當慎節而不可勉強從事也可必遵

朕諭行

同日又

奏為恭謝

聖恩、並陳愚悃事、雍正六年十二月初二日、准兵部

咨、奉

旨、請補泗城府知府、其廣西最要府州等缺、如現任
守牧、或人地不甚相宜、臣自當批實

奏、請酌量調用、惟是知人甚難、無可自信、即如黃
炳、其向來行止、居官穢聲、臣並非無所知聞、因

伊在滇數月、時與晤談、見其多改過之言、有上進之意、更以伊父子俱受

殊恩、斷不至良心復昧、遂致為其所蔽、仍謬異其可用及接奉

批示、臣已自知大悞、續閱邸鈔、見黃炳諸事敗露、各有指寔、竊自儆自責、深愧不足、而欽服我

皇上如日之明、無心燭照、而自無遁形、臣隨事觀人、勉學萬一、似亦竈更有進境、嗣後凡于三省屬員、臣務求深知灼見、以分別其誠欺、斷不敢輕信人、輕自信、致

地方職任、并為所貽悞也、合併覆
奏、伏乞

聖主睿鑒、臣謹
奏、

同日又

奏為遵

旨酌覆事據雲南撫

臣

沈廷正前具摺

奏請將知府直隸州承審本府本州地方命盜等項案件令解赴該管道員衙門覆審屬藩司者移解藩司屬臬司者移解臬司審明轉解督撫等因荷蒙

硃批沈廷正此奏卿酌量行之欽此欽遵該臣查得守巡二道雖分司盤查屬府倉庫督催刑名事件原无承

審之責。親轄地方之知府與直隸知州。凡有

欽部命盜重案。俱係自行審招。徑解藩臬二司勘轉。歷來
已久。如訊供不確。擬罪不當。情關重大者。兩司駁行
覆勘。无甚關係者。照例為之改正。設藩臬所審不公。
或依樣轉詳。尚有督撫核審指駁。未嘗不其詳其慎。
即如發審重案。或轉發府審。由司勘轉。或兩司自審。
或招解赴督撫審。

題各案省皆然。若謂少一核轉衙門事。便草率焉。知不
多一核轉衙門事。反拖延。總之定罪之允當與否。全

在督撫藩臬揆厥情理秉公推鞠則刑獄自无冤抑
倘大吏不能明察苟且了事不特添一核轉衙門終
為无益即委員調審亦不過虛應故事緣案件完結
處不但不在府州并亦不全在藩臬也且各省道員
不與藩臬同城駐扎者居多督撫又不時有差委之
事若將

欽部命盜重案俱責令審轉人犯必多守候拖累之苦而
道員與藩臬又俱平行設呼應不靈必致愈多遲滯
據臣酌量撫臣沈廷正所請將知府直隸州本府本

卅案件解赴道員覆審之處似可不必行惟是道員既有督催之任則所屬府州縣無論事之大小係通詳者俱應并詳該管道員聽候批示庶便查核臣查近來府州縣官初報命盜案則詳道官后有案中續詳之事止詳府司及府州審招亦不并詳該道而該道每避攬事之嫌亦率多置之不問比至遇易結不結之件道官限于條例同受處分殊屬未協臣于雲貴兩省業經面諭司道囑令照行獨以未有定例事難合一臣請嗣后凡應道員督催督緝事件屬員有

詳臬司之文。概令并詳該管道員及成招解司時。并將全招詳送該道。倘有死故遲延承緝不力。許其按限勒催。罪名不合。許其指摘詳揭。庶事有專責而執掌亦不至廢弛矣。謹此議覆。伏乞

聖主採擇施行。再沈廷正于二月初一日到任視事。臣將滇省一切事宜詳細告知。聽伊料理。隨于本月十八日。自滇起程。前赴貴陽。先辦點件。候金鉞到日。再商論粵事。合併陳明。臣謹

奏、

硃批是其應行處應題請者可具本題奏

雍正七年四月十五日雲貴廣西總督臣鄂爾泰謹

奏恭請

皇上聖安

硃批朕躬甚安好今歲飲食飲肌肉更覺增長健旺鄉
好麼

同日又

奏為恭謝

聖恩事雍正七年三月二十三日臣齊摺家奴蒙

恩賞銀十兩、馳驛齎回

御賜臣

御服銀鼠袍褂二件、果乾五種共一匣、乳餅數兩、布哈四種共一匣、抵貴陽、臣隨郊迎至公館、恭設香案、望

闕叩頭謝

恩祇領訖、敬啟摺扣、遍誦

硃批、仰見我

皇上用人行政、恤兵憂民、及一切方畧、一應施措、莫不一本于至誠、一出于至敬、禔垂

天象聞喜。若驚瑞獻地靈披圖。強畏綏撫征伐有事而無心。
和豫豐亨。籌先而慮后。此誠

上聖之心傳。萬年之政要。目愚窺管。寔無可名言。惟有凜

体

聖訓勤宣

聖德。俾文武同官。以及邊遠微末。咸知身際

隆遇。千載一時。不甘自暴自棄。各勉作完人。是臣之所以

尽職。即臣之所以報

國也。今歲滇黔二省晴雨以時。春熟加倍。粵西去冬大

雪今春雨足據金鉉面告并詢來往官弁皆稱十分
收成除俟該司等彙報到日另摺

奏報外合先陳明為此繕摺恭謝

聖恩伏乞

聖主睿鑒臣謹

奏

欣悅以手加額覽焉

同日又

奏為奏

親往駐扎柳羅地方調度并不必深入除軍前官兵
原有數千人又添撥六百名隨從張廣泗于三月二
十七日自省起行昨據來扎已過丹江雞溝沿路就
撫生苗懽忻接送毫无畏疑計日今已抵柳羅矣在
張廣泗自能幹濟臣復現駐貴陽以作聲勢料不過
五月內即可以竣事矣至于新開苗疆合計長廣約
抵黔省之半非設一重鎮添兵數千不足以資彈壓
糜費錢糧臣亦不敢碩慮除勦撫情形合先會疏
題報所有安設事宜俟臣與張廣泗悉心籌畫再請

旨定奪合併奏

聞伏乞

聖主睿鑒

臣謹

奏

硃批覽

同日又

奏為欽奉

聖諭竊逆賊曾靜詆毀
天朝誣謗

聖躬敢于天理絕滅計欲搖惑人心自投法網神實使之

茲蒙

頒示鈔錄

上諭一道共五十二頁復蒙

硃批此因逆犯曾靜之諭朕欲遍示天下錄來與卿看俟
各犯至京審明尚另有諭旨欽此臣敬誦數四不勝憤
恨不勝激切仰惟我

皇上至孝至仁至誠至敬憂勤惕厲旰食宵衣蓋七年以
來如一日雖生殺予奪事各有不同而威惠寬嚴行

歸于一是此無論在廷諸臣之所深知外省官吏之所共悉即凡非盲瞶亦誰不見聞且古稱聖君哲后載在史冊者固屈指可數矣其德性事功及一切文章禮樂比我

列祖較諸

聖躬有過之无有不及即滿洲臣僚內無知无恥无殊異類者固不乏人其允敦倫明理自省自立期于不愧不作者律以漢唐諸臣亦誰甘不如乃逆賊曾靜捏造浮詞恣意狂悖暗布匪黨聳動大臣其所以能如

此得如此者、臣以為其事有漸、其來有因、如誣謗
聖躬諸事、若非由內而外、由滿而漢、誰能以影響全无之
言、據為可信、此阿其那、塞思黑等之本意、為逆賊曾
靜之本說也、如詆毀

天朝等語、則江湖惡類、山野狂愚、不識天日者、皆能造偽
說、而不至若此之甚、此懷疑貳蓄怨望、諸漢人等之
隱意、為逆賊曾靜之藉口也、今

國家一統、垂八十餘年、

聖相承、教養備至、而漢人之心思、終不能一視滿洲之

人物猶未能爭光。每一念及。臣竊有餘恨。伏念人與禽獸。介于幾希。麒麟鳳凰。獸禽也。而人不如。傲象盜跖。人也。而禽獸不如。天不能生人。而不生禽獸。又不能不生禽獸。中之惡禽獸。更不能不生。如禽獸甚于禽獸之人。天亦不可奈何。不能奈何。即還以問之。天應亦无辭。如逆賊曾靜者。寔甚于禽獸之人。禽獸中之惡禽獸。乃捏造逆書。誣嫚狂悖。此固聞者見者。莫不痛心疾首。髮豎背裂者也。茲捧讀

上諭。坦然惻然。自問自慙。不為一曾靜。而為百千億萬人。

遍示臣民布告中外自非

大光明大智慧無我無人惟中惟正固未有能幾此者天
下萬世各有本心

天地神明寔鑒寔佑臣无復多言謹繕摺覆陳伏乞

聖主睿鑒臣謹

奏

硃批為朕放心丝毫不必憤悶遇此怪物自有一番奇料
理卿可聽之

同日又

奏為報明克取江垠情形事、竊照檄攬逆夷蠢動、經臣
檄調官兵進剿、并札致提臣郝玉麟親往調度、節次
具摺

奏明、續據臨元鎮總兵官孫弘本咨呈、內稱自到猛峯、
遵照札囑、慎重料理、今各處官兵俱到行營、訂期于
十一月十三日寅時、三路一齊進剿、密令遊擊施善
元、帶領官兵、攻整板、慢腮、小猛崙、直抵檄攬垠、令守
備朱琦、帶兵、由整板前進、叅將邱名揚、遣守備李定

海帶官兵自攸樂起程由原躡山箐遠出慢賴守脩
裴弘道由大路直攻慢賴約定大礮一響然後首尾
夾攻此路攻破均趨赴整哈除搗賊巢穴另遣遊擊
郭佑民帶官兵自猛養由九龍江奪取大渡口遣遊
擊馬成林帶官兵攻取小渡口因九龍江大小兩渡
之間有一沙洲林木叢雜內有賊人房屋恐逆夷暗
由沙洲岔河抄出以襲我兵之後遣守脩鄧士彥帶
兵直抵岔河以遏賊人來路又檄攬坝沿山沿箐有
崎嶇鳥道可通猛養恐賊暗來偷襲遣把總湯德新

帶鎗手兵丁前往通達猛養攸樂總路埋伏。又遣遊擊徐成正帶領官兵由小路過渡。先遠至九龍江直搗賊巢。本賊帶兵駐扎猛養調度。等情。隨據遊擊施善元報稱。卑賊遵帶官兵于十一月十一日直抵猛養崙。午刻到上江渡口。有賊人二三百潛匿樹林。吹起牛角。齊來拒敵。卑賊令兵丁齊放鎗礮。打傷賊五六十人。又令兵丁往下江渡口。齊放鎗礮。打傷賊三四十人。看賊衆散亂。乘勢一齊過水。隨奪得下江渡口。而守備朱琦亦于十二日奪取整板渡口。鎗礮打

傷賊數十人。十三日率兵渡河。等情。又據施善元稟稱。十三日進攻猛崙。蚩尤。蚩蚌等寨。賊人俱以逃遁。直至慢整邊。有賊五六十。立柵阻我官兵。隨即追趕。打傷六人。賊自放火燒寨。逃散。卑賊直進猛崙。賊人聞風逃竄。十四日前進猛寬。賊人亦皆逃散。十五日抵橄欖。賊巢有一千餘賊。潛匿寨柵。齊出拒敵。卑賊令守備保瑄等帶領官兵。分中左右三路殺出。卑賊督令官兵。同心努力。自辰對敵。至未。打傷賊人無數。割首級七顆。是晚更盡。守備朱琦攻破整板河口。

帶兵督糧到營，十六十七兩日，遊擊黃忠耀等俱領兵來到，十八日分三路進攻賊巢，杳無人跡，令兵各路搜查，拏獲夷人七名，橄欖坳地方俱已克取。等情。又據遊擊徐成正稟稱：抄渡九龍江之上流喇卡江，出猛海，深入賊巢，沿途坐卡七處，每處有賊數十人，及百人不等，卑賊督兵奮勇擒賊四起，共擒賊十七名，過卡出箐，而一出箐口，復遇賊衆交鋒，我兵嚴整，飛衝大渡口，大施礮火，打死賊一名，打傷三名，又擒獲凶賊一名，登時梟首，其餘獲賊七名，解交提督行。

營九龍江已克等情。茲准提臣郝玉麟咨稱十一月十六日已抵攸樂。擬遊擊施善元等稟報逆賊俱有望抚之心。惟是畏惧不前。拏獲擺夷數人。并江西客人一名。皆云若提督到來。我們俱出投見。本提督若不親往招來。見杭行事。恐夷衆又被狡賊煽惑。今帶領本標官兵于二十日前往橄欖垠。相杭勦撫。有一緬和尚投見。據云情願寫緬文招來夷民等語。本提督即賞花紅。令其前去。一面遣員赴橄欖垠江邊。扎造竹筏。二十一日寅刻。親到江垠。彼岸并无一賊。我

兵占踞江干、搜獲牛尾礮三十四位、查橄欖埧逆夷、俱已勦散、九龍江一帶、又為徐成正等克取、逆賊聞風、胆破魂飛、縱有一二首惡、隱匿偷生、料難漏網、等情、各到臣、查得橄欖埧逆賊不法、籍稱代刀正彥、報仇、糾脅夷衆、放火打伏、臣遣發官兵勦抚、因值炎瘴未消、時疫流行、漢土兵丁半多染病、是以臣行搃兵官孫宏本、叅將邱名揚、令因各暫時固守、勿得妄動、俟續撥官兵到日、合攻、今于十一月初旬、各路官兵雲集、孫宏本隨遣分路進勦、于提臣郝玉麟未到

軍營之先而橄欖埧九龍江一帶即經克取惟首惡
緬和尚以獲寺尚未就擒宣慰司刀金寶被賊逼脅
猶未見投謁除咨提臣郝玉麟剴切出示遍行曉諭
只將首惡數人務須搜獲其被脅從餘黨概予招安
慎勿濫行勦戮一俟平靖多由官兵駐扎彈壓以杜
后患外所有據報克取江埧情形合再奏

聞伏乞

聖主睿鑒、臣謹

奏、

硃批欣悅覽之觀此各役將弁之効力用命回思皆我
聖祖君父皇考六十年深仁厚澤教養之所致寔不禁喜
泪交流惟嘉獎憐憫慶幸之外无可批諭也

同日又

奏為報明克取丹江情形事竊照貴州陞任擦按察使
張廣泗帶領官兵招撫黔屬生苗八寨九股等處俱
經就撫惟丹江一帶頑苗復勾結八寨向化之苗抗
拒官兵張廣泗先攻破八寨之反復之也告等寨再
議開通丹江以及湖南先發之兵止須駐扎鎮遠遙

為聲勢

欽差牧可登春山已至軍前查勘情形各緣由經臣

奏明續據張廣泗呈稱本司帶各路官兵齊集本應即

進丹江但念苗民愚頑不悛悟或係化導未周是以敬

體

皇上如天好生之仁復多遣通事前去宣諭利害彼等全
无悔心且將願投抚之烏苗寨男婦擄去斷難寬容
查丹江一處居中則為大丹江其左則為小丹江其
右則為雞溝而烏耶地方乃扼要之所本司親率安

籠鎮標遊擊田昌友、貴陽營遊擊史應貴等帶領官兵于十一月十一日前進烏耶駐扎。又有抱得一處為丹江要徑，派令鎮遠協付將張禹謨等帶領官兵于十二月^日從烏甸取抱得山，至大丹江會合，并飛檄左路駐扎之定廣協付將蔣大有等帶領官兵，亦于十二日從枯桶進攻小丹江。俾兜苗四下受敵，不能準備等情。又擬付將蔣大有稟報，卑賤自八寨起營至烏高，十二日分兵兩路，左路由蜂塘寨直抵枯桶前面，右路抄枯桶后尾。其枯桶各寨頑苗俱已逃遁。

十三日、撥土兵于要路安設三卡以待、果有頑苗來寨、搬取米糧、坐卡土兵放弩、打傷頑苗四名、十四日、率官兵、將運糧路徑焚搜、有苗四五百于山梁上放鎗、吶喊、兵丁放鎗對敵、大礮打死數名、頑賊即拉扯背負逃去、隨密差前往丹江探聽、險要處俱築土城、蓋有草棚、拒守、十五日、過枯桶、至石板寨山后、頑苗拒阻、官兵鎗礮攻打、苗賊潰散、衆兵正在躡路下營、有頑苗千餘、蜂擁前來、分兵對敵、追至坡下埋伏、帶兵佯敗、頑苗尾后追趕、伏兵即起鎗傷苗賊十餘名、

苗復潰敗等情。又據付將張禹謨呈報奉令帶領官兵進取烏苗抱得直抵大丹江。遵于十一月十二日駐開懷寨對山。十三日令守脩梅先春等各帶兵分左右路密進烏苗夾攻其寨。卑賤率將脩由中路繼進攻取。郊刻俱抵烏苗寨。賊苗預將眷口搬移官兵臨寨。賊苗占寨后山梁對敵。官兵奮勇直上。將賊穴燒燬。賊苗退奔。乘勢即攻抱得。苗復拒敵。鎗礮打傷數賊。將抱得燒燬三寨。十四日發兵搜山。十五日官兵至抱得。查烏苗抱得之苗俱竄囊猛囊堯二寨。如

發遽取抱得對山險阻，賊苗阻守高嶺，后即大丹江
囊蕩谷，裸賊巢，恐其襲我之后，是以令凱里苗兵先
前往抱得，附進招抚，然后攻取囊猛、囊堯，后取高嶺。
進大丹江寺情，又據遊擊田昌友報稱，遵于十一月
初十日，自凱里帶兵，十一日駐扎排洛，張抚院于十
二日亦抵排洛，遙見對山苗賊，日則舞刀呐喊，夜則
明火守路，蒙諭同遊擊史應貴于十三日帶兵分奪
左右山梁，卑戢帶官兵奮勇直上，已奪右首山梁，即
係丹江提口，令把提張明定扎此，復又分兵搶奪前

面山梁、值史應貴亦到、會合、即駐扎丹江頭一関口、聞后面鎗礮之聲、令把總李國寵等、帶兵應援、抵稱丹江頑苗、爭奪山梁、被把總張明定殺退、抵張明定稟稱、有苗四五百、爭奪山梁、我兵對敵、傷死頑苗甚多、餘衆敗回對山、張抚院于十四日、亦抵丹江頭一関口、令把總謝遴中等、占奪占江總口對面山梁、據稟、路遇苗賊數百、交陣、鎗礮傷死賊二十餘名、有頭関賊苗、四路猖狂、奉令分兵堵截、鎗礮傷死賊苗多人、餘党潰散等情、又據遊擊史應貴稟、称卑職同田

遊擊隨張抚院帶兵由凱里右路而進，搶登烏耶寨。大山梁子，卑賊督令官兵于巳時搶上七慶扎營，是以頑苗數百前來對敵。鎗礮打死十數人，帶傷三四十人。十四日，張抚院到梁子駐紮，頑苗千餘復來對敵。鎗礮打死十數人，敗去。十五日，張抚院蹕看頭道梁子礮臺，苗衆聚集對敵，令卑賊帶兵親往把守。此間逆苗千餘前來鎗礮打死多人，始行敗退。十六日，賊苗在彼山梁吶喊，復來打仗。卑賊率領官兵施放鎗礮，四路伏兵齊出，又打死多人，敗退。十七、八等日。

賊苗只在對關虛張吶喊。張抚院因張付將由中路
由烏所進之兵未見速進。十八日親往烏甸至抱得
行營會商。令卑賤等且无妄動。俟張抚副將等會合
進取大丹江。再進兵奪取關口等情。又據蘓大有報
稱十六日申時。苗賊四處吶喊。卑賤帶兵前去誘敵。
仍于兩肋埋伏兵丁。卑賤佯帶兵退回。頑苗約有五
六百。四處追來。伏兵齊起。卑賤復回。督令官兵奮勇
攻擊。鎗傷頑苗十餘人。賊苗敗走。有大定協把總馬
國良帶兵殺死賊苗三名。十七日因雪雨霧重。未便

進兵十八日，卑賤等往附近烏疊一帶山梁，察其虛實。有苗賊千餘，放鎗吶喊，四山扑來。卑賤分兵攻擊，從辰至午，半敵半誘，于兩肋埋伏兵丁。卑賤仍作佯敗之狀，苗賊隨後追來，伏兵齊起。卑賤回兵，施放平逆大礮，打死賊苗數人。鎗礮共傷數十名，賊苗潰迹，回守土城。二十日，卑賤等分為四路，于五更時起發，前去攻打丹江。有苗賊千餘，在頭關土城堞口內，打鎗拒敵。卑賤用大礮攻打，土城堅固，從黎明至辰，難以攻破。卑賤親督脩弁兵丁，昌險逼近土城，乘隙越

進殺死苗賊四十五名、弁兵復奮勇追趕、連破土城五座、直追至小丹江之烏疊寨、又殺死苗賊二十一名、卑賊督令放平逆靖蚩大礮、打死苗賊數十、直抵巢穴、苗賊敗潰逃去、隨將小丹江之烏疊大小八寨燒燬、次日移營至小丹江駐扎、所有開闢破寨情形、理合飛報、等情、又據鎮遠府知府方顯稟報、九股清水江一帶生苗、地方遼濶、卑賊多遣土官人等、分道前往化誨、除已招之四千四百七十餘戶外、今復招抚得一千零二十一戶、賞以花紅銀牌、酒食、苗情甚

是踴躍聞風而來者紛々。將來所遣之人回覆又可
復得數千戶。附近鎮遠九股清水江一帶生苗。不難
就緒。等情。各到臣。至十二月初六日。臣差探軍情弁
員回滇。擬其口稟。并接張廣泗手札。與各員稟報無
異。該臣查得丹江生苗。恃險負固。尤頑異常。雖屢經
招抚。剴切化道。不但不知感悟。亦且毫无畏惧。若非
大加勦除。必致更貽后患。今自三路進兵。不及旬日。
小丹江一帶。俱已到處成功。軍威大震。賊苗喪胆。雖
據各員稟報。苗人有饒命就抚之請。正復未可輕信。

墮其緩計現已布置進取大丹江料不日可以全勝
況古州八萬畧无反復九股清水江生苗已投誠五
千數牝百餘戶只俟丹江一定其餘皆易就緒仰
賴

聖主仁威歲內或可以報竣矣其湖南先發之兵一千名
已調至鎮遠駐扎遙作聲勢統俟事畢再行遣回至
苗疆軍營一切情形

欽差牧可登春山二臣皆已親見深知伊等不日回京復
命自能面陳詳細无庸臣多贅所有官兵克取小丹江緣

由、合再奏

聞伏乞

聖主睿鑒、臣謹

奏、

硃批、寔皆

天

祖之慈恩、卿等忠誠用力之所致、建此從古未有之奇勲、
除邊方萬姓之永患、朕嘉幸之懷、筆難宣諭、其善後事
宜、當詳慎料理、惟以重兵彈壓為要、不可惜費、有事待

數年安帖時量減不遲也

奏為欽奉

聖諭事雍正七年正月初十日署廣西提督副都統臣張
溥馳驛抵滇臣率_臣在城文武出郊迎接跪請
聖安隨張溥至公館據傳示

諭旨福建副將仇元正人去得已著馳驛往雲南交與總
督鄂爾泰試看如人好或放左江右江總兵若左江右
江現在總兵俱好可畱在雲南俟有總兵缺出補放鄂
爾泰可時常教導他此人好用得再左江總兵齊元輔

亦著鄂爾泰試看欽此。臣跪聆之下，敬詢起居得知。

聖躬和暢，精神倍常，而萬幾日理，不少暇逸。臣爾泰感激微忱，與瞻依下悃，不禁神愴者久之。欽奉

諭旨，將副將仇元正、總兵官齊元輔、交臣試看。伏查左江鎮總兵官齊元正，輔人非庸闇，或者習氣未除。但臣未親見，猶不能確知。謹當由心試看。福建督標中軍副將仇元正，尚未到滇，俟到日試看。再請

旨酌用外，廣西地方一應事宜，張溥在滇十日，于正月十

九日始起程赴粵。臣已謹就所知與伊詳細講明。逐一商酌。大約先治將次。治兵急。治內緩。治外賞。罰惟信。稽察惟勤。號令須明。事權歸一。文武固宜和衷。却不得互相隱諱。軍民固屬一體。却不得轉有瞻徇。如果營伍整齊。兵丁奮勇。將旣已可用。或并可以不用。其粵省將弁半係

聖主簡補之員。看其履歷多有勤勞。并非庸懦。獨以狃于積習。遂致不能自振。務當開誠勸勉。不可輕棄人材。其地勢險易。夷情情良頑。雖有知聞。仍須親歷。據張

溥議論與臣意見相同至看張溥之為人謹慎妥當
操守必可信而論事精細且具誠心此臣所見提鎮
中所難得者寔竊深忻幸茲正月十三日齎回臣前
摺內荷蒙

硃批前因未聞田峻之故待問卿再定此缺續連接田峻
段宗岳之遺本所有急有旨命張溥來署理調用蔡
成貴右江今卿既言張耀祖可以勝任俟張溥來到二
人中卿再酌量速奏聞若張耀祖相宜時王紹緒聞
得善軟不勝廣東全有之任即調用張溥于廣東矣張

溥來時、朕亦曾密諭之、此人甚妥當、卿試看、欽此、又奉

硃批、若用張耀祖于廣西、照卿所請、孫弘本調用鶴鹿、朕意欲將邱名揚補授臨元、卿意如何、欽此、又臣奏揚天縱條內、荷蒙

硃批、此人雖老、難得之提督也、著定好、若不致甚曠廢、將就畝用好、卿見張溥、若與粵西提督相宜、張耀祖備用貴州之任、亦可欽此、臣看張耀祖老于戎行、四十餘年、久任邊地、熟諳夷情、或有勦抚之役、張溥似微遜其

長至于操練兵丁、整飭營伍、思患預防、不遺餘力。張耀祖恐不如張漣、就二人而論、廣西既屬臣轄、張耀祖可以勝任、張漣則勝任有餘。但廣西與廣東較、廣東更屬緊要、臣查廣東共設七鎮、水陸兼防、且閩山、薮之區、多聚賊盜、即市井之地、亦半藏匪黨、該管官弁、恐難揜治完結、瞻碩考成、每致匿不報聞、此實非善軟之員、所能整頓者。臣看張漣可用、可信、定能勝廣東全省之任、倘邀

聖恩、以張耀祖補授廣西、以張漣調用廣東、雖地屬隔者、

聲氣相通彼此觀感于兩省均有裨益若廣東提督之任

聖鑒另得其人請將張漣仍留用廣西張耀祖即留備用亦強幹之選也臨元提兵孫宏本已于去年十一月內、在行營病故、臣聞報之日、即差守備一員持銀三百兩先為料理后事其扶柩歸旂之費、臣仍獨任料理、斷不令有缺欠、已將病故緣由具疏

題報在案查臨元一鎮為雲南最要缺如蒙

聖恩將邱名揚補授洵屬人地相宜再楊天縱寔係好提

督、臣與共事三載、同心合意、相與有成、獨以患日日久、不敢不據寔奏

聞、在楊天縱雖年已七十四、精壯如常、辦事无悞、即考驗一事、臣早不時留意、亦不致曠廢之甚也、合併陳明、
統乞

聖主睿鑒施行、臣謹

奏、

硃批覽、

雍正八年正月十三日、雲貴廣西總督臣鄂爾泰謹
奏、為恭謝

天恩事、雍正七年十二月十四日、接准部咨、奉

上諭、鄂爾泰忠誠體國、經理苗疆、勲績懋著、伊曾祖圖們、
於開國時奮勇陷陣、效命疆場、忠節炳然、垂光衍慶、
積於孫、其鄂爾泰為不世出之良臣、祖孫忠良、後先
輝映、朕甚嘉焉、今鄂爾泰奏稱曾祖圖們與祀昭忠
寺牌位列銜佐領、請照固原提督紀成斌之父、守脩
紀法業恩給誥封贈官之例、請將苗疆議叙之案、移

賞曾祖祖父誥封著將鄂爾泰之曾祖、父俱照總督加內大臣兵部尚書職銜給與一品誥封其昭忠寺圖捫牌位改書新贈之銜入于大臣之列鄂爾泰苗疆之案仍著議叙該衙門知道欽此知照到臣臣隨恭設香案望

闕叩頭謝

恩訖臣追憶髫齡時臣父督課之餘諄以忠孝為訓謂身不足學當效爾祖每言及臣曾祖暨祖父母未常不泪下臣時雖無知一一敬記迄今四拾年來不

敢一日忘、今荷蒙

聖恩、加三世以內大臣兵部尚書賤銜、給與一品

誥封、

臣

曾孫

祖

牌位、改書新銜、入于大臣之列、

寵命自天、感泣無地、半生難遂之隱願、至今日而畢伸、百

身難振之

洪恩、即累世而罔極、聆後先輝映之

溫綸、何敢負慚燕翼、奉祖孫忠良之

寶訓、豈忍貽辱祖宗、沒齒不忘、臣無可寬之一息、畢生圖

報、臣

惟誓盡其寸誠、至苗疆之案、仍著議叙之

旨伏念祖孫父子業邀非分之

殊榮無惜頂踵髮膚何數當身之薄效除已經繕疏

奏謝并陳愚悃外相應懇祈

聖鑒俯允施行又本年正月十二日接准部咨奉

上諭數年以來怡親王及內外大臣中數人協贊朕躬忠

誠宣猷為國家辦理政務勤慎奉職甚屬可嘉怡親

王之儀仗著增一倍大學士馬爾賽著加太子太傅

大學士張廷玉著加少保大學士蔣廷錫著加太子

太傅刑部尚書勵廷儀著加太子太傅靖邊大將軍

公傳爾丹寧遠大將軍公岳鍾琪雲貴廣西總督鄂爾泰俱著加少保河東總督田文鏡著加太子太保浙江總督李衛吏部尚書查郎阿寧夏將軍西栢俱著加太子少保欽此知照到臣臣隨恭設香案望闕叩頭謝

恩訖伏念臣

自受事總督以來疊蒙

聖諭之褒嘉愧負

知人之哲屢荷

殊恩之寵錫時懷逾分之羞世襲二品之官垂裕後昆於

奕葉

誥贈三代之爵重光前烈於千秋業叨罔極之
深恩永下難酬之血泪今復荷

特加少保器小任大

恩重命輕寅亮之猷寔顧名而滋愧凝丞之賤竊捫心而
加慚惟有敬重

王言恪遵

慈訓每事矢之以忠誠勿懈夙夜庶務必勉其勤慎益凜

冰淵除俟開印日恭疏

奏謝外合先一併繕摺恭謝

天恩伏乞

聖主睿鑒臣爾泰無任激切屏營之至謹

奏

覽卿奏謝矣

雍正八年正月十三日雲貴廣西總督臣鄂爾泰謹
奏為恭謝

聖恩事雍正七年十一月十五日臣齋捐家人蒙
恩賞銀十兩馳驛齎回

御賜

臣

寧綯八尺、沉香一盒、乳餅一匣、果乾一匣、抵彌勒

州屬之樹皮寨

臣

跪迎至塘房內、隨恭設香案、望

闕叩頭謝

恩祇領訖、敬啟摺扣、荷蒙

硃批、朕躬甚安好、凡有來引見過往之人、朕皆詳細脩問、

知卿精神氣象、甚屬壯健、光彩寔為懌悅之至、為善

日強、是乃

天道、敬誠為養性修身之本、乃千古至理、二者卿皆得之矣、

朕復何慮、欽此、

臣

跪誦之下、不勝感激、不勝慚悚、在

臣志切成人原不敢為兒女態然每奉

恩諭入骨沁心儼若跪覲

天顏儼若面聆

慈訓神與氣結洎隨言下不但臣无以自解即見者聞者

亦寔不能為臣解也伏念為善日強人道寔即

天道誠意故能潤身主敬所以復性此正

聖學高深與

天合德而剖析至理

宣示臣愚所以養性修身者在此所以理人治事者亦即

在此臣雖不敏无所成就然數年以來時、凜、休、
寶訓亦稍有領悟精神壯健寔倍于往昔而身心性命之
際所以深受

殊恩而萬難仰報者臣惟自知臣惟自勉此固莫可名言
不容少懈者耳再讀至卿有微過令天下知亦毫不
容情之

諭旨敬仰

聖明在上如日中天不以曲直而互易其影如鏡高懸隨
其妍媸而各肖其貌功過不相貸恩威必並施所以

造就臣愚

訓勵臣工者至詳且切臣敢不時加凜惕又讀至于卿或有分外希冀等

諭臣不禁愴神在臣止知敬事

一人何暇容心于恩怨然逢迎嫉妬觀望窺伺者寔不无其人臣雖自信亦殊自危我

聖主矜憐臣志為預遠意外之營求潛消難遂之憤怨所以愛惜臣保全臣者至矣極矣臣敢不益加奮勵益加儆惕乎謹此繕摺恭謝

聖恩伏乞

聖主睿鑒、臣謹

奏、

覽卿奏謝矣、

同日又

奏為廣南土司土目投見歸誠事、竊照雲南廣南府土
同知儂純英犯法擬絞、業經監斃、其妻嚴氏撫幼管
事、其權俱歸土目、其四大頭目曰內甲、曰總管、曰板
欄、曰內兵、其板欄有陸順達與其子陸尚安等互相

濟惡官府傳喚從不入城即偶至城外亦必帶兵四
路埋伏其于村中占奪燒搶種、不法曾于康熙五
十六年七間各頭目遍起土兵圍城幾陷亦惟事隱
忍不可奈何及經臣出示明書陸順達陸尚安等名
曉以改過從寬怙惡必戮大意后亦稍知歛跡臣于
雍正五年八月初一日覆奏陞任廣南府經歷吳啟
文摺內

奏明荷奉

硃批覽此奏朕明悉矣次第緩為之卿自有斟酌道理朕

意凡烟瘴之地改流極宜詳慎欽此臣即密諭該地方文武外示寬容密為防範以便緩圖今臣巡視粵西路經廣南預行檄飭經過地方凡土官土目人等俱來聽宣示

皇仁予以自新之路開其遷善之心如有隱匿不出者定行嚴處去後到處土官目民人等無論遠近盡來投見臣隨加獎賞勸諭于十一月十九日將至廣南即有儂純英之妻嚴氏同其姑祿氏率領伊子儂振喬并四大頭目等泥首郊迎臣于二十日逗遛一天盡

傳至行署、面加開示、若能改過自新、已往不完、若仍蹈前非、即嚴拏正法、該目人等、无不感激泣下、誓為良善、內陸尚貴一目、前歲征勦八達寨時、曾調領土兵、奮勇効力、業造入軍功冊內、今因其來見、賞以綢緞銀牌等物、并令以外委把總隨營行走、一以示獎勵、一以便指使、陸尚貴涕泣叩頭、感激悅服、時陸尚安一目、猶畏罪未出、及至次早、將起行、陸尚安投到、俯首請死、臣歷數其惡、故作必殺壯狀、并令其回寨、預作準備、以待屠滅、而陸尚安叩頭設誓、願永作良民、

懇隨赴廣西、隨回雲南、以效犬馬、迨隨行兩日、已入
土富州境、臣始許以不殺、令一聽流官約束、時土官
母子并大頭目人等俱在、臣復剴切開示、令其各回、
大衆感謝、皆有依戀之意、蓋廣南夷患不在土官而
在土目、夷民受其殘虐、而无可告語者、已非屬一日、
故深有望于此舉、而群以為大幸也、隨抵土富州、該
土州沈肇乾、力疾遠迎、旬旬道左、夷目人等无不歡
躍、臣亦加以獎勵、諭示寧輯地方、各安本業、伊等皆
知感戴、聽受惟謹、嗣于十二月十四日、行抵廣西柳

州府、據廣南府知府賈秉臣、廣南營叅將馮鵠、稟稱、
有抚幼管理廣南府土司知事務嚴氏、率領土目、親
具印呈、內稱自大憲節制、抚恤漢夷、同視近來年豐
時和、祥瑞疊見、幸逢巡視粵西、沙儂今日見天、敢不
及時向化、氏雖女流、亦具天良、誠心愛戴、情願于原
納額糧一千八百二十二石零外、增輸熟糧一千一
百七十七石零、共足三千石、又廣南府向无城郭、願
捐已貲、建築城垣一座、不敢派累夷民、以報
國恩、土目陸順達等、衆志如一、懇恩轉達等情、又據廣

南府富州土知州沈肇乾亦具印呈內稱自沐

聖朝覆冒生齒日蕃荒土漸開茲逢大憲冒瘴衝烟為民
籌畫雖屬土夷亦具天性情願照原額秋糧三百六
十六石零外增輸糧米六百三十三石零共足一千
石以供兵食又卑州向无城垣願捐祖遺貲財在歸
朝地方建城一座以固邊防戢屬九苟土目頭人方
準矩等紛紛踴躍各各傾誠永願為

聖世良民伏乞轉達等情又據馮鵞稟報有廣南老土目
陸順達面稟今蒙大憲巡歷恩威普著合門感激不

殺之恩、謹繳從前收存大礮一座、過山鳥一尊、願永為良善、此外尚有大礮各頭、目情願摠繳、伏乞賞准從緩查出、一併繳上、再廣南土目俱已到齊、惟陸尚元盤踞彌勒灣地方、從不進城、今又未到、現已嚴檄土同知飭查、另報各等情到臣、查雲南廣富二土司地廣田肥、不讓內地、廣南一營兵米歲需不敷、仍須採買、而接壤粵界、沙儂素多仇殺、又并无城垣、可資防禦、目前雖屬寧帖、終非久遠之計、臣曾委員料估城費、即石基土墻亦需一萬餘金、而廣富糧米頗多、

即加增一倍、亦甚屬從容、今該土司目民人等、既自
樂輸將、願捐建造、自應批准、令其具呈通詳、其陸尚
元一目、獨未投見、未可竟置不問、臣已批令先行開
導、予以生全、倘敢有頑抗、立即擒治、蓋從前原不妨
寬緩、以待徐圖、此時則務當嚴急、以齊衆志、陸尚元
固無能為、恐將生衆目之心也、其土同知嫡子儂振
裔、年已十六、例應承襲管事、臣已批令取結具詳、并
不許令伊有絲毫雜費、去訖、至于廣南一營、地方遼
濶、汎廣、兵單、寔不足分布彈壓、按舊制、廣南營屬廣

羅協兼轄係臣衙門統轄并不受開化鎮節制是以
遇有事故呼應不靈彼此推委以至日久廢弛查廣
南府離省城十二站離廣羅協駐扎之廣西府八站
而開化府一鎮離廣西府廣南府皆止四五站較論
遠近此一協一營自應歸併開化鎮管轄庶便酌緩
急以資調度且此一隅係三省交界極邊之地今統
歸一鎮則黔有安籠鎮粵有右江鎮與滇鎮三方鼎
峙連絡聲援亦足以建威消萌永謀寧謐但道里形
勢臣尚未周悉或將開化鎮竟移駐廣南將副將移

駐開化或將廣南改協、廣羅改營、兩相調換、臣詳細籌畫、再當會疏請

旨遵行、除輸糧數目、及建城日期、俟詳到

題報外、所有廣富二土司土目、投見歸誠情形、合先繕

摺奏

聞伏乞

聖主睿鑒、臣謹

奏、

覽、

同日又

奏為覆

奏事前、臣請開黔省鼓鑄摺內、荷蒙

硃批、欣悅覽之、向聞黔省從來不用錢文、今似此得無可通行乎、欽此、伏查向來黔省并不用錢文者、既因錢文无多、兼因苗犵獠悍、習慣逞兇、但見財物、即行搶劫、錢質沈重、更不便攜帶、又因糧食買賣、熟苗以錢交易者、漢民或昂其貨物、或虧其錢價、故彼此俱不用錢、由來已久、今數年以來、仰賴

聖恩、苗民向化、道路坦行、搶奪之風已息、錢文之價甚平、不特往來旅店、銀錢并用、且有商賈于滇省、馱錢至黔、換銀者是。

國寶漸可流通、自應乘時鼓鑄、據臣愚見、擬于開局後、不特各役工食、及驛夫等項、俱應發給錢文、而支領兵餉、亦須以銀八錢二、或銀七錢三、搭放、即漢夷零星糧折、亦令其銀錢并納、則上下通行、遠近散布、錢文自无壅滯矣、再黔省礦廠、雖可有成效、然經理方始、尚未敢遽定規條、如商民獲利太微、則開採者希。

少遠近脚力太重、則販賣者退縮、須權其所出之多寡、工本之輕重、馱載之遠近、大局不可分岐、而調劑須別高下、必使民間于工本之外、尚有利息、而在官所收銅鉛、必亦各有贏餘、則上下均受其益、方可以經久、臣已批示委官、厥務各負去訖、容臣由粵過點時、再面與撫臣及司道等、細心酌量妥協、再行題請外、所有點省錢文、可以通行緣由、合先繕摺覆奏、伏乞

聖主睿鑒、臣謹

奏

欣喜覽焉

雍正八年三月二十六日、雲貴廣西總督臣鄂爾泰
謹

奏為恭謝

聖恩事、雍正七年十二月二十九日、臣齋捐家人蒙
恩賞銀十兩、馳驛齋回

御賜臣

御書福字一幅

御書對聯：歲：平安節年：如意春十字平安如意荷包
一箇堆錦荷包一箇內貯金錢寶玉等各十四枚哈
蜜瓜二圓文旦四會柑紅柑盧柑甜橙共一箱各種
敖爾布哈一匣奶餅一匣鹿尾十條樹雞六支野雞
十支細鱗白魚二尾多樂魚二尾鹿肉十四塊鹿腸
二付抵廣西省城臣隨郊迎至行署恭設香案望

闕叩頭謝

恩祇領訖敬啟摺扣荷蒙

硃批朕躬甚安好卿好麼新春新喜諸凡平安吉利如意

也、欽此、又恭奉

聖訓摺內、荷蒙

硃批、欣幸覽之、此寔卿忠誠之所感召、非朕推美于卿、作違心之諭也、然

上天賜佑之德、朕亦不敢矯情、謂于朕無涉、蓋君臣之間、若少不能視為一體、則為庸主愚臣矣、同龢二字、寔為通論、餘无可諭、欽此、伏念臣身在萬里、心依

九重、感

聖恩之逾厚、顧臣職之匪輕、每自省自訟、斯惧斯慚、雖時

敬辭

天心未能步趨一二幽獨之地、只應自知、茲跪誦同喜、深
維一体、心馳神悚、復不禁涕泪之盈襟也、至諸凡平
安吉利如意、臣自赴粵返滇、周行四省、氣候各殊、水
陸迭替、不但臣身體強健、精力倍增、即隨從二百餘
人、并无一人疾病、而人情和悅、氣象光昌、一切舉行
半多順遂、惟

聖主之賜、直遍及庶人、臣之慶幸、寔有莫可名言者、若恭
逢

至聖之主、而猶无所領受、顧自安于愚、是為下愚不移者。
臣愈知所以自處矣。再臣恭報三省秋收摺內、荷蒙
硃批、以手加額覽之、朕向來深信

天道、捷如影響、今歷睹漚點之賜應、寔愈加親切、倍增寅畏
也。不但當世封疆大臣、起奮勉效法之心、即將來奕
禩、膺父母斯民之任者、亦莫不興感忠誠任事之念
也。卿之功大矣。

上天

聖祖賜朕之恩厚矣。我君臣惟愈加敬謹、以仰報

天

祖之罔極耳。期共勉之。欽此。臣捧讀數四。悚惕汗流。伏惟天道無私。人心有著。敬謹所以修身。寅畏所以立命。但能深

喻。影響自必各起奮興。在

上天之鑒察。昭垂固至公至信。寔

一人之憂勤惕厲。必敬必誠。如微臣者。雖立心行事。不敢

自甘暴棄。然數年以來。所以少有進境者。寔惟聖訓之裁成。而無他學問。感切忻幸。更有出于

恩光寵罷之外者。捫心自審。殊未敢稍有欺飾。以上負

我

慈父也、忠誠敬謹、務期終身勉之、當世災禍、并非所敢計、

謹此繕摺、恭謝

聖恩、伏乞

聖主睿鑒、臣謹

奏、

覽卿奏謝矣、

同日又

奏、為覆

奏事竊

臣

報明監銅課息一摺荷蒙

硃批、辦理妥協之至、有何可諭、但沈廷正操守甚不可信、

卿酌量之、不可因專政避嫌、倘有疎虞、朕惟卿是問、

耳、回滇時、將朕諭令沈廷正知之、欽此、臣于三月初

八日回滇、隨欽遵

聖諭、密示聞知、沈廷正敬聆之下、激切悚惶、繼以涕泣、披

衿、廷正以微末庸材、且屢有罪過、叨荷

聖恩、格外矜全、并受茲重任、若復少存不肖、豈是人類、等

語、臣

查沈廷正頗有歷練、亦具才情、其向來行止、原

多不滿人意及蒞任滇黔共事幾二載臣推誠相待
事：裁衷時有勸詞務規以正而沈廷正極相敬重
亦深信服就現在操守并未少有染指但器局瑣屑
意念游移可以辦細務而不足以當大事是則其短
臣不敢為之諱至于一切錢糧雖係撫臣專政原屬
臣所兼理本無嫌可避亦何敢少有疎虞獨以臣銜
門事務寔數倍于撫臣若得盡心協力不因臣總理
而有所諉卸庶事益周詳而可免遺漏以故于離省
赴粵時面同司道諄切言之復經附陳上讀

聖聽也、理合覆

奏、伏乞

聖主睿鑒、臣謹

奏、

覽、

雍正八年九月初四日、雲貴廣西總督臣鄂爾泰謹
奏、為恭謝

聖恩事、雍正八年八月初二日、臣齋摺家奴蒙
恩賞銀十兩、馳驛齋回

御賜臣

圓明園養蠶內織花屯絹二件蜜漬鮮荔枝二餅到滇

又九月初一日臣家奴齎摺回滇復蒙

御賜臣蜜漬鮮荔枝二餅俱隨郊迎至署恭設香案望

闕叩頭謝

恩祇領訖敬啟前摺荷蒙

硃批朕安朕躬已大愈矣不必繫念也卿好麼朕此番已

愈后光景精神力量較前更勝卿料理地方諸務便
遲緩數載不妨矣不必急為措辦也欽此臣伏讀之

下、額手忻忭、繼以感泣、恭惟我

聖主御奩八年、無日無時、不以百官萬姓為慮、即

聖躬違和、亦所為何事、臣飲食寤寐、一有不繫念、是決死

天性、即賤于臣、愚于臣、而凡屬聞知、倘有不繫念、是

皆薄天性者也、惟幸鼓舞、臣病方已大愈、乃昨接鄂

爾奇手稟、知因直隸山東江南間被水災、蠲賑兼施、

日勞

宵旰、而雲南省、現又劣鎮僨事、烏蒙叛亂、自念叨任封疆、

并無一事、能仰慰

聖懷轉致塵煩

睿慮臣罪通天置身死地雖已調遣官兵立速援剿而三省重寄未便親師祈

聖恩立賜罷斥

簡命賢能大臣料理總督事務暫假臣以兵權俾親往進討臣雖不才必能殺賊擒虜以洩此恨以雪此恥謹繕摺扣差臣家奴齎

奏恭謝

聖恩附陳微悃伏乞

聖主睿鑒，臣謹

奏。

雍正七年六月十八日，雲貴廣西總督臣鄂爾泰謹

奏恭請

皇上聖安。

硃批：朕躬甚安，向來朕甚畏暑，今歲都中盛熱，而總未覺苦，飲食起居更好，諭卿慰念卿好麼。

同日又

奏為恭謝

聖恩事、雍正七年六月初六日、臣齋摺家奴蒙

恩賞銀十兩、馳驛齋回

御賜臣各種錠藥一匣、紗羽洋席芭蕉堆繡各種宮扇、共
六柄一匣、畫扇四匣、素扇二匣、各種香囊、共二十七
匣、桂花雕香一匣、黃紅絡手串四匣、各種香藥扇墜
四匣、抵貴陽、臣隨郊迎至公館、恭設香案、望

闕叩頭謝

恩祇領訖、敬啟摺扣、跪誦

硃批朕躬甚安好今歲飲食肌肉更覺增長健壯卿如
欽此又敬聞擇吉遣師先期告

廟頌

敕大祀既成

天日晴和氣象舒暢

聖駕大閱官兵人人感奮懽聲雷動臣不勝忻忭不勝踴
躍再雲南大理府同知佟世蔭回任過黔臣敬
詢

聖安據佟世蔭傳示世蔭跪辭之際蒙奉

皇上面諭佟世蔭你再細看：朕身體精神可好，世蔭回奏。

主子聖躬精神甚是安好，隨蒙

諭旨，你就將朕身體精神這般安好，回去告訴總督鄂爾泰，教他放心。以前朕聞得他因辦事過于憂勞，以致身子氣弱，甚不放心，教他此后惟遇緊要大事，親自料理，然亦不可過于憂思。凡夜晚辦事，最是傷人，務教他善體朕諭，以仰副垂注至意。欽此。臣爾泰敬聆之下，仰窺

聖慈氣咽泪流、莫能自解、伏念都俞喜起、古已稱難、如臣

遭逢、更何倫比、洵以臣子之名寔兼受

君父之生成、千載而后、猶且不朽、臣若有心惜身、即是悖

負、臣若有心不惜身、亦是悖負、今是冬春以來、血氣

充足、精神強旺、寔較前增壯、此僚屬所共見、務當凜

體

訓諭、節慎自愛、萬不敢于无閑緊要事、積憂耽勞、以致接

塵

聖慮、謹此繕摺、恭謝

聖恩伏乞

聖主睿鑒、臣謹

奏、

疏

覽仰奏謝矣、

同日又

奏、為奏

聞事、雍正七年六月初五日、新授廣東總督臣郝玉麟赴

任過點、臣謹遵

聖諭、罄臣所知、詳細講論、諄切勉勵、大畧謂廣東要地、逼

近海洋欲安民生必先靖賊盜欲靖賊盜在先飭官
軍聞各鎮總兵有因公上省者沿河賊船并不迴避
且以鎗礮遙逐官船官舡搖櫓飛行亦不敢駐問又
聞山賊哨聚人以千數并未懲創且賊案甚多十無
一結信如此是大可慮應將武弁中之貪劣庸懦者
亟行叅革以儆衆志凡振刷處務示以嚴厲而措置
處須出以周詳如果將猛兵強自必漸消潛避倘无
制勝之具而驟欲擒賊恐賊不能擒而先已損威后
轉費手矣其大小文員內才守兼優者料難多得須

先取其才幹。次論其操守。緣我能駕馭。即有才幹而滑者。亦可以濟事。我不能造就。縱有操守而迂者。其何能惠民。凡接見屬員。稟商事件。務虛心平氣。令各盡所欲言。庶得周知情形。以便裁處。姦貪者必不可留。粗直者切不可棄。雖詞氣溫和。却不離嚴整。先使人不可犯。而后次第條理。庶官民相安。而事易就緒。再地方一切施設。必先計可成。而后再奉。大學云。事有終始。而不言事有始終者。蓋事必慮終。而后謀始。故凡所始事。必終有成。彼論是非。不論成敗之說。猶

是為己私心。原未嘗關切民社耳。又如道千乘之國。首言敬事而信。豈有敬事之人。尚有不信寔之理。此信字。應作寔。賞罰必信。字看。即係果斷義。蓋每有敬事之人。惟恐錯誤。反致猶豫者。故為下一轉語。人嘗言明決。若臨事不能決。即明處亦是假。此雖似腐語。然于政治。却係本論。願交勉之。至于心術行止。全要自己檢點。可以自信。即所以酬

是。一切揣摩瞻顧。念頭萬不可起。福是自求。禍是自取。

聖心无倚著。惟達如所應得。幾曾見詭詐乖巧等人。得有
好處。我輩亦不須遠學。祇將前后一切

上諭敬錄一摺。常供案前。時時詳繹事。體帖。若將大小
輕重。寬嚴緩急。種種不同處。俱能看成一片。則立身
治事。自皆有定見。倘此時信不及。須用心數月。先理
散處。再尋總處。那時能入得進。便出得來。許多言語。
更都用不着矣。寺語却玉麟氣歛神悚。一一聽受。但
云任重事煩。兼少歷練。若不得深知素信之文武員
弁。相佐辦理。更恐耳目難周。擬懇請

聖恩准于滇省內帶往十數人、赴粵酌用、以資指臂、與臣

面商、伏念同係封疆、何敢少分彼此、伊業經摺

奏、應候

諭旨遵行、至廣東提督臣王紹緒、復奉

硃批、大聰明人、武弁中少者、朕一見賞目、所以不次擢用、

但柔善沽名、恐不勝岩疆之任耳、若肯破面、毫不瞻

顧、非不能之人也、著實寄字鼓舞之、欽此、臣已將前

後原由、向郝玉麟備言之、并密傳

聖諭、令伊到粵、留心訪問、試看如有不勝任處、即據寔

奏

聞郝玉麟已欽遵敬記。臣前已寄字王紹緒、剴切勸勉、茲復寄字、詳悉開導、痛切規責、去訖。郝玉麟共住八日、于本月十三日起程赴粵、約于七月望後即可到任、合併奏

聞伏乞

聖主睿鑒、臣謹

奏

硃批郝玉麟不但受朕深恩、當知奮勉、即卿此一番諄、

勸勉之友誼聞之而不動心自勵者除非木石心也
不但却玉麟歛神聽受朕觀覽之下亦不蹵躑躍生
歡矣前伊途中并起身時已摺奏數次覘伊立志甚
堅而主見亦甚妥協然必待伊到任后方見底裡也
一者閔其造化二者在朕之福量亦非可強求只用
人一節其苦其難惟

上天與朕

皇考鑒之耳

雍正八年十一月二十八日雲貴廣西總督臣鄂爾

泰謹

奏為勦除逆賊、疏通兩郡、恢復三關、各路報捷事。竊自
烏賊逞兇、堵塞各隘、截斷牛欄江、則與東川阻隔、截
斷伐烏關、則與鎮雄阻隔、截斷豆沙關、則與川境阻
隔、截斷大關、則凡屬烏蒙聯絡三省之界、俱為阻隔。
此聲息之所以不通、而凶焰之所以忽熾也。及烏郡
既復之后、雖奔逃四竄、寔各據要口。如牛欄江逼近
魯甸、正逆賊巢穴所恃為憑陵之區、故江內江外、分
布蔓延、兇鋒甚烈、猝難散解。至若三關均屬天險、懸

岩峭壁箐大林深失之雖易得之甚難至于撒魚河馬鞍山高魯箐等處各皆賊騎數千不時往來窺伺官兵初入烏郡時不過五千有餘僅敷彈壓難供掃除而川省則道路甚遙鎮雄則兵勢无多故于總兵哈元生則囑其少待于提臣張耀祖則催其前驅蓋通計大局東川緊連烏蒙而與東川接壤之尋甸武定宣威三府州最關切要自張耀祖統領大兵駐扎功山由功山前抵東郡沿途安台設站尋甸之路已通而武定則阻于畢古墳宣威則阻于者家海故于

畢古埧一路先之以遊擊王先繼之以遊擊曹士貴
者家海一路先之以遊擊紀龍繼之以遊擊范昉彭
之義各令奮勇攻剽使武定宣威兩處血脉速為貫
通而六營長九伙自則囑提臣分遣各官兵搜捕逆
寨內患既除外亂自靖然後直渡牛欄江連絡魯甸
庶皆可就緒臣前摺

奏至今已踰一月進兵之檄既晝夜頻催報捷之文亦
朝夕疊至續據遊擊王先由武定進兵沿路勦滅已
直抵畢古埧而遊擊曹士貴亦到畢古埧會合逆賊

聞風逃遁，進至大魯堂，分兩路抄上，逆倮弩石交施。官兵奮勇鎗礮齊發，打死賊人甚多，餘各星竄。十六日，招抚阿易路一帶苗倮民人，共一千二百六十八名口。又在紫牛坡查獲漢姦陳仕教等，解赴提督行營。俱經臬示。十九日，在小江口駐扎，聞有賊衆欲渡金沙江，往四川逃遁。行至多步可地方，隨分遣官兵前往搜捕。賊衆搶渡，漂流淹沒者十餘人，擒獲賊首祿配等，解赴提督行營。救出被擄漢人老幼男女二十四名口，隨給米糧，移交東川府安插。畢古堪既清。

而武定與東川之路通矣。自紀龍等進剿者家海而逆賊勢劣弱者皆求招安。強者各皆逃竄。時宣威州團集土勇千數百人。經臣准其効力。已抵者家海。進至牛欄江。于紅陡箐遇賊。持弩抗敵。土兵奮勇殺賊。并生擒賊首祿承爵之繼母。及男女二十名。而遊擊紀龍。范昉。彭之義等。先后拏獲祿承爵之叔。草舍火頭沙堪。及以勒索賊党。永利。戈客者卡。共二十七名。祿承爵之妻安氏。子阿六。及互補頭人麻色者。機直。補頭人沙卡。備卡。租等。共二十一名。又過牛欄江。至

直補箐官兵密分四股、一各進攻、鎗礮打死賊衆大半、餘皆奔逸、至草舍火頭沙坦、前拏獲時、因勒令拏賊、故暫且從寬、至是率孫祿元龍到營、出首阿固祿承鼎、管下夷人你布等、并阿固火紅等處逃匿逆党、求賞員押往擒獻、隨差弁押同拏獲男婦大小、共六十五名口、及牛馬等物、并擒以勒寨頭人阿迫、阿樹福壽、俱係祿承鼎死党、又據可、夷人戈色報、有猓羅機、草杭則、今來投誠、訊供祿良珍家口確實所在、隱密差官兵前往、押令杭則引路、四面圍擒、共獲男

婦大小一百三十五名口。又救出难民五人。又復查得阿得六壘。離者家海百餘里。有逆党潛藏。即帶領官兵直抵賊壘。遇賊拒敵。官兵施放鎗礮。賊衆四潰。是賊首祿承爵。雖同祿良珍等逃避。巧家營尚未就擒。兩路官兵早已會合。則宣威與東川之路通矣。宣威武定兩路既通。而逆賊巢穴各宜掃靖。查東川四五等日。帶領官兵前往黑魯搜剿。途遇落水洞民人來報。有賊搶擄男婦牲畜前去。即尾追至那姑。有賊五六百人。前來迎敵。我兵奮勇殺賊。救回男婦一百

七十餘名口、牲畜百餘、賊衆沿山逃竄、隨分兵二路進勦、追至法杭、見賊營盤十餘處、隨即圍裏攻、蹋賊營、殺死百餘人、生擒二十餘人、俱斬首懸示、至于釣結逆猱、截江邊者、則有阿固、火紅、以拉等、賊乃遣遊擊韓文鵬、守備李國柱等、進勦、據報、十月十七等日、帶領官兵、由阿固入火紅、拏獲漢姦首惡一名、張蹶、隨搜馬纓、着斬殺其賊人甚多、奪回难民八十餘口、牛馬猪羊無數、又有火紅頭目祿承貴、自行來投、引至巴兔海、收窩寨內、拏獲頭人一名、沙奴、并阿固、祿

承鼎之弟阿的虐查張蹶：素性凶惡，聞烏賊悖叛，即率領東川猱賊大肆猖狂，沙奴係祿承鼎親信頭人，罪大惡極，隨解提督，即將二犯釘手秤桿示衆，軍民稱快。其阿的虐現監禁行營候審。又據分遣千總劉蔭祖等帶領兵練由巴兔一帶山箐躡搜，斬殺拒敵黑猱一十四名，搜出大小男女四十七名口，并牛馬猪羊皮盔馬棉弩弓長條等物。又據以扯苗寨頭人長命報稱有凶苗老三野等十名，会同烏賊刼殺東川塘兵，現將搶擄兵丁各物收存，隨經拏獲男

婦三十五名。只隨將凶苗等訊供確實。即行梟示。復帶領官兵。自以扯起營前進。巴鬼地方。查有石土庫。黑獐。附和烏賊。殺人行凶。隨往躡搜。賊衆各來拒敵。官兵奮勇。斬殺一十九名。其餘滾箐脫逃。擒賊男女三十九名。口搜獲牛馬猪羊并漢人衣鞋等物。各訊確供。俱稱祿良珍、祿良臣、祿良宰、祿承爵、祿天錫等。皆逃匿巧家營。臣查巧家營地廣獐強。又緊連川界。素稱賊衆。自東川官兵各路搜勦。賊首祿良珍等。无可踞守。遂皆奔巧家營。欲逃入川。賴川省官弁一道。

臣檄沿江堵禦、不得潛遁、而提臣派往官兵已三千四百名、若令進剿、早已擒獲掃靖、奈遲疑觀望、僅著落該頭目擒獻、准其贖罪、以為安策、臣料賊係緩兵之計、恐致遠颺、因往檄諸將限日攻擒、而諸將既奉命令、不得不候示、乃隨據稟報、賊衆已潛匿各寨、已搬空、願甘擒獻之頭目、亦并无消息、張耀祖見臣言已驗、始飛檄合攻、雖諸賊首斷不能漏網、而機已洩、時已廢矣、况東川一日不清、張耀祖一日不能過江、烏蒙一日不寧、諸夷一日不能息心、滇黔四西苗獠

愚者皆懷隱慮、而張耀祖動念不及此、殊不可解也。
臣備悉情狀、恐并悞烏蒙、隨飛咨嚴催、令于東川一
萬二千名內、先撥四千名過江、聽提兵哈元生調遣。
于十一月初一二等日、始派三千兵過江、至今尚未
足四千之數。查烏蒙既復之後、哈元生營兵、實不足
六千、即以一支部、遣叅將康世顯、由魯甸至牛欄江、
以接引東川、以一支部、遣遊擊曾長治、由龍洞山至
法漏壩、以接引鎮雄。臣因其胆勇過人、或恐失之躁
率、經屢檄切札、囑以深入尤宜嚴防、大勝勿忘小挫。

奇兵不可屢用。險事不可倖成。務候東川兵到，再圖會勦。苛語嗣據康世顯具報。十月十二日，帶兵至高魯，十三日抵魯甸。凡經過村寨，賊皆逃竄。只搜出裸賊搶去五子礮一位、校鎗十二桿，并鎮兵盔甲，俱已被賊損壞。救出原任烏蒙遊擊張鶴之妻與子，并兵妻數十口，逃難男婦五六十口。十六日，已抵牛欄江。令守備徐國佐帶兵搜勦，進至補多地方，遇逆賊七八百拒敵。官兵奮勇殺死逆賊百十餘人，斬首級二十餘顆。隨令徐國佐監造木筏，搭設浮橋，更遣把總

楊旭帶兵三百名直抵東川府城迎接提督是東川
官兵料可以徑渡矣又據曾長治報稱十月十六日
帶兵起程至龍洞山十七日抵法漏后壘逆賊滾木
擂石堆積如山矢石頻施官兵冒險攀援直上施放
鎗礮打死逆賊十餘人賊勢大潰隨星夜于下江搭
造橋梁以待會合而鎮雄官兵早已遙應凡此固諸
將之奮勇寔哈元生之效忠較之東川提鎮猶未可
僅以強弱論也惟是哈^元生行營地勢甚危兵力尚單
不知內顧一意前驅乘康世顯曾長治之勝乃復前

后分遣三百兵令遊擊王弼巡遊近地又遣官土兵五十名令外委土目某運糧魯甸又遣八百兵令千總蔡之斌陳策等搜捕江邊以致王弼欲擒逆賊貪功深入陣亡于高魯寨損兵百餘外委所帶運夫被截于馬鞍山損人二十此即躁率之過亦不得為哈元生寬也而遣往江邊之八百官兵于十一月初四日由魯甸一路巡抵江邊復回至魯甸對面之五顯樹遇逆賊五千名官兵搶据山梁賊衆四下圍繞正在相持之際適有臣催調過江之遊擊曹士貴王先

等、于初四日、自大得紅進兵、已抵魯甸、聞有鎗礮之聲、即催兵前進、隨一齊奮勇、裡外衝殺、賊衆大潰、我兵跟追至草海子地方、殺賊百十餘人、而烏蒙應援之兵亦至、竊查魯甸係首惡之巢穴、牛欄江實兩郡之咽喉、是以臣咨札提臣、催兵速進、甚詳甚切、至再至三、向使過江官兵、但遲一日、不及應援、則八百漢土官兵、縱極勇敢、亦豈能當逆賊數千、而張耀祖聞報始、謂臣籌慮周詳、嚴催迫江、適逢其會、撫臣司道見者皆笑之、而深鄙其老師玩寇、忠義之死存也、今

張耀祖過江元日哈元生已于十三日分兵六路搜
勦烏通苗副將徐成貞防守大營現據徐成貞報稱
大兵既進恐逆賊狡猾反由擦拉松林一帶出沒滋
擾因于十五日戌刻密遣烏蒙把總施弘義等帶領
官兵潛伏撒魚河隘口埋伏堵擒至四鼓果有賊衆
二百餘人持掛刀弩長條暗出松林一遇我兵即行
拒敵我兵截殺裸賊數十人帶傷陷入擦拉海子死
者十數人餘皆奔潰又據副將楊馥遊擊曾長治等
報稱十四日由普折槽大箐進剿所經道路約八十

餘里，僅羊腸一線，凡緊隘處所，賊皆將木石截斷。官兵于箐中另開路徑，攀藤附葛而進。將至白卧地方，有賊衆前來拒敵。官兵奮勇鎗斃打死賊四十餘衆，潰敗，隨追至白卧寨，四面搜拏等情。又據哈元生報稱，自十三日起程，至撒魚河駐扎，賊皆逃散。十六日，自撒魚河跟踪搜箐，抵小涼山，止見賊營數十處，并无一賊。十七日前進，有逆賊空寨，烟火尚存。所宰牛羊并糧飯等項拋撒過半，隨追至大梁山扎營，灑至離營五里之內，接連切黑蘇寨后，一大深箐。口扎

木城五層堅固難破，隨造硬挽牌，抵挽弩矢以近木城。十八日，先遣土目安疆寺率領阿底土兵，撐架挽牌攻進，隨用鉄礮點火，拋進賊巢，声响如雷，礮殺逆賊五人，餘衆獸奔。山谷震動，我兵尾后追殺，逆賊仆岩滾箐，併帶傷及死者，難以悉數。寺情是兩路官兵聲威大振，其餘四路諒即報捷。東川聯絡鎮雄會合烏蒙逆賊，料自不难平靖矣。再鎮雄一郡早已寧帖，附近各寨俱經剷除，節據叅將韓勲具報。前據土目憂虐報稱逆目施額寺賊剷戮未盡，復勾通烏賊招

結鎮屬夷良逆目作叛，即帶領官兵星赴賊巢，施額賊黨知覺，逃竄，復追至河邊，多已過河，僅殺賊二十餘名，獲烏鎮所失盔二頂、鎗三門，隨焚毀賊壘，起程沿途撲滅逆標村寨百十餘處，至華洛箐內獲賊男婦二十餘名口。十月十八日，前攻法漏壘，會合曾長治及至法漏，曾長治已勦賊先回，隨于二十日自壘起程，由戈魁阿路一帶至銅廠溝，搜擒男婦三百餘名口，并獲牛馬牲畜等物二十四至二十九等日，搜擒賊標男婦一千五百餘名口，并獲牛馬牲畜無數。

招安得阿度阿庇抹得罵色措洛罵色及阿布洛澤
寺暫羈行營三十日已破伐烏閑又前分遣之守脩
馬騏自奎鄉起程直抵渣多巢穴據土目憂虐引路
擒獲渣多惡黨阿東母黑魯所阿阻共四名尽燬賊
寨在以洛扎營又離行營四十餘里有灼佐壘乃渣
多洛澤阿路阿布寺逆賊出沒之所壘上現有逆賊
數百聚集隨連夜帶兵三路前進活擒逆賊一百二
十三名賊婦子女一百九十四名口又巡至戈魁河
掣獲一百三十四名口又前分遣之守脩李守祿由

右路大支渠、搜擒阿路羽黨、亦獲男女一百餘名、口
牛羊牲畜數十支、已至伐烏閘、與官兵會合等情、查
伐烏閘係大閘之外衛、與甕迭壘相近、伐烏閘既破、
大閘斯可進攻、然烏逆賊衆皆嘯聚大閘、合力攻守、
猶難遽破、經韓勲密查甕迭壘逆目祿鼎新、現住洗
馬溪阿業家、阿業并收養大閘寺處兵丁、以待招抚、
乃密差千總譚盛元、協同土目葛虎、前往偵探、回營、
招得甕迭壘逆目祿鼎新、洗馬溪土目阿業、黃水塘
鄉約符子章、并帶回所保民人家口、并雄魁甕迭馬

湖等處客民三十餘人到營、據稱叛孽係大崎、肱固、固祿、世昌等逼令起兵、而黃水一帶村民皆无反意、初阿業聞信、即率伊子祿萬全、保護官兵客民、不敢從逆、并千總王家彥付以養活兵丁家口銀二百兩、亦原封存貯、俱係實情、等語、查逆賊祿鼎新係祿鼎坤之胞弟、即阿業情偽亦未可遽信、然因其授首、暫且羈縻、以取甕迭而進大關、亦殊計之得、韓勲乃准其招安、隨于初四日、先遣官兵占踞甕迭坵、其時川兵已駐扎豆沙關、并可為遙應、于是進兵黃水河、分

派守脩王應熊等由麻柳河進攻大關之右、守脩李
世祿等由呢勒進攻大關之左、韓勲親率守脩馬騏
等由葫蘆口進攻大關之中、又各遣千總譚盛元、帶
願土目憂虐等、于先期由地瓜坪潛透老林、至雄魁
腦、以抄大關之後、進至深溪溝、官兵會合、四面交攻、
立破賊營、排柵五層、殺傷無數、賊衆大潰、隨克復大
關、占扼扎營、時川省官兵亦于初六七兩日、攻破小
關、占據鉄線溪沱地、不約而同、誠可慶幸、等情、臣查
大關為一郡之鎖鑰、寔三省之樞紐、川省遊擊李繼

經等奮勇協力，久欲進攻大關，以賊勢甚衆，未便輕率。今川滇會合，大關已破，則三省之血脉皆通，四路之聲威齊振，不獨永善一縣計日可復，而烏蒙逆孽寔不难淨盡根株矣。至于川省調兵，先經提臣黃廷桂一面聞信，即派遣官兵于筠連雷波等分界派堵禦，及臣咨到后，又節次添撥官兵丁于鎮雄會川等界，以為應援。而署督臣查郎阿、撫臣憲德皆飛檄嚴催，一辭閤切。自十月初旬，守備王敬簡已抵雷波，及節次准拋川省咨報稱筠連縣小埧河西獮賊二百

餘人將篋縛竹渡河，后有續到，不知其數。賊既過河，去筠連僅三十餘里。筠連向无城郭，止有李繼經兵，恐賊衆難禦，又稱猺賊將約同凉山一帶衆夷來搶雷波，又稱猺賊渡河已抵高縣邊界，迫近筠邑。又稱檜溪蠻夷狂悖，殺害阿興土司安永長，燒燬房屋。雖有遊擊王谷率帶領兵丁應剿，尚慮兵單，且雜谷土兵未到，等情。臣查得川省督撫提鎮諸臣雖派遣官兵土兵丁六七千名，應援堵禦，但程途遙遠，一時不能遽到。現在李繼經王谷率等實係兵單，若遽令深入。

則川境可虞。況烏郡既經恢復，恐逆賊勢窮，或將渡江入川，故權其緩急，隨飭各負所川兵應先清川界，并嚴堵烏夷。俟川界事竣，再聽調會勦。至東川官兵已有萬餘，即川兵到日，亦只須于江外堵禦，不須渡江。等因。去訖。續據川員各報，遊擊李繼經已克取豆沙關，遊擊康國泰已搜勦會通溪，遊擊王谷宰已克取撒水壩，并分遣提標鎮及龍安普安、阜寧營千把兵丁克取檜溪之大關口、小關口及七勝關口，并復連取黑鉄寨、六合寨等處官兵奮勇各有擒殺，并

獲刀弩鎗標及牛馬米谷等物遂尋獲土司安永長并妻王氏及子女屍骸又安永長代華夏姓及子之尸骸俱交永安長之弟安文俊領回收殮于是川屬之筠連高縣均已寧靜而遊擊楊澤厚汎接東川領兵剿堵已抵金沙江邊見有潛逃過江之猺賊約有千餘官兵奮勇鎗礮打死并滾岩落水者不計其數生擒男婦二百餘人并獲牛馬猪羊弓弩腰刀等項甚多又據金川營遊擊張榮具報擒獲東川竄賊盡悉造叛刼廠情由緣現在進勦不敢擅解俟將渠魁

擒獲之日另報等情。臣查川省官兵雖各為邊界而
齊心協力殊不減于滇黔。川提臣黃廷桂速調勤籌
惟恐遲悞則轉甚于本省提臣張耀祖至楚姚鎮提
兵官祿退縮姦狡事難枚舉不但為提兵哈元生及
奮勇之將所不齒即肝胆脩并血氣兵丁亦皆有後
言此皆兩省文武所共知共忿。臣固不敢少為隱諱
以博寬厚者也。竊思烏標之變脩極凶殘侵犯各邊
擾動三省猖狂寔甚驟滅殊難仰賴

聖主仁威將士効力漢土同心故恢復郡治不及二旬克

取三關、總經兩月、今雖東烏群孽尚未盡剪除、而合
剿分搜、摠難漏網、即永善一處、差為竄遠、前已據該
縣夷民呈訴、并未反叛、俟官兵一到、應即懽迎、合看
情形、似可無煩

聖慮其川屬之黑、骨頭蠻、惟沙馬之女土官尚知約束、此
外如阿驢、阿都、阿布路、以及涼山各處、直至腊汝窩
一帶、率多凶頑、難以馴服、據臣愚見、或于適中之竹
墨地方、安設重兵、并分布營汛、俾與附近鎮營聲息
相通、以示彈壓、如有現應懲創之處、趁此兵力于檄

撤凱旋時、隨帶清除、庶一舉兩得、于川于滇、皆可免
后患、但事關重大、尤須熟商、擬俟烏蒙諸務、一有頭
緒、即密扎黃廷桂、囑伊妥計、作何料理、聽川省諸臣
運籌、臣當盡心協辦、是否有當、恭候

訓旨遵行、至于臣忝荷

殊恩、限于才力、于親轄邊夷、尚不能安輯、何顏復向隣封
更言兵事、獨以寸心微願、惟我

慈父鑒憐、若動念利害、少顧嫌疑、即是悖負、恐无與于人
倫也、除俟逆首就擒、凶党盡戮、即將剝抚緣由、傷亡

名數、分析詳叙繕疏

題報外、所有勦除逆賊、疏通兩郡恢復三關各路報捷情形、合再奏

聞、伏乞

聖主睿鑒、再事緣軍務不敢太略、詞過冗瑣、合并聲明、臣謹

奏、

硃批、所奏情形、朕皆備悉矣、

雍正八年十二月十七日。雲貴廣西總督臣鄂爾泰

謹

奏為恭謝

聖恩事。雍正八年十二月初七日。臣差報捷軍前守備段

福家奴七斌荷蒙

召見賞賜馳驛齎回

御賜臣內織寧紬四疋。人參一觔。哈密瓜四圓。鹿尾六支。
鹿膀二付。鹿肉一簍。野雞十支。晾肉（羊）一簍。抵滇隨
郊迎至署。恭設香案。望

闕叩頭謝

恩祇領訖臣敬詢

起居備悉

天顏和悅精神煥發寔不勝懼忭額手稱慶及啟摺扣荷

蒙

硃批朕躬安好聞卿烏蒙報捷恢復心神暢悅額慶之餘
更增安適矣想卿近日必大愈如常精神復初也欽

此又

批凡此寔皆无能不及一時昏愚之所致當自省黽免况

萬里之外似此存心何益之有徒自苦耳殊屬不必
愛身二字莫要于此除此之外便奮志亦不能免背
負當銘刻志之欽此臣跪讀之下如覲

慈顏如聆

天語感幸無似繼以涕零實有不敢卒讀不能卒讀者遭
逢至此復有何言伏念奮志只堪供職愛身斯可酌
恩背負論心馳驅緣事此中通窒分量限之臣無能不及
未窺理要之處自省殊多固平日識見之差誠一時
昏愚所致竊蒙

慈訓諄切開明惟當終身銘刻。黽勉上達。若既知如何是
背負而猶不能改過。是尤背負之甚者也。至臣微軀
偶恙。自十月以來。早已全愈。復初。近日精神尤覺加
倍。況烏蒙業經全復。目今通局大定。而雲貴兩省風
日晴和。氣象舒暢。遠近豆麥青葱。春熟可卜。且于本
月十二日。已刻省城慶雲復現。迥異尋常。軍民懽欣。
莫不踴躍。臣仰窺

天心深感

聖德。心悅神暢。日且加餐。懇祈

慈鑒、勿為臣塵念。臣于萬里之外、即魂夢俱安矣。再臣家

奴輩、全無知識、且甚糊塗、屢蒙

召見面諭、恐怖之下、多不能記述。臣雖細体

聖意、詳問敬錄、知猶多錯謬、不勝惶悚、合并陳明、謹此繕

摺、恭謝

聖恩、伏乞

聖主睿鑒、臣謹

奏、

覽、仰奏謝矣、

同日又

奏為覆

奏事雍正八年八月初二日奉到

硃批所論甚是但朕于此等處寔有所不忍卿可將朕意
與卿之意詢問元展成必使伊得遂其情而朕心始
安也或令暫來引見就便見伊老親之處與伊商酌
奏聞若往返不致曠日愈妙欽此臣讀至寔有所不
忍及必使伊得遂其情而心始安等

諭誠以天地父母之愛擴萬物一体之仁求諸史策君臣

之際逾于家人父子、不欲令臣下稍有不遂之情、生民以來、實未之有也、臣爾忝感

殊恩之頻加、痛雙親之不逮、心動神愴、不禁泣下、隨

敬錄

聖諭并抄摺稿、傳示元展成、令其商酌、據寔回覆、去后續于十一月二十一日、據元展成覆稱、接奉

諭旨、荷蒙

聖恩、聲淚俱咽、莫可名言、展成此生、即捐糜頂踵、亦不足以仰答

高厚今准十一月中專差家奴進摺陳情即取道靜海迎
養老親寺語臣念粵西地方兩載以來互思整頓諸
事漸有頭緒該司具有肝胆才亦通達且抚臣金鉞
與之和衷不致互相爭執僚屬皆相信服可以效收
指臂而目下開墾一案業奉

聖旨俞允將來一應事宜必須寔心料理之員指示調劑
籌畫稽察庶與

國課民生斯有裨益元展成既擬專差迎養似并不必
令其來京引

見且聞伊父身体康健。板輿到署。家庭懽聚。并得親見伊子之黽勉。

王事不以私恩而廢公義。伊父子之情必皆倍加暢遂。寧可以上安。

聖心也。謹繕摺覆。

奏伏乞

聖主睿鑒。臣謹

奏。

如此甚好。前者元展成亦已具奏。接伊父來任矣。

雍正九年四月初九日、雲貴廣西總督臣鄂爾泰、
謹

奏為恭謝

聖恩事、雍正九年二月初九日、臣齋摺家奴蒙

恩賞、齋回

御賜抵滇、回隨郊迎至署、恭設香案、望

闕叩頭謝

恩祇領訖、跪捧摺扣敬詢

起居、備聞

聖躬康強精神暢悅又聞

聖駕親行祈谷日瑞雪繽紛氣象和藹并前數日俱降微雪預兆豐亨臣踴躍忻忭莫可名言欽惟我

皇上敬

天勤民眷注不遺萬里而

至誠妙應昭賜先自京畿據來滇人員及臣家奴口述自

出京直至河南俱得大雪農民慶幸湖廣貴州豆麥菜子俱盛而雲南全省冬雪春雨遶近沾足二月內蚕豆上市三月內大麥菜子登場現在小麥收割過

半而稻秧已甚青葱。臣親歷郊外見田家男婦翻泥放水行將栽插各有喜色。謂又是豐年。此

天心之仁愛寔

聖心之感通。慶幸无似。做惕彌深。誠恐稍有乖戾不能為承受地。致累茲蚩氓耳。為此繕摺恭謝。

聖恩伏乞

聖主睿鑒。

臣謹

奏

覽卿奏謝矣。期共勉之。

同日又

奏為奏

聞事、竊照古州地方、自勦平擺調方勝等寨、隨經摺

奏在案、嗣后通查各路、如八寨、丹江、清水江、諸葛營等處、氣象殷繁、人情和樂、商賈往來、已如內地、惟定旦來牛二等、原係苗外生苗、因收附未久、兼未經嚴勦、故附近各寨、習染未除、仍每有伏草傷人、偷牛盜馬等事、又滾踪一處、地勢險窄、巢穴堅固、重排柵、扼要紆折、且鎗礮齊備、瞭樓高三五層、不特屢示招徠、

不肯受撫，是滾踪不除，定旦來牛不懲，恐苗衆効尤。
終難圖寧帖。隨經臣嚴飭鎮將，密示緩急，期必在勦。
毋許支飾。前據總兵官蘇大有，派遣官兵進剿滾踪，
屢攻難破，互有損傷。時因烏蒙有事，曾囑令少待。續
據報蘇大有病故。臣恐苗賊乘杙勾結，必逞兇頑，又
或以兵力勢難并舉，必懈抵防。遂一面委副將董芳
署理古州鎮務，撥兵速剿，一面差本標千總李枝連、
齎臣存餘銀四千五百兩，星赴古州宣傳。

聖恩分賞兩省官兵，以示鼓勵，并令親看攻剿情形回報。

李枝連既到于十二月十九日。密傳臣令各令協力
齊攻。黔副將趙文英帶領守備弘道等由左路。粵
副將潘紹周帶領都司鄧文逵等由右路。又派遣官
兵分兩路堵截。俱于四更時分前進。每路各有兇苗
數百。幫助滾踪。以襲我兵之后。被埋伏官兵四面齊
起。分追截殺。賊皆奔潰。趙文英率領官兵連克左路
險。閔教道乘勢大進。直搗滾踪賊巢。潘紹周帶領官
兵翻山越箐。連克右路險。閔教道從滾踪后山直上。
攻打賊巢。左右兩路相隔十有餘里。苗頑亦分兩路。

拒敵。于是各領官兵，併力攻打。至辰時，會合直至未刻，脩弁兵丁，爭先鼓勇，兩下夾攻，遂破大寨。鎗礮打死頑苗甚衆，帶傷者無算。當將賊寨巢穴，焚搗一空。日暮回營。隨于次日，有苗衆投誠，願繳鎗械，懇請招安。該付將寺因暫緩搜剿，據差往千總李枝連回報。并董芳、趙文英、潘紹周各詳報前來。又于正二月內，節據付將卜萬年等報稱：來牛定旦寺寨各頭人陸續到營，呈繳鎗械，造報戶口，情愿納糧當差，永為良民等情。臣查滾踪苗衆，狡悍異常，又非定旦來牛比。

雖此番懲創已震軍威然家口預藏餘孽潛匿所繳鎗械又復無多若驟准投誠終不能寔心內向况時值東作或苗頑恐悞春耕故為緩計亦未可知隨經嚴檄董芳等務將滾踪惡類盡力搜擒毋任漏網然後將來牛定旦各頑寨相其誠偽次第清除毋得率混去後嗣據董芳報已派遣永寧營叅將施元善總總官兵会同趙文英進勦滾踪于三月初一日抵賊巢右嶺初二日移營左嶺既抵滾踪隨有逃避苗衆暨附近滾踪之高烏邦受等各寨苗人跪接哀求情

詞迫求切、該將等未忍加誅、茲于三月十四日、有滾
踪苗八十餘名、各寨苗四十餘名、齊赴古州鎮衙門、
悔罪乞降、納糧繳械、咸稱願予自新、永作良民、共繳
鎗刀三百餘件、未到者仍令續繳、賊細詢軍前各員、
俱稱寔係輸誠、并非飾說、是以准其安撫、其定旦一
帶有平字遮擺等一十九寨、苗頭六十餘人、齊集定
旦營后、共合大款、重申誓詞、願永作良民、并保固來
牛、以至諸葛營道路、其來牛一帶沿江各苗、皆已抒
誠向化、至兩江上下各寨苗民、稍有頑梗者、盡知悔

罪從前觀望者皆懇當差目下光景實屬寧謐可以
指日撤兵奉諭料理殊易完結等語臣查古州等處
實千百年化外之區疆域二千里地險苗強料理原
屬不易即成敗遲速固皆可以情寬惟是治苗之道
首貴乎信之為仁勇資焉故威不立則惠不從勸
不嚴則抚不定殺活皆以誠告力即可以服心籠絡
全以術行智亦不能終事凡此大要人所共知如果
寔心實力實勸實抚絕去欺朦一無粉飾則事或不
舉而舉必有成事或不成而成必可久願或意在邀

功抑幸免過不欲徹底澄清。曰而藉端捏混是不終日之計。何有十年之籌。不信之至。必至于負。

國尤無論身名矣。是以臣于黔省料理苗疆諸文武日益嚴切。瑣瑣諄諄。即于撫臣張廣泗亦并不敢稍有寬假之辭。實自勉願共勉也。今古州大局雖據報平靜零星數寨自不难料理。然功戒垂成。事防既定。是否確實猶難深信。張廣泗現擬親往古州再行查勘。臣復面囑韓勳札囑董芳并切諭諸將務將善後事宜熟籌妥辦。不得少有支飾。并将新擬設營添兵各件。

會議速詳以憑酌定具

題請

旨外所有據報勦撫滾踪各處情形合先奏
聞伏乞

聖主睿鑒臣謹

奏

覽

同日又

奏為奏

聞事竊以烏裸叛亂蔓引鈎連、庸懦震搖、民夷惶惑一時
情形、實有猝難撲滅之勢、迨韓勲一戰而大挫賊鋒、
哈元生再捷而已、寒賊胆、恢復烏郡、而賊盡狂奔、收
克大關、而賊皆逃匿、東川官兵會合于魯甸、而賊无
可藏身、四川官兵會合于永善、而賊難以託足、且涼
山鼠壘、盡搗各處窩巢、牛欄金沙、遍搜二江內外、不
獨賊子祿萬福、賊弟祿鼎新、自迫阿得等、皆已擒縛
囚解、并烏蒙倡逆之兇目、庚沮西戈、補卧切黑、窩龍
山甲、高魯維業等、魯甸倡逆之兇目、段良伯、胤壽

長段璠李六斤奔莛等鎮雄倡逆之兇目、刷刀法漏
者約等、阿底附逆之兇目、黑寡構雄等、東川發難之
兇目、祿良珍祿良臣祿良宰祿天錫祿君錫等、川界
搶廠之兇目、祿良貴祿良相等、以及各路大小頭目
无不或斬或擒、殆无噍類、計前后擒拏解省之逆目
要犯共四百七十名、逆犯眷屬共一千餘名口、尚有
已獲未解者、應俟解審、招詳到日、一并親審具

題、此外未獲逆犯、尚有四五人、現在四路嚴拏、所有
三省陣亡帶傷及奮勇官兵、現飭分晰查造、恭候奉

到

恩旨、送部查核、臣已于正月后陸續將雲貴土兵通檄全
撤、烏蒙酌留官兵五千四百名、東川酌留官兵一千
五百名、暫備彈壓搜緝之用、其餘官兵亦盡行撤回、
四川漢土官兵并咨提臣黃廷桂、僅于江外要隘酌
留堵緝、餘悉撤回、其營制兵數、田土城池應如何添
設、開建及一切善後事宜、容臣慎重詳籌、分疏
請

旨、仍一面辦理、不敢延誤、業于三月二十五日恭疏

題報在案續批各員稟報、拏獲東川逆目七里阿虎、并賊眷五名、口烏蒙逆目切黑蘇甲、并賊父母妻子兄弟十八名、口、又拏獲烏蒙要犯阿慮等六名、魯甸要犯者捕等十六名、東川要犯戈則阿各等五十三名、所有要犯眷屬俱已解省、一併發審、此外未獲、止有烏蒙逆目擦拉箴所大木那、鎮雄頭目施額、東川女頭目安氏、業經嚴檄四路查拏、總之凡屬頭目、俱應剪除、斷難令一名漏網、即罪不當殺、亦必須遷徙、庶既盡根株、斯可絕萌孽、况此番反覆、備極猖狂、若非

仰賴我

皇上精誠惕厲上格

天心乘勢運機皆如默助縱以哈元生韓勲之效忠將脩弁
兵之用命求如此速捷死論諸文武不敢料百千萬
人皆知有不能臣寔深感激倍切儆省倘復以事已
大定狃于俗論稍存姑息不為邊方百年計則辜
負

聖恩死異于劉起元官祿并何異于祿鼎坤故自始事至
今或謂過于嚴急或謂近于殘刻臣皆不遑恤鬼神

鑒察惟期勿欺衾影已耳。所有續報情由合再奏聞伏乞

聖主睿鑒。再現解省審擬之逆首要犯及賊黨賊眷計一千餘名。罪應凌遲斬絞充戮。遷徙不弔。若必待具

題后候部議覆奉

旨准文到日。然后發落。既恐多病斃。不獲明正典刑。且日久事畢。群情漸忘。亦无以快人心而震苗獮。可否仰邀

聖鑒、准臣一面具

題、一面發落、合併請

旨、恭候

批示遵行、臣謹

奏、

有旨諭部矣、

雍正九年五月二十六日、雲貴廣西總督臣鄂爾泰

謹

奏、為恭謝

聖恩事、雍正九年四月十一日、臣齋摺家奴、齋回

欽賜臣

御書單條一幅、對聯一付、新織花樣絲布四疋、抵滇、臣隨郊迎至署、恭設香案、望

闕叩頭謝

恩、祇領訖、臣盥水手、莊誦、注目諦觀、曷勝敬仰、曷勝忻忭、

恭惟我

皇上、

天縱多能、

日新富有

萬幾餘暇。舞龍鳳于毫端。

十指轉旋。散珠璣于紙上。斯固

聖藻之超前軼後。而尤臣心之遂願移情。夢寐瞻依。捧

宸翰之輝煌如傍

玉皇之香案。山川間隔。睹墨花之璀璨。恍覲

慈父于龍墀。仗尺素之雲烟。為近

光之。日。月。

頒來萬里。不違咫尺于

天顏傳去千秋永，貽奕葉之盛事，載吟

睿製，見天地之同流，敬繹

王言，識動植之咸若。遮橋柳線，絲絲剪出春風；夾道榆陰，樹樹苞含膏雨。翻空麦浪，仰窺

帝心之眷注；惟在鑿井耕田，濺水池珠，伏思

聖學之高深，早徹鸞飛魚躍，隔林鶯舌，聲唱太平之歌，拂

水柳花，點成熙皞之象，樂兆民于海宴，豈止

輦路塵清，示庶戢以天和，常見

御園景滿，寶此鸞翔鴻戲，更重于琬琰珪璧之珍，聆茲

大呂黃鍾何殊于鼉玉敲金之奏懸諸堂上如傳關
里之書

賜出天邊更得金閭之芋荷蒙

聖主以錦字當華衮之榮矢願微臣以尺布佐九州之被

謹此繕摺恭謝

聖恩伏乞

聖主睿鑒臣謹

奏

覽卿奏謝矣

同日又

奏為覆

奏事、竊照廣西布政使元展成、前請以分發進士、派交各府知府學習一摺、荷蒙

硃批、與提撫商酌為之、若意見相同、應請旨可具題來、欽此、欽遵、錄示到臣、謹按、欽奉

上諭、以今科中式進士、分派各省藩臬衙門、令其學習三年、即于所派省分、試用補授者、正以藩司衙門、為一省錢糧之總匯、臬司衙門、為一省刑名之總匯、但能

用心學習、三年必有一長、于該進士大有裨益、即于該省分大有裨益也、茲據元展成奏稱、通省政事、雖出于藩司、要皆摠攬其綱領、與州縣官親民者有別、且收放錢糧事有成規、可无容學習、再命盜案件、例由州縣解府審詳、到臬司衙門、已屬成誠、即有供情未協、亦仍駁回府、其民間細事、非臬司逐一親理、若令入藩臬署內學習、又與內幕相親、亦恐滋弊、是分派各省進士、不如于知府衙門學習之為親切、等語、臣查一應事件、无非情理、守正持平、端視大吏、故宣

化為藩、不止司錢穀、弼教為臬、不止司刑名、此外省
樞紐之地、實觀政者之準的也、若不令學習于藩臬、
轉令學習于知府、是猶使觀水者、舍江河而就溝渚、
其能識源流者幾何、臣愚以為分派學習、除藩臬衙
門外、督撫糧鹽道衙門、亦應酌派、總在省会、易于觀
摩、似不必分派各府、轉不能時常接見、无以試驗其
優劣也、惟是有教斯有學、有傳斯有習、并非止于陞
堂片時、令其侍立靜聽、而即可望其知能、或問發一
案、令其擬看、或故作一問、令其裁答、或實指一事、令

其條陳或虛設一疑令其剖斷或差令查勘或委令督催或間論夷情或詳說地勢就其言論觀其才識指示是非改正錯謬如此三年庶學習進士或可半有成材至于學習署內恐與內幕相親將來滋弊此事惟在本官即如書吏未常不在署內與內幕隔別原不得相通作弊不作弊亦豈限于署內署外各衙門二堂以外儀門以內但擇間房二三間即可為學習之所其日用薪水應酌量資給俾无窘迫庶益奮興臣于分發雲南新進士九員內將一等次等者派

往撫藩衙門學習。又二次等二員在臣衙門學習。仍不時傳集。合考其所學。分別勤惰。以示勸誡。在各省各有不同。摠期仰体

聖意。造就人材。并可不必題請。通飭除知會撫臣金鉷。札覆布政使元展成。廣西否。可照行。聽其再酌外。緣係錄示商酌事理。合備陳愚見。繕摺覆

奏。是否有當。伏乞

聖主睿鑒。

批示施行。臣謹

奏

是

雍正九年八月初一日、雲貴廣西總督臣鄂爾泰

謹

奏為欽承

恩諭再據愚忱事、竊臣欽遵請

旨一摺、于七月二十日接奉

硃批、卿來京見朕、不過暢我君臣一時之情耳、而三省苗

疆甫定、尚須鎮靜彈壓、善後事宜、更資料理、況朕萬

壽廷臣亦皆不令行禮。卿萬里往來，匆忙一見，更尅
難以為情。朕當更加詳酌降旨。至總督印務，或令高
其倬前來署理，或令三撫分任處。臨期亦有旨。朕意
于今冬或明春，着令卿來。今朝中尚少一贊襄杭務
之人。朕正在籌畫大概，并諭卿知，可靜候朕旨而行。
八月之期不必也。欽此。臣跪誦之下，如親覲。

天顏如親聆

天語激切，瞻依莫可言喻。而尋絳萬里往來，匆忙一見，更
覺難以為情。句熱血奔心，復不禁泪下盈襟矣。伏念

三省苗疆廣狹不一、臣數年以來凜遵

聖訓、已料理一十六處、雖勦抚異施遲速各別、然大率多一番懲創、斯增一分寧帖、今大局甫定、諸務須籌安輯、調停更非易事、若不用猛力、斷難圖成、若不具恒心、終難善後、此中緩急細體方知、以臣薄劣、固猶期之數年后也、况一切民事多未就緒、如疏濬江河、挑築溝渠、墾闢荒蕪、焚烈山澤、皆地方之遠計、尤邊省所急先、臣雖竭蹶料理、亦略有規模、獨因廢弛日久、一時難以俱興、猶未敢

題報凡此兵民要務皆臣所有志而未逮欲懇請
陛見既少慰私衷并敬領

訓示再馳回滇任盡心調劑以二三年為期然后入侍左

右少效奔走此臣之至願亦臣之厚幸也竊蒙

恩諭再加詳酌或今冬明春着臣來京并委署分任之處

一併

降旨臣當欽遵靜候安心辦事斷不敢少有延悞亦不敢
少有將就也為此繕摺覆

奏伏乞

聖主睿鑒臣謹

奏

覽已命高其倬來滇矣。到時卿自悉知其餘事件。總俟卿
來京面諭。路上量力行走。不可勉強奔馳。過于勞碌。必遵
旨行。

同日又

奏為

皇威已靖苗氛

天象特昭瑞霽事。竊據廣西布政使元展成等詳稱。雍正

九年五月二十九日卯時旭日初升祥雲捧護日旁有宛然山字結成不散綵色繽紛似芝似蓋山形黠黠為阜為陵儼舞鳳于丹山烟霞縹緲拱赤烏于碧落瑞靄綢繆歷卯辰已三時之久遍府州縣四屬之區文武兵民咸稱為南寧未聞之上瑞鄉村城市共慶為西粵未睹之奇祥等情又據左江鎮總兵官蔡成貴呈稱自剪滅鄧橫賊寨奉檄撤兵于本年五月二十二日抵署即于二十九日特見異瑞等情各到臣：查粵西為猖獗狼之雜處惟多瘴雨蠻烟鄧

橫為兇惡獷悍之渠魁，久肆苗氛惡焰，一朝屠滅，頓
開化日光天，合省震驚，悉畏雷霆烽火，下民之怨氣
盡散，撥霧披雲。

上蒼之和氣旋施，回春煥采，故于戢弓橐天之際，特呈金柯
玉葉之奇，童叟呼嵩，歷三時而結字，臣民額手，遍四
屬而同觀感。

北闕之動

天咸賴

一人有慶，頌南山之有象，群祝

萬壽無疆、除經撫臣具疏

題報外、謹摺奏

聞、伏乞

聖主睿鑒、臣謹

奏、

業已題到矣、

同日又

奏、為覆

奏事、雍正九年六月初十日、大學士公馬爾賽、大學士

張廷玉寄信內開雍正九年五月十五日奉

上諭聞廣西鄧橫苗寨憑仗險阻屢攻不克因思京師冲天礮一種若用以攻擊苗寨似操必勝之技查冲天礮大者重七八百斤小者重三百八十斤遠道運送以小者為便爾等可寄信詢問總督鄂爾泰若攻取苗寨地方須用此礮即具奏前來朕發礮二位并選精熟礮手二人一同前往至于應送何省何處亦令鄂爾泰酌量定奪倘攻取苗寨不必用此或此信到日苗疆軍務已竣亦即據實奏聞欽此遵

旨寄信前來、等因、到臣、捧讀之下、感奮惶悚、一時交集、敬念我

皇上、萬幾宵旰、无慮不周、以橫鄧一賊寨、而屢攻不克、猶致上塵

聖懷、此天下兆姓之福、亦臣等大吏之罪也、因欽奉上諭之前、橫鄧已報捷音、暫不須用、故未

奏請、查冲天大礮、寔攻擊之奇器、果能熟悉礮規、遠近高下、不差尺度、則无堅不破、亦何險可憑、惟是此種礮位、似未便畝置外省、且蠢爾苗蠻、原无大伎倆、但

將領少具勇謀，鎗礮即可操必勝。臣于各苗蠻之役，又製有西瓜炸礮、火毒群蜂、并火箭火磚等件，用以攻寨亦頗便利。前于烏蒙攻破、涼山木城、近于鄧橫，攻破四六九甲，俱甚得其力。三百八十斤重冲天礮二位，俟或有須用之處，臣再當請。

旨頒發，然仰賴

天威，百蠻震疊，惟願永遠更不須用此礮，則邊疆幸甚。臣愚幸甚，謹據寔覆。

奏伏乞

聖主睿鑒臣謹

奏

甚是

同日又

奏為覆

奏事竊臣恭報鄧橫已靖情形一摺荷蒙

硃批題到有旨卿前奏云楊天縱乞休尚未見奏到朕意欲將哈元生調黔用蔡成貴為滇省提督卿以為何如若與朕意相同其右江鎮員缺孰可勝任可奏來

一併發旨欽此查楊天縱原係能事提督獨以天年近八十兩耳重聽考驗稽查恐不无錯漏是以臣前經奏

聞擬令乞休續因軍務未竣須人料理故不得不暫緩今已密札囑伊具本矣黔省苗彊關係緊要且楚粵邊界尚有應辦事如蒙

聖恩將哈元生調黔是可以有濟雲南提督員缺統轄九鎮方隅遼濶雖苗獠雜錯接壤外夷然地方寧靜營伍充寔但得搃守端謹可以服人訓練嚴勤可以馭

衆之提臣，即可以收寔效，而勿隳前功。左江鎮總兵官蔡成貴，耿介自持，從无苟得，搃練約束，不避怨嫌。若補滇省提督，亦可以勝任。雖伊賦性孤直，多與人不和，然臣能相規，伊亦相信，同省共事，自可以相與有成也。至左江鎮員缺，當水陸要衝，汎連趵趾，營接廣東，雖鄧橫已除，諸務猶須整頓。現在三省副將內，無可勝此任者。查雲南永順鎮總兵官霍昇，雖器局微小，似非大材，然搃守謹飭，不減蔡成貴。練兵有法，不讓哈元生。且諸事留心，俱有條理。移調江左，殊可

以資彈壓其永順鎮遺缺查臣所屬副將內將來可用提兵者僅三四人或尚須造就或尚少功勤或要地未可擅離或擬畱用要地現在俱未便陞補懇請特簡補授或將山永協副將冶大雄補授庶邊防各有能員臣亦得資指臂之用矣謹繕摺覆

奏伏乞

聖主睿鑒臣謹

奏

覽冶大雄已有旨著署彝陵提兵矣軍前需用人員甚多

各省要鎮多將就委用、一時不得其人、三省員缺、
只可酌量補調、越銜不合例、不必論也、霍昇之缺、可
遞行擬員、言之高其倬、具奏請旨、

同日又

奏為欽奉

聖諭事竊臣荷蒙

頒發

硃諭二道廣東總督臣孔毓珣奏摺二扣原任廣西提督

臣田峻奏摺一扣到臣伏讀

硃諭此係田峻之奏發來與卿一笑竟有如此良心何在
之論然黔省官兵輕厭粵西兵將見大局已定有心
畱與伊等為難或亦有之事今總將廣西歸併著卿

總督此案卿自有秉公察理之道也隨便發來與卿看欽此又田峻摺內奉

硃批此係田峻未上遺本之前所奏即將此摺留中已

批諭何顏有此一奏之旨如此良心喪盡可發一笈欽

此又孔毓珣奏報八達蕩平一摺奉

硃批此係孔毓珣之奏發來卿看以便採擇料理欽此臣

看田峻八達之舉既輕率於前復畏縮于後初調常
顯帑進取地勢賊情并未籌畫繼見賊勢猖獗官兵
屢敗鎮將紛告急而田峻咨行惟有務出萬全一

語亦并无調度及聞滇黔官兵將至不得已親往計
柳州至八達不過半月程而匝月始到既到見賊首
已戮賊巢已平并不計及賊子聽其逡遁數日之內
遂爾旋回并撤官兵僅留兵三百名令遊擊一員駐
劄彈壓試思以粵省數千之兵猶不能抵賊時賊勢
雖窮賊心未附倘撤兵之後餘黨復聚三百名官兵
更何能為據此舉動田峻寔屬庸材無足置論者也
弄高一寨地險人強為賊寨之咽喉不破弄高斷不
能攻八達廣南前進山勢險峻為賊寨之屏障但能

占奪山頂、則踞高攻下、八達斷不能守。八月二十八日、總兵蔡成貴既破弄高、誅寨賊衆、哀號乞命。而八達之賊亦願歸順。故蔡成貴念義不殺降、暫停進取。諭令投誠。廣羅協副將楊洪奮勇前進、奪取礮臺、攻抵賊寨。見黔粵官兵未到、故隨踞險、割營暫緩進取。而八達兵衆見滇兵已臨巢穴、欲奪路出逃、遂直奔粵路。粵兵不能抵敵、故致傷亡。據田峻楷稱、安籠官兵收回、雲南官兵退去、竟若一日克取五礮臺、皆粵軍之力。而雲南官兵轉似敗退者、捫心自問、是誠何

顏且所稱平寨鬼亭止兩小寨耳離八達寨尚遠二十九日夜蔡成貴楊洪各行密謀火攻破寨粵營并不能知及至賊寨已平楊洪大樹旗幟粵弁始來會話云此番破寨我們亦曾放火及問所燒何寨答云也燒過寨外兩間草房至今傳說以為笑談茲據稱焚僂平寨鬼亭之後賊党始惧乃焚大寨夜遁殊不知粵軍大敗之日即克平寨鬼亭之后無論克二小寨賊党無所惧即使賊党果惧欲遁欲守俱焚寨何為臣前據粵將呈報見有二十九日夜賊寨不知何

故火起等語、實不禁大笑、無情之詞、遂不覺自相矛盾也。至孔毓珣所奏、殊屬公論。獨以駐劄遼遠、只據田峻之札、諸將之稟、故所知仍有未確。查遊擊常顯、帑為賊所愚、不能破寨、咎无可諉、情有可原。臣前已奏明、段宗岳見粵兵懦弱、斷不能力取、發銀購線、極費心力。此臣所深知、但以數月之久、并無聲息。滇黔官兵一到、隨即殺敵、為盡係粵力。黔員不能平、惟蔡成貴報文內不與段宗岳聯銜、止稱將賊首級移交粵員、粵員亦不能甘。此係蔡成貴器小、不知大體處。再

段宗岳血氣勇敢人也急欲滅賊苦于兵弱謂其調度疎畧寔无所辭若謂其人甚柔懦段宗岳殊難瞑目又安籠遊擊田昌友等奉令進攻已抵賊寨粵兵不能前原非所逆料傷亡負兵可以情恕乃自以畏罪之故竟以賊人恃粵通同外應等語通詳此寔係諛飾之詞大約鎮將之稟報各有私心惟當平心合看其事自明彼此爭辯皆未可謂確據也至于孔毓珣所奏州牧一摺前奉

硃批聞得劉德健甚是不堪卿可秉公察究或調或革即

酌量一面料理一面奏聞欽此續奉

硃批西隆州知州劉德健前經有人叅奏故有前諭今又據金鉷奏稱劉德健乃係出色好員十分保荐似此毀譽難憑用人之苦不可勝言矣其該上司如此嘉獎必有確據朕已諭伊向卿言之也卿可叅酌察訪秉公料理又

諭此諭書畢劉德健故本題到因有前諭閒發來看欽此臣查廣西之西隆州地方與雲南廣南府接壤又于

黔粵分界案內經臣

題請將西隆江北之五甲已割歸貴州故凡該州情事

臣半得與聞初八達寨之舉非田峻本意實啟釁于劉德健既而八達橫肆方難勦除而劉德健又聲言欲滅泥崗以致泥崗附賊后并土黃以及各寨无不附賊者西隆幾不能支而劉德健并束手無策續八達既定有投誠土目等聯名具呈訴告劉德健劣蹟臣因隔省未便審究僅取供條案移知粵省大約孔毓珣所奏多係寔事此三省在事文武所合口一詞者也據臣揆度劉德健諒非好員但撫臣金鉞既十

分保荐伊自有確據、臣未知劉德健之平素亦未敢
即以人言為信也、八達寨一案雖提鎮俱已病故、應
无庸議、而事情原委仍須查明、臣現已檄行查報、統
俟赴黔回滇各案卷詳送到日、臣再詳加叅酌、秉公
料理、據寔奏

聞合先覆

奏伏乞

聖主睿鑒、臣謹

奏、

硃批可謂大公至正之論

同日又

奏為報明勦撫丹江一帶生苗就緒情形仰祈

睿鑒事竊照陞任貴州按察使張廣泗統領官兵開闢生
苗地界八寨等處俱經就撫小丹江一帶業已攻破
經臣節次

奏明在案茲據遊擊史應貴呈稱卑職帶領官兵在烏
即關口固守十一月二十一日黎明有逆苗千餘前
來對敵卑職令官兵施放鎗礮打敗二十二日逆苗

聚集復來、被卑賊四路伏兵齊起、用鎗礮打死數十
次日、逆苗復聚千餘、三面進敵、卑賊領兵堵殺、官兵
奮勇打死逆苗無算、據副將蘓大有稟報十一月二
十四日、張撫院同卑賊移營至小丹江、有苗賊千餘、
四山吶喊、撲近前來、卑賊率領備弁兵丁力敵、追上
山梁、鎗礮打傷苗賊十餘名、賊始潰敗、據叅將趙文
英等稟報帶兵抵者、飛小菁山頭、隨有者飛頭人阿
駝等赴營、求請招安、又

硃批知道了、漢姦甚為可惡、當嚴究緝者

雍正七年二月二十四日、雲貴廣西總督臣鄂爾泰
謹

奏為恭謝

聖恩事、雍正七年二月初五日、臣齊捐家奴蒙

恩賞銀十兩、馳驛齎奉

欽賜臣錦絲盒盛

上御寶帶一圍、又黃匣一個、內洋漆盒盛

御用團圓餅滿器、並瑪瑙盒硯、瑪瑙瑞芝法瑯鼻烟壺、各

一、鎮紙火鑪包、各二、共八件、又

元旦令節

御宴珍食二匣、鹿舌、鹿尾、鹿肉、共一簍。

養心殿製爐二座、人參十觔、藕粉十包、哈密瓜二員、蜜橘、蜜柑、共一簍、回滇臣隨郊迎至署、恭設香案、望

闕叩頭謝

恩、祇領訖、復據家奴口傳、奉內裡大人面諭、這餅是中秋圖月的。

皇上元旦日、在宮內同用這團圓餅、特由出一塊、賞總督等語、臣敬聆之下、聲淚俱咽、神魂靡寧、謹率同臣妻

並臣子鄂容、鄂寔、鄂寔、鄂寔等合家叩首、均勻
分食、竊謂都俞喜起、寔不足以為喻、家人父子、猶無
可以比倫、此即負心賊子聞之、亦應感泣、况臣天性
俱存、良心未昧、自問何人、是誠何以當此、及敬啟摺
扣、跪謝

硃批、言言訓勵、字字矜憐、不敢卒讀、不能仰視、念臣爾泰、
叨荷

殊恩至矣、盡矣、此生此世、即欲圖萬一之報、知必不能、
天地神明、是鑒是察、生逢

堯舜有不勉學臯夔而僅以漢唐諸臣自處是已暴棄之
甚者倘並漢唐諸臣之弗如其何以自甘然心勿敢
懈才不能堪終恐無補封疆負我

慈父為天下後世笑是則臣之所日夜悚惕難以自安者
也念輒驚心言輒淚下感頌之詞并不能着一語
欽賜寶帶惟當敬謹秘藏以為臣家世寶亦并不敢具本

謝

恩謹此繕摺差臣家奴齎

奏恭謝

聖恩伏乞

聖主睿鑒

臣謹

奏

硃批覽卿奏謝至誠肫摯朕動容嘉悅覽焉

同日又

奏為恭謝

聖恩事

竊臣

家奴回滇口述正月初八日内裡大人傳

旨你到怡親王處去有交結你的事情如今日交給你你

明日就起身奴才隨于初九日赴府蒙王爺面諭

皇上賞總督內庫銀四萬兩、你可回去說知、著來請領、欽奉此、臣敬聞之下、不勝惟忭、不勝激切、伏念臣自蒙聖恩、拔置大任、計六年以來、所應得養廉、何止十萬、即用度之外、存留多餘、以置立田產、非力有不能、獨以公事未畢、未敢計及家私、是以至今、京中臣並無房屋、并無莊田、餘隨任家口外、亦并無一家人在京、昨歲兼理撫篆、多得養廉九千兩、除添用去賞號、尚有六千餘兩、臣曾用七百兩、贖出舊典老屋、再添數百兩、拆造裝修、臣祖父改置祠堂、并用九百餘兩、再于墳

園立碑三通以表祖父墓道仍存三千餘兩現貯司庫脩公擬俟祠碑事竣然后可及房屋以立家園原非敢矯情實不敢悖理也况託賴

聖主仁威諸事就緒總督養廉歲計有餘即臣自謀生理已甚屬充裕且臣天性儉約不事浮華除衣馬犒勞原不敢苟簡以損大吏體統此外則別无枉費至臣妻在署衣服不過紬絹并无首飾釵釧等物至今如

常感

恩遇之過隆痛父母之不逮寔不忍令妻子輩受享奢靡

以重臣罔極之悲也茲復蒙

特恩賞臣內庫銀四萬兩仰窺

聖慈神愴氣咽計屋舍田屋兒女婚嫁即終臣之身下及

孫子皆可從容富饒即屬庸人亦毋須別營私橐以

自玷身名矣

憐愛之深衷

成全之至意感極无言祇領何辭但臣京中既无家業又

无家人即欲置房屋一時亦難妥當仰懇

聖恩或准于滇庫餘銀內暫且動撥臣當陸續支領除置

買田房外餘畝備臣需用庶不至虛糜
聖賜而有忝

殊榮矣除啟覆怡親王候文遵照外謹繕摺具
奏恭謝

聖恩伏乞

睿鑒施行臣謹

奏

硃批、好已、面諭怡親王矣、王自有料理說與七斌來

同日又

奏為據寔陳明仰祈

慈鑒事竊臣恭報祥雲一摺荷蒙

硃批歲前冬初聞卿每患脇痛少覺氣弱朕思此皆憂思
之所致朕至不忍有諭慰問以諺語云心病還須心
藥醫若邀

上天慈恩

聖祖賜佑各處軍役就緒時我鄂爾泰自然全愈非目下
空言慰問所能解者所以忍而未頒問今

天

祖慈佑、三處俱陸續報捷、又覩此罕遇之嘉瑞、想卿必然
心怡神暢、諸微疾得全愈矣、目下卿体如何、去冬不
爽時、如何光景、可據寔奏朕、莫隱、凡人能一念專誠、
聚精會神、勤勞二字、實不妨、然憂心焦思、則萬、不
可、且亦于事无濟、當切戒之、况世情冷暖、人事參差、
明天理、達人情者、有幾、只可盡一己之心、以對越
上天、則修齊治平之道、俱備于中矣、其他入海算沙之類、
又何足與較、凡事當酌量精神、体察能否、不可任力
不能勝之事、不可費思所不及之心、夜眠若稍覺不

靜日食若少有不美則當慎節而不可勉強從事也
可必遵朕諭行欽此臣跪諷之下感痛失聲及今二
十日每一捧誦猶不禁淚墮滿襟莫能自解也念臣
爾泰受

恩深重報祿寔難惟期天此血誠以自免背負世情人事
原非所敢知雖身本羸瘦然精神自強并未敢以物
慾縈心亦何未有疾病撓体緣去歲秋冬諸務叢脞
哈元吳失事于川壘橄欖坭犯順于慢礫八達允猷
屢挫官兵丹江逆苗肆行抗拒臣每接稟報自慚庸

碌自思罪過輒中夜坐起不敢安寢凡一應軍前文書隨到隨投立即批發不敢少遲時刻而浮議紛騰造言雜錯雖明知為誑言或竊恐為寔事心力交迫眠食不遑迨十月初左肋下隱疼漸及胸膛腔內聞血腥心氣微蹇下陷時不能見官視事卧榻者僅三日續靜息調攝亦漸次痊可

萬壽令節五色雲現後各路官軍紛馳報捷臣不勝慶幸踴躍忘疲旬日之內遂已全愈今且精神加旺餐飯增強未較病時更覺壯健矣此

天恩之下逮寔

聖心之上通稠人蒙福而不知微臣當身而自省竊謂知

慎節戒憂焦此病藥也明天理達人情此心醫也伏讀倍加敬畏之心一念專誠聚精會神之

諭齋于心。心病得醫。心之藥并于心。醫得醫。心不病之藥。其

八海筭沙之類。不但不忍與較。正恐稍自墮落。即與于八海筭沙之數。更為人所不足與較者也。臣雖鈍根。敢不奮勉至

訓諭。諄令不可任力不能勝之事。不可費思所不及之

心夜眠不靜、日食不美、則不可勉強從事、雖慈父之
憐弱子、无以加此、臣復讀至不忍有慰問句、我鄂爾
泰自然全愈、句忽念臣父母復不禁感痛失聲、无以
自解也、夫勞逸不在形骸、疾病無聞性命、忘身而身
存、廢心而任事、臣必當時、儆惕、自愛自重、懇祈

聖慈、毋為萬里遠、臣慮也、緣奉

垂詢、用敢瑣屑、備陳、伏乞

聖主慈鑒、臣謹

奏、

殊批覽卿更尙壯健之奏心怡神暢寔慰朕懷朕揆
天理人情所見不謬矣何慶如之

同日又

奏為奏

聞事竊照滇省橄欖坝逆夷不法調遣官兵進勦大局已
定止猛腊一版納尚未平復緣由經臣節次

奏明在案續據遊擊徐成正稟報奉令帶兵進勦猛腊
先令各版納前往招安正月初八日行抵猛半地方
差探猛腊已于險要閉口打木城二道用數百人把

守卑賤率領官兵進頭道木城扎營示以攻取。刀正彥之子召糯隨即遣人投見情願歸順。卑賤單騎直入開諭招安。當招出橄欖坵百姓二百一十三名口。小頭人四名押赴提督行營聽候安插。并責令召糯同各版納往招各賊首。據遊擊施善元稟稱帶官兵前往猛籠。過籠得坵招出各寨逃避夷民一百九十六名口。緣係蟒界恐蟒國夷民俱怕逃躲。隨遣叭先帶能事頭目土兵往整亢漫牛等處誘撫。正月初七日據叭先回稟橄欖坵擺夷共來八寨。今先令七人

前來投誠。餘俟陸續方能到齊。賊目俱分散逃躲。分遣誘擒。有九龍江頭目具緬文知會宣慰刀金寶云。猛拏叭慙已差人拏獲賊首叭瞻叭素宰雅三犯。現在差人往探虛實。據楚姚鎮總兵官張應宗呈稱。自正月十七日起至二十三日止。又招出各寨夷民一百戶。共男婦七百五十二名口。俱交宣慰刀金寶各安住牧。又據徐成正稟報。召糯同各版納在蟒國地方。招出橄欖坝流夷四百一十三名口。卑戠在猛腊。又招出二百八十名口。俱押赴張總鎮行營安插。再

被阻外域之元江目兵康天錫等并客人六名夷目
二名、今于正月二十七日老撾國差叭目二名先目
四名土兵五十名護送同來、回到賊營并據康天錫
稟稱老撾來目說備象二條情願歸入內地、未知確
否等情、臣查撤攬填夷民歸誠復業者已萬餘人、賊
首叭瞻等三名既據報獲其餘一二犯、定難漏網、至
于遠服外域、備極恭順、此寔我

皇上至德深仁、化被誠通之所至、臣已隨差齎蟒錦緞綢
布疋等項去賞老撾來人、願歸之說、聽其自便、并令

不必言及其應安設文武流官等事提臣郝玉麟于二月初九日到省臣已與面加商酌現在詳慎定議分疏具

題又闢開貴州生苗地界事已就緒維地廣人衆諸凡善後圖維務須詳加布置臣亦節次

奏明茲據遊擊史應貴稟報伊等在雞講營盤宰牛欸諭大小各寨苗人明誓飲血埋石為記據稱情願永作良民每年上納錢糧再不敢作歹違抗據叅將趙文英知縣魯朝聘稟報伊等在八寨行營正月初八

等日有里條也告烏達楊烏擺卓番扛竹笛等寨頭人赴營就撫割具木刻認納錢糧據鎮遠府知府方顯呈報又招撫得清水江柳受柳利二寨生苗計一百九十二戶楊遼番招等寨計七百六十戶等情是生苗前已畏威漸且向化設鎮安營建官刷界等事人又頗以為較易而不知愈應作難事觀臣抵黔時即與撫臣張廣泗面商熟籌務當凜奉

聖訓詳慎料理以圖永遠安帖可也又安順一帶前所化生苗應勘明界址臣收納錢糧臣先委副將劉成謨知

府朱齊年何經文等前往辦理、今據稟報、公同分勘
界趾、陸續收過生苗糧銀、已三百二十六寨、深山窮
谷、恃險負固之生苗、无不紛々向化、寔有欣羨良民
之心、近又化出生苗二百四十七寨、尚有二十餘寨
不出投順、隨佯作進勦之勢、再遣人化誨各寨生苗、
現俱歸誠、願預納雍正七年錢糧、賤等一遵指示、到
處獎賞、科賦從輕、生苗懽幸、現已直達粵界等情、臣
查安順、定廣、鎮寧、永寧、永豐等府州、允與粵接壤、皆
係無管生苗、近一年以來、并无刦殺案件、是亦歸化

之驗、應俟勘明界址、分歸各州縣管汛管轄、即當另行

題報、以上三件、定係滇黔兩省、盡邊要務、所有續報情事、合再一并奏

聞、伏乞

聖主睿鑒、臣謹

奏、

欣悅覽焉、皆賴卿忠誠任事之所致者、宣示廷臣、无不惟悅慶幸、但此歸化苗生、人數衆多、地方遼濶、善後事宜、最

為切要。卿奏云人頗以為較易。而不知愈應作難事。觀此
論甚是。朕復有何諭也。即此一念。辦理未有不妥協者。可
與張廣泗悉心料理。奏聞。

雍正七年七月二十四日、雲貴廣西總督、臣鄂爾泰
謹

奏、為恭謝

天恩事、雍正七年七月初三日、准吏部咨開、總督鄂爾泰
自陳一疏奉

旨、卿忠誠、體國、公正、廉明、自簡任總督以來、正己率屬、和
輯兵民、撫綏苗衆、百度具舉、懋著勲勤、正資倚任、著
照舊供職、該部院知道、欽此、相應知照、欽遵施行等
因、到臣、欽惟我

皇上

廣覆同天

至明並日

揚清激濁舉三載考績之典庶正咸熙
鑑澈衡平行百僚明試之條天工時亮

皇恩寵逮驚慚甚而但覓汗流

聖眷褒嘉感激深而無言泪下念去姦去偽去私去偏去

貪去暗

臣

爾泰固常洗滌于隱微而學忠學誠學公

學正學廉學明

臣

爾泰寔未進窺其堂奧却非存是

縱不敏而請從、由淺入深、雖未能而竊願、諄諄聖訓、寤寐難忘、懇懇

王言、出入必警、不敢以僚屬之過誤、謂非臣之愆尤、不敢以兵民之疲羸、謂非臣之疾痛、不敢以苗衆之獷悍、謂非臣之踈頑、不敢以百度之廢弛、謂臣之怠惰、荷垂倚之

異數、敢自懈其股肱、凜委任之

殊綸、敢稍弛其負戴、無勲勞之可報、雖頂踵不重、毫毛矢勤、勛以自將、即豚魚亦同血氣、緣遵例不敢具疏、謹

繕摺恭謝

天恩伏乞

聖主睿鑒臣謹

奏

硃批數句票籤諭旨何能盡述卿之忠誠功績也不過將大畧令天下臣工知之、意耳、

同日又

奏為恭謝

聖恩事、雍正七年七月十二日、臣

齎摺家奴蒙

恩賞銀十兩、馳驛齎回

欽賜臣

御書扇八柄、共三匣、抵青陽、臣隨郊迎至公館、恭設香案望

闕叩頭謝

恩祇受訖、敬啟摺扣、荷蒙
殊諭、

聖祖皇考當日甚喜朕書扇、每年書進百餘柄、有旨不著
書名、命用閑字圖書、今尚有存留在内者、賜卿數匣、

近日朕書寔不能及從前矣。六年來亦未暇書扇。偶書一二柄。自覺筆滋不及當年之興致也。欽此。欽惟我

皇上

聖由天縱

學本性成

大孝至誠。歷七年而如一日。

用中行健。勤三事而理萬幾。憶承

聖祖之懽顏。法書斯在。仰答

上天之眷佑、體物不忘、臣恭捧

天章、萬里恍同咫尺、敬觀

聖藻、便面如覲

龍顏、傳諸子孫、寶勝球圖、垂

寵光于奕葉、鑄諸金石、珍逾琰琬、銘

恩德于肺肝、前

賜臣以扁聯、日月光華、時瞻仰乎

寶訓、今

賜臣以扇、簾、烟雲繚繞、常披拂夫

薰風此

君恩無以復加而臣職不知所報者也再奉

硃批鄂昌人甚用得存心似正才具儘可再加教導歷練
不改初心可望成人在內學習與外任事體不同及
至外轉大用時仍須歷練豈不多費工夫歲月卿意
不過恐其錯悞即如卿負朕一般耳然朕用人自有
斟酌除自暴自棄之下流无奈伊何但肯存心向上
者自有造就之道也可勉勵之欽此敬仰

聖主造就人材勤懇之至意居心行事二者均重內

事外事各有攸宜、歷練望其及時、寸陰是惜、陶鑄直
符化育、片長不遺、培必因栽、傾原自覆、或同頑石、是
自外甄陶、苟具良心、亦誰甘暴棄、臣先以此惕慮、臣
即以此勸勉、惟願內外臣工、共思立心制行、以副
聖天子生成造就之盛心、不特臣之一身、臣之弟姪、臣之
僚屬、當期天諸寤寐、盟諸幽獨、已也、為此繕摺、恭謝
聖恩、伏乞

聖主睿鑒、臣謹

奏、

硃批覽欽奏謝矣

同日又

奏為黔省慶雲千秋特見事。雍正七年七月十九日。據貴州思州府知府劉鴻稟稱。七月初八日。自申前至酉刻。初見府城正北方有淡色紅霞。舒徐散布。少頃光彩射目。有青雲數片。左右環合。隨有深淺紅雲四圍繚繞。又見一朵紅雲。宛如宮扇。直上半天。大數十圍。鮮華燦爛。旁有光如錦練。約長數丈。縹緲旋繞。側邊有黃色雲。如淡金雛鶯。頃刻黃雲邊又現紅雲。形

色儼如珊瑚鮮明艷麗繼而北方中間疊出青色雲
六七重其下皆藍碧色似此雲成五色綵纈玲瓏有
未能以言語形容丹青圖畫者瞻仰之餘驚喜舞蹈
一時滿城官弁白叟黃童莫不額手聚觀咸稱為從
來所未有斯寔上瑞奇祥

皇上誠格之符驗也復據府學教授張克惠都坪司副長
官司府琇具報前來謹摹仿繪圖呈報臣伏
查黔首兩迤雨多晴少陰郁潮蒸居民行旅俱以得見
清明為瑞今歲自春徂秋霽日甘雨時和年豐黔之

臣民无不交相慶幸頌

聖天子之格被而思州一府與黎平鎮遠接壤地逼楚疆
忽見五彩慶雲色異形殊呈奇猷瑞臣遍查貴州通
志從未經紀載比諸雲南尤屬僅見敬仰

皇極日懋俾遐方盡沐光華

帝澤洪施致邊境共昭雲漢盛矣大矣

至德難名巍乎煥乎太平有象

上天重巽以申命是用誕告以彰

聖治之光昌臣賡歌以颺言惟願大書以補

皇輿於美脩除俟會同撫臣張廣泗具疏

題報外合先繕摺并將原圖恭呈

御覽伏乞

聖主睿鑒臣謹

奏

硃批上天屢示嘉祥朕寔倍加寅畏題到另有旨諭

同日又

奏為請招無管生苗以安三省邊境事竊照貴州銅仁
一府地處黔省極邊逼近紅苗夷界向因路遠苗強

不能管轄。僅于近府之烏羅等司地方。薄築土牆。以分內外。繼而苴苗通同作祟。雖經用兵剿撫。設官防範。而日久廢弛。凶頑如故。流官不敢輕出邊牆。苗人轉復侵擾內境。然此猶地近黔省。向名歸附者。自紅苗而外。又有無管生苗。北連湖廣。西接四川。廣袤千餘里。成化外之巨區。居三省之腹裏。其中地土平行。人民饒庶。語言衣飾。多如漢人。雖犬桑麻。无異內地。因并不隸于何省。或為強橫土司所割據。或為凶悍頭目所分侵。向號四不管。積習相沿。由來已久。查其

接連楚省者則係保靖永順桑植容美中崗大旺腊
壁高羅施南中路東鄉散毛等司其內如保靖永順
桑植三土司雖現經湖廣督撫諸臣議請改流然此
際正須籌畫周密以圖一勞永逸接連川界者則係
酉陽石耶地堪平茶邑梅等司其內酉陽土司冉元
齡自恃地廣苗衆肆行凶惡或窩藏姦匪或殺劫善
良尤屬渠魁首應鈐制此黔楚川接壤苗境之大局
所當熟計開通者也臣田心已久未敢輕議今因公
駐黔幸各處苗疆悉皆平定前預事宜自應籌及因

復密察博訪、遣有士民冉端等、具陳前事、隨交兩司傳詢、并面問情形大概、悉皆符合、本年五月、銅仁府知府姚謙赴省謁見、臣看其明白老成、猶堪料理、當將苗情詳細示知、指以机要、令其回郡、會同武員設法化誨、去後、陸續接據該文武稟報、會委吏目張公佐、巡撫孟士毅、把總張文炳、廖自新等、先赴熟苗地方、曉諭臣意、令將犯案之兇苗獻出、以便究結舊案、隨據該犯等自行投到候審、并不敢狡抗、又訪得生苗中有頭目田金保者、素為群苗推服、因設法招致

加以獎賞令其引導分兩路前進據張公佐寺化出生苗彭宗蓋牌黃版至川新寨松桃上卡落下卡落拖把鄉木坪桃子坪落塘蜡冲老堡子上稿坪抵哨金損沙流家多盤豹老虎寨太平茶下寨小河平所偏岩獨嘴岩鬼鳳鳴蓋倒水寺共三十寨又據孟士毅寺化出生苗老塘寨地甲柳瓦地宙弩矢坡霧露山爆木山馬乾溪盤瀑小蜡耳大蜡耳上康金下康金紅岩上標山下標山上盤朶下盤朶黃連寨永黎坪上嗅瑤下嗅瑤上十八棧下十八棧中十八棧大

鉛廠小鉛廠等共二十七寨又化出盤古打古藏坪
竹子山爛草坪上芭茅坪下芭茅坪上火燒炭下火
燒炭桿子坳代董洗鉛寨罷巴等共十二寨俱帶出
各寨苗目龍見布龍豹子等七十餘名赴府投見給
以花紅銀牌賞以酒食宣揚

聖德令其永遠歸順并勸導未歸各寨一体受撫永為良
民該苗等无不懽忻鼓舞又據張公佐等報稱坡西
一路直進化誨共招抚百餘寨已抵鄰省邊界該府
姚謙等擬親進賞犒查勘逐漸經筵等語除節次批

行、慎重料理外、臣查遠近生苗、一經招撫、即紛：內附、出見投誠、寔因聞風向化、故能共相觀感、似此杭有可乘、勢无不便、曷敢復有逡巡、但地界既屬遼瀾、苗寨亦分良頑、所用黔員、自未便越境料理、楚川兩省、附近文武、須得協力、始能濟事、如蒙

聖恩、俞允、容臣就便酌遣公辦、俟招撫完竣、後會勘界址、再分隸管轄、各定考成、庶申令專、而奉行易、用力省、而成功速、將從來未服之苗、數同登版籍、共聽約束、而三省之聲勢、益通遶、隅永靖矣、緣為疆界起見、臣

不敢少分彼此謹繕摺具

奏伏乞

聖主睿鑒

訓示遵行

臣謹

奏

硃批覽

同日又

奏為恭謝

天恩并陳下悃事雍正七年八月十五日

臣

接到家信敬

聞

敕建昭忠寺大典告竣復

欽定表獎忠勲扁額業于七月吉懸掛並安致牌位讀文

致祭而臣曾祖圖並立得與祀典臣隨恭設香案率

同妻子望

闕叩頭恭謝

天恩訖竊念臣高祖屯太初由汪欽地方率領七村親族

人等效順歸誠蒙

太祖高皇帝以薺羅瓦爾喀厄七克之妹給屯太為妻將屯

太之妹、給呂東巴突魯郡王為配、即

賞給全佐領、又一拜他拉布勒哈番、擒勦諸役、屢著勤勞、

及大凌河被圍、圖捫領兵、首先出戰、殺入敵陣、又力

擊張理兵、奮勇陣亡、時臣祖圖彥突甫年十九、蒙

太祖文皇帝優卹

垂問、賞襲佐領、兼拜他拉布勒哈番、圖彥突歷任叅領、兼

戶部郎中、屢有戰功、通旗首重、迨順治元年、平定北

京、圖彥突身故、年四十三、時臣兩伯父、總五六歲、臣

父鄂拜甫二歲、衆皆叙功、獨遺未叙、臣父每向臣言、

汝等但能上進將爾祖事績得一達

天聽吾可見爾祖于地下臣子效忠功固非所計此臣高

曾祖從

龍家世之始末也伏念臣以薄劣凡材遭逢

殊遇位至總督加銜尚書并无寸功而官廕二品今又以

苗疆之役交部議叙雖

臣

寔不稱而祖宗父母皆應

感泣于泉下瑣屑私情又何敢仰瀆但

臣

曾祖圖捫

既叨列昭忠牌位僅書佐領查固原提督臣紀成斌
之父陣亡守備紀法業

聖恩賞給

誥封得以贈官位列大臣之末懇祈

聖恩矜憐臣志臣將臣苗疆議叙之案

准予銷免

賞給臣職銜

誥封俾

臣

曾祖圖們亦得以贈官位列大臣之末而臣之

父母并得受封贈改換祠堂神主則臣上至祖宗

下及子孫生生世世光榮無既矣謹此繕摺恭

謝

天恩并陳下憫伏乞
聖主睿鑒施行臣謹

奏

硃批此奏朕寔欣悅嘉是覽之待朕恩命可也

雍正五年十月初八日、雲貴總督臣鄂爾泰、謹
奏、為恭謝

天恩事、雍正五年十月初一日、新授雲南按察使張允隨
赴任回省、齎捧

欽賜臣

御書扁對、誠悃宣猷四字、俸國公忠、股肱膺重、寄憲邦文、
武、梁棟得純、臣十八字、并鈎刺撰銅共二十二字、到
臣、臣隨郊迎至署、恭設香案、望

闕叩頭謝

恩訖祇領之下、瞻誦之餘、竊感激之私、與驚慚而交集、抑
忻幸之至、轉恐懼以彌深、頓首無言、仰天流涕、欽惟
我

皇上、

至誠致化

大知用中

念為君寔難、朝乾夕惕、願臣工堪寄股肱、

悉憲邦匪、易諄誨曲成、期文武克允、梁棟維

天心之默運、雖竊比管窺、凜

聖諭之頻頒。應群開茅塞。况反誠為偽。反公為私。反忠為
姦。反純為詐。但蹈其轍。固

王道所必誅。而離偽未。即是誠。離私未。即是公。離姦未。即
是忠。離詐未。即是純。緹涉其途。特

聖功所與進。臣爾泰不甘自棄。情知亦步亦趨。未能自強。
寔恐忽前忽却。期匪躬而体

國政多未平。矢據悃以宣猷。民猶不信。欽承

寶訓。惟當力辨幾希。仰睹

龍文。弗敢少寬一息。問此心是欺是慊。

天鑒在茲論有事謀身謀家人言可畏除具疏奏

謝外謹繕摺恭謝

聖恩伏乞

聖主睿鑒臣爾泰無任激切悚仄之至謹

奏

覽卿奏謝知道了

雍正五年十一月十一日雲貴總督臣鄂爾泰謹

奏為恭報滇黔二省秋收豐稔并米糧價值仰祈

睿鑒事竊照滇省跬步皆山黔省土性瘠薄全賴雨暘時

若方可豐收。雍正五年，自夏徂秋，雨澤調勻，兩省高
下田畝均得及時栽插，谷穗秀發異常。今雲南等二
十一府各報所屬秋收，均有十分，寔為大有之年。目
下省城米價，每石賣銀一兩一錢，其餘各府，每石六
七、八九錢，至一兩不等。貴州、貴陽等十一府並各屬
具報，早稻晚稻俱經收穫，通省收成約有八九分。省
城米價，每倉斗價銀八分，餘係六七分，間有八分者。
此皆仰賴我

皇上宵旰勤勞，感召

天和之所致也。再雲南今歲收成，寔十數年所未有。緣各屬
缺少倉谷，有以銀作抵，并發銀招買之項，皆令及時
完補，故米價仍不能大賤。合併聲明，謹繕摺

奏報，伏乞

聖主睿鑒，臣謹

奏、

卿此忠誠，若不如是

昭應，無是理也。朕欣悅，以手加額覽之。

同日又

奏為報明進勦窩泥逆賊事。竊查車里宣慰司地方近逼老撾、暹、連、緬、國，有窩泥一種，雖具人形，而生性冥頑，與禽獸無異。藉江外為溝池，倚茶山為捍衛，盤踞萬山之中，深匿險岩之內，入則借採茶以資生，出則憑剽掠為活計。前鎮沅逆案，刀如珍芋，勾結各種猥賊，輒有窩泥四百。臣于三月內已摺

奏其詳。及官兵進勦，窩泥四散。于四月二十八、九等日，據普威營叅將邱明揚、茶山守備李定海等先後報稱，有窩泥逆賊沙比一名，在架布地方砍傷客腳。當

被汎弁查知、前往追拏、沙比即脫逃于倚邦穀地等處、糾結賊黨、隨有蟒芝凶賊、麻布朋、與克者老二、二人、原係窩泥渠魁、率全衆凶、于四月初六七兩日、在慢課慢林等處、要截路口、刦殺行人、茶商客衆、多被殺傷、各皆奔命、隨經嚴飭將弁、帶領官兵、星速拏獲、通計前後、拏獲凶賊、共七十人、隨經該將脩等、訊問各供、麻布朋等、悖亂已極、雖其妻子羽黨等、俱已被獲、而麻布朋與克者老二、潛逃无踪、查一帶地方、係車里宣慰司官轄、隨經將脩等、檄知該土司刀金寶、

協全擒拏。續據刀金寶。雖一面委有土目刀正彥等。前來會商勸抚。一面具詳。代窩泥凶賊辨訴。據稱茶商衆客。多以重利滾砌窩泥。故致麻布朋等肆行剗殺。等語。該將備等。以既稱茶商滾砌。隨帶領官兵。約同該土司等。齊至茶山。代為清美。以憑招抚。漢夷安輯地方。去后。詎料刀正彥稽遲不前。反遣叭枯等督領六山窩泥。焚燒倚邦各寨。堵塞各路要口。竟將帶領兵丁。會期招抚之把總王朝選。并兵丁內之十七人。及糧差一名。皆衝散裹去。今據總兵官孫宏本副。

將張應宗、叅將邱名揚等，各報稱據探得王把總被攸樂窩泥用弩打死，在慢拱全路竹蓬裡。兵丁十七名、糧差董成俱死在慢哀小河，凡往山往江各要路盡行堵絕，不能前進。叅將邱名揚已帶領官兵親往，行至猛旺等情。到臣，隨飛檄孫宏本著帶該鎮官兵一千名，并調元江協兵五百名、新甯營兵五百名、景東營兵三百名，加以普威營官兵，仍調土兵一千名，星夜進剿。臣看得窩泥雖凶，若无指使之人，亦未敢輕舉。據土目刀正彥素與宣慰司刀金寶不睦，屢

聞、伏乞

欲占管江內板納地方、勢有不能、茲乘隙鼓惑六山
窩泥、逞其恣橫、以嫁禍于刀金寶、率領土兵、堵絕江
外去路、則充賊勢、難擒撲、況殺官殺兵、習為泛常、不
及此勦滅、何以善后、臣前于九月、報明勦抚猺賊情
形、事案內、有因尚有一二狡賊未獲、酌留官兵暫駐
茅語、正以此案群凶雖擒、正犯未獲、其時威遠未靖、
故暫作緩勢、今餘賊平定、且烟瘴全消、正宜乘此、以
圖一勞永逸、所有調兵進勦情由、合先脩叙、具摺奏

聖主睿鑒

訓示遵行臣謹

奏

覽

同日又

奏為恭謝

聖恩事、雍正五年十二月初二日、臣齋摺家奴蒙

恩賞給驛馬齋捧

頒賜臣

親嘗克食一盒。

御筵果餌并鹿尾鹿舌共三匣、哈密瓜四個抵滇至本月

初八日臣標千總段福壽復蒙

恩賞給驛馬齎回

御賜臣阿布哈羊三支、廣橙一簍、文旦一簍、抵滇臣隨各

郊迎至署恭設香案望

闕叩頭謝

恩祇領訖敬啟摺扣跪謁

硃批覽卿奏謝知道了、字、出于至誠、朕皆動容覽

閱諸王大臣、因朕五十大壽、懇請脩宴、朕勉從之。此日微雪、一堂和氣、喜溢宮院。念卿在遠者、未得入坐。特畱數種朕親嘗食物、寄來卿食。此如同君臣對面宴會也。特諭欽此。臣伏讀之下、感痛失聲。妻子聞知、亦皆泣下、念受

恩至此、無可名言。

天地神明、寔鑒寔察。爾泰有生之年、或敢一時一念、忘我慈父、定當永墮輪迴、並不得與恒河沙數矣。又接臣弟爾

奇家信、內稱十一月初一日、

上御西暖閣

諭諸臣曰、朕于群臣、無不關切、每當陞辭時、諸臣亦有恋
恋者、然朕心寔未嘗畝繫、惟鄂爾泰前在朕前、不過
數日、朕每念之不置、偶閱伊奏摺、輒為淚下、豈亦君
臣夙世緣分耶、昨朕萬壽節、諸臣進觴、朕于班中不
見鄂爾泰、輒為不懌、特畝筵上果餌四盤、令奏摺家
人齎去、以示朕意、欽此、語畢、

天顏愴然、竟于班中、不禁淚下如雨、幾至失聲、
聖恩若此、更復何言、等語、臣捧誦數四、涕流終日、以臣之

愚寔无以當此夙世緣分、敬受今生、今生作者、更期奮勉公忠誠純之

訓、凜体終身、不敢或作不善、因以致

大慈悲、大光明、亦欲施矜憐而不能、則倖免墮落、臣願畢矣、此外不復能著一語、至臣弟爾奇、矢志無他、然每多偏執、據稱爾奇、近以

奏對謬悞、自分嚴譴、蒙

聖恩矜全、旋加寬宥、訓誨諄々、逾于父子、并

諭、看汝近來行事、恐有大姦、見朕意不可搖動、故別為巧

計使汝自蹈罪戾、或并欲借此以陷汝兄、汝兄爾泰、
為朕委任、豈無人嫉妬、無人播弄、但伊謹慎、故不墮
其計中耳、欽此、爾奇跪聆之下、淚血交迸、誓期竭盡
愚誠、仰酬

君父、無為萬里懸念、等語、伏念

臣兄弟受

恩、寔无可名言、感極而慚、懼極而惧、嫉妬人所或有、謹慎
力可自持、惟當交相勸勉、反躬責己、如行之不逮于
人乎、何尤

慈父之前、畧無忌諱、不禁言之瑣屑也、為此繕摺、恭謝

聖恩伏乞

聖主睿鑒

臣謹

奏

雍正五年十二月十三日雲貴總督

臣鄂爾泰謹

奏為恭報瑞雪預兆豐年事竊滇南氣候四時不甚懸殊晴霽則冬可衣袷陰晦則夏可重綿秋盡草不凝霜冬深地无積雪即間遇大雪亦不過數寸旋積旋化然凡降雪之年來歲必係豐收詢之土人歷歷可驗今自入冬以來天氣甚正冬至日微雪衆皆以為

佳兆。至十九日傍晚大雪紛霏，及次日清晨雪盈二尺許。父老罕見，少壯希聞。漢夷士庶莫不懽忻，復據左右郡縣絡繹具報。同日得雪自一尺二尺至二尺數寸不等。農民慶幸，皆謂二十年来所未有此。寔我聖主敬誠所致，感召

天庥，遠邇無間。被及邊方，臣每接准部咨，伏讀

上諭，凡祈谷重農，賑災蠲賦，莫不深入民隱，體恤周至。即父母之各為子謀，百姓之各為家謀，恐無此諄切詳到也。臣等身膺重寄，叨荷

殊恩惟當欽遵凜体并遍行曉諭虛心寔力各勤厥職俾
毋致上干

天和或降之罰則民生幸甚官方幸甚臣爾奉無任忻忭
無任感激繕摺恭報伏乞

聖主睿鑒謹

奏

去冬瑞雪可謂浩蕩

天恩直省普同皆賜盈尺之雪寔罕遇者況滇省從未聞有
二尺餘之雪朕惟以手加額倍加惕厲與卿等共勉

之耳朕寔感激愈增敬畏矣

天

祖寔鑒之也

雍正六年二月初十日雲貴總督

臣

鄂爾泰謹

奏為恭謝

天恩事雍正六年正月初十日由驛遞齎到

頒賜

臣

御書福字一幅對聯一副如意荷包一個內金銀寶玉共二十八枚珊瑚結堆花荷包一對貂皮六十張蘋果

廣橙共一簍、文旦朱橘共一簍、哈密瓜二簍、鹿尾十支、鹿肉六方、湯羊一支、樹雞六支、細鱗魚四尾、臣隨郊迎至署望

闕叩頭謝

恩祇受訖、竊念臣自到滇南、三經改歲、每遇慶賀之辰、遙念班聯之會、敬憶

慈顏、恍聞

天語、心依神馳、寔不能自解、而我

聖主萬幾親理、日昃不遑、乃蒙于元旦二十餘日之前、獨

垂念及臣萬里之外金貂珍珮嘉饌異品驛路飛傳官僚
驚見受

恩至此臣又何言前蒙

聖諭訓臣母作兒女態臣自捫心固不能無兒女天性也

至若天保遐福之歆蓼蕭萬福之咏此臣之所以祝
君惟有猷有為有守康色好德則錫之福此皇極之
所以與臣今臣已叨荷

聖主錫福者三仰瞻

龍文竊自忖念守不足難或可自信而何必以有猷何以

有為何以安和現于色何以好德發于中對越之下

敢不凜然至于敬繹

寶聯則曰化日山川秀芳春歲月長臣忻之私倍切慶

幸蓋邊隅苗獫之地皆蠻烟瘴雨之鄉今共睹光天
化日盡成大地芳春固宜滇黔山川皆增秀麗蠻荒
歲月同樂舒長而我

聖主之所以眷顧邊方者期之深望之切故勉之至也臣

惟願以

錫福于臣者臣遍以散福于滇黔祈滇黔之父老子弟歲

歲年、同遊春風化日之中、是臣之心、是臣之志也
如云酬答

殊恩、臣當矢之生々世々、涓埃萬一之報、臣亦无能自慰
矣、謹繕摺恭謝

天恩伏乞

聖主睿鑒、臣謹

奏、

覽卿奏謝知道了、

同日又

奏為恭謝

聖恩事。雍正六年正月十九日奉到驛遞齋回臣前

奏匣敬啟摺扣荷蒙

硃批朕寔含淚觀之卿寔可謂朕之知己卿若見不透信
不及亦不能如此行亦不敢如此行也朕寔嘉悅而
慶幸焉不但朱綱聞此而不敢感發者除非木石也
朱綱人甚練達朕訓他莫患才不足用但務一誠字
則全才矣伊亦深為感服此人可用欽此臣伏讀之
下不敢仰視念臣雖身在萬里然一月之中必一聆

訓誨凡一言一字无不可以動

天地、感鬼神而紹述

聖祖之心、在末嘗一刻暫止、臣若于此猶不能感發興悟、体悉

聖心是何異木石、豈復有血氣、感慚奮惕、臣當終身以之、
并遍望僚屬各、問心人、踐寔毋自甘木石之類、
自外血氣之倫可也、撫臣朱綱、明白練達、才寔可用、
但聰明處甚多、而切寔處尚少、倘果能凜遵
聖訓、務一誠字、則可用而亦可信、常德壽原无虧空、現已

查明再臣前

奏公件宮莊二摺現與撫臣朱綱確商妥議再另摺請
旨合併陳明為此繕摺恭謝

聖恩伏乞

聖主睿鑒臣謹

奏、

覽、

同日又

奏為覆

奏事。雍正六年正月十九日奉到何世璠條陳一摺。荷蒙

硃批。此係何世璠之奏。若應行酌量具題。如無益摺。奏以聞。欽此。臣看何世璠摺內。一為正軍田之疆界。一為定苗民之管轄。就點而論。均屬可行。但其中有當斟酌變通者。有應分別緩急者。請敬陳大畧。據稱田土疆界一事。臣查漢夷地方。多有互相挽雜。隔涉寫遠者。論田土亦不獨軍田。論隔屬亦不獨楚省。論黔省之內。亦不獨鎮遠。施秉。玉屏。清溪。大抵鞭長不及。互

相推諉難于查稽者所在皆是臣自奉就近歸併之諭旨已概行委貲分路查勘不論隔省隔府隔州隔縣通令查勘明白就近改併以歸畫一庶幾錢糧易于徵輸姦宄無從逃匿于地方極有裨益應俟查明詳報到日臣再加核酌會疏請

旨至苗民官轄一事臣查土司改流原屬正務但有應改者有不應改者有可改可不改者有必不可改必不可不改者有必應改而不得不緩改者有可不改而不得已竟改者審時度勢順情得理庶先無成心而

有濟公事。若不論有無過犯。一槩勒令改流。無論不足。以服人。兼恐能不以善後。如果相安。在土原無異于在流。如不相安。在流亦无異于在土也。何世堪此議。臣當謹慎酌行。自未便具

題請著為例。總之邊境夷情。非失之姑息。即失之決裂。非過于畏蕙。即過于張皇。論剿論抚。遂都無是處。現在如黎平。都勻。鎮遠。所屬八萬九股。苛苗。臣已趁封印開時。調署臬司張廣泗來滇。將一切机宜。詳細商諭。并行各該屬協營將弁。同心協辦。聽其調度。限以

八月內報竣而施秉縣屬苗寨犯撫撫緩蓋欲靖黎平必以都勻為先聲欲靖鎮遠必以黎平為前導舉重馭輕則施秉不勞而自靖今欲先其小者恐失要領反難就緒矣相應一併陳明伏乞

聖主睿鑒臣謹

奏

所論甚是

祖秉圭奏烏蒙之變副將郭壽城被害事烏蒙彈壓之兵為數原少此事卿所辦少寬輕忽但郭壽城舉動甚屬孟

浪似此等新定地方、朕屢有旨、不可惜費、善後之策、得人為要、想卿自有調度料理、向後須更當慎重、前數摺皆十九日批諭者、祖秉圭二十日方奏到、此係續批之諭

雍正六年三月初八日、雲貴總督臣鄂爾泰謹

奏為欽奉

上諭事、雍正六年正月二十七日、准吏部咨、奉

上諭、為治之道、首重得人、朕臨御以來、夙夜孜孜、廣為諮訪、期得人材、以理庶政、而外內臣工、所保之負、其中秉公推荐、足備任使者、固不乏人、而徇私濫舉、及苟

且塞責者亦復不少。今特諭內外諸臣等京官自翰林科道郎中以上外官自知府道員學政以上武官自副將以上旂員自叅領以上皆令每人各舉一人滿洲官員則保舉滿洲漢軍官員則保舉漢軍漢人官員則保舉漢人文職官員亦許保舉武職武職官員亦許保舉文職欽此欽遵部咨到臣竊臣條滿洲鑲藍旂人應遵

旨保舉滿洲官員但臣初襲佐領繼充侍衛後調內務府員外郎人微性拙原少知交即或親友中間有才具

可脩

國家之用業蒙

聖恩拔置大吏不在應保之列况外委五年文武旂員皆
未能熟悉既不敢濫行舉荐又何敢苟且塞責相應

具摺

奏明伏乞

聖主睿鑒

臣謹

奏

卿若有所知之人亦不待朕之詢問此奏甚是

雍正六年三月二十八日、雲貴總督臣鄂爾泰謹
奏為恭謝

聖恩事、雍正六年三月十二日、臣齋捐家奴蒙
恩賞給驛馬、齋回

欽賜臣

御定子史精華全部、并乳餅一匣、酥食一匣、藕粉六包、抵
滇、臣隨郊迎至署、恭設香案、望

闕叩頭謝

恩祇受訖、除經繕摺恭謝

賜書外敬摺扣所有

奏謝律歷淵源一摺荷蒙

硃批欣悅覽之朕所喜者滇黔兩省新創之事甚多初定地方籌畫之慶頗繁想必案卷如山料卿必竭蹶勉強辦理今覽此奏尚能留心于律歷之書則精神力量必有餘也朕寔神情皆為之怡悅欣喜之懷筆不能諭雖然宙之一字甚切要珍重之欽此臣跪誦之下始而忤舞繼以感泣念臣身受殊知无有倫比若于地方一切事件有不竭履辦理宙精

神何用、由力量何為、是勉強處、即是安帖處、況誠之一字、親承

寶訓、一時一事、皆當凜體、若接奉

御書、而并不寓目經心、供奉高閣、是虛負

聖賜、誠于何通、故以臣愚陋、雖不能深解、必周復玩繹、敬

求大旨、以返諸身心、原非敢由心文字、或有妨政務

也、至于由之一字、臣當欽遵珍重、宋邵雍解由春安

樂、亦只是騰那法、木以靜而朽、樞以動而堅、形質之

勞逸、原无所閑礙、惟能寡欲閑邪、自克身心、安泰仰

荷

殊恩愛

臣

諄篤憐

臣

切至即竭百年之力亦不能報效消

埃

臣知自重

臣

當自強斷不敢以有用之精神力量

用于無用或致疾病殘廢以上負我

慈父也言之淚下不禁瑣陳敬繕摺扣恭謝

聖恩伏乞

聖主睿鑒

臣謹

奏

朕欣悅覽之所論極通但嘗此滋味者不多得也

雍正六年四月二十六日、雲貴總督臣鄂爾泰謹
奏、為恭謝

聖恩事、雍正六年四月十八日、臣齋摺家奴、蒙
恩賞給驛馬、齋回

頒賜臣

皇輿圖十卷

御製磁器一箱、共二十件、哈密瓜乾、香瓜乾、共一匣、乳餅

一匣、抵滇、臣隨郊迎至署、恭設香案、望

闕叩頭謝

恩祇領訖、竊念臣叨荷

殊知、無可比擬、感頌之詞、莫能出口、伏讀不念及卿、尚當

念及何人之

諭、淚下如雨、不能仰視、此即凡有血氣者、皆應聞之、激切

况臣天性具在、將何以自處、公忠誠純之

訓、惟當鏤骨銘心、此生此世、誓不負我

慈父也、再接臣兄鄂臨泰家信、知臣胞姪鄂昌、蒙

恩特授戶部主事、臣家一門、兄弟子女、均邀

異數、不獨臣等竭力致身、寔難仰報萬一、即臣之祖宗父

母、九泉有知、亦當圖報于生：世：矣、緣例不具本、
謹此附摺、恭謝

聖恩、伏乞

聖主睿鑒、臣謹

奏、

覽、